

Yang

Chĩc Atõng Parnai O Tẽ Yê-su Crĩt

Santoiq Atõng

Yang la manoaq tẽ tốp muoi chĩt la bar náq rien tẽ Yê-su. Án la a-ẽm Yacõ cốp con samiang Sê-badê. Án chĩc saráq nâi sám 85 toâq 90 cumo ntun Yê-su canõt.

Yang chĩc atõng pai Yê-su toâp la Parnai Yiang Sursĩ sãng pở cốc cutẽq nâi. Án cõt cũai cốp õt parnoi cốp cũai. Yang chĩc saráq nâi đõq yõn máh cũai sa-âm Yê-su la Con Yiang Sursĩ, án ca chuai amoong cũai. Cũai aléq roap sa-âm Con ki, cũai ki bữn tamoong mantái níc.

Yang chĩc loah máh ranáq salẽh đõq apáh Yê-su la manoaq chuai amoong ca Yiang Sursĩ khoiq ỹq tẽ nhũang. Yang atõng tẽ noau táq Yê-su cốp téh án tâng aluang sangcáng; án cuchĩt cốp tamoong loah. Vót ki Yê-su apáh tở án yõn tốp rien tẽ án hữm loah án.

Parnai Yiang Sursĩ Cõt Sac Sâiq Machõng Cũai Tẽ

¹ Tẽ dâu lứq, bo Yiang Sursĩ tở yũah tẽng muoi ramúh ntróu, Parnai Yiang Sursĩ khoiq bữn chơ.* Án õt níc cốp Yiang Sursĩ. Án la lứq Yiang Sursĩ.

* **1:1** 1:1 Parnai Yiang Sursĩ la Yê-su Crĩt.

² Án ốt cốp Yiang Sursĩ tể dẫu lứq.

³ Nho án, Yiang Sursĩ tểng túc culám khám ramứh tâng pưn cốp tâng pống. Tở bữn muoi ramứh ntróu Yiang Sursĩ tểng ma tở bữn nho tể án.

⁴ Nho tể án yuaq bữn ốc tamoong, cốp ốc tamoong ki la ốc poang yỗn nheq tữh cũai.

⁵ Ốc poang claq tâng ntốq canám, cốp ốc canám tở riap pupát ốc poang nài.

⁶⁻⁷ Bữn manoaq samiang Yiang Sursĩ ớn toáq atống tể ốc poang nài. Ramứh án la Yang. Án yoc dũ náq cũai tềq sâng tể ốc poang nài cốp sa-âm.

⁸ Yang la tở cởn ốc poang nài, ma án toáq atống tể ốc poang nài.

⁹ Ốc poang nài la Yê-su Crít. Án la ốc poang lứq samoát. Án toáq táq ranáq án tâng cốc cutểq nài. Án aclaq poang tâng mút pahỏm dũ náq cũai.

¹⁰ Án ốt tâng cutểq nài. Cutểq nài la án toáp tểng, ma cũai tâng cutểq nài tở bữn saccoal án.

¹¹ Án toáq pở cruang cutểq án bữm, ma cũai ki tở bữn roap án.

¹² Ma cũai aléq roap cốp sa-âm án, án yỗn cũai ki bữn chóc tềq cởt con acái Yiang Sursĩ.

¹³ Alóí cởt con acái Yiang Sursĩ cở nho Yiang Sursĩ tểng. Tở cởn ariang mansẻm canỏt con, tở la apu amia, tở la puai ngẻ cũai chanchỏm.

¹⁴ Parnai Yiang Sursĩ cởt sac sâiq machớng cũai tẻ. Án ốt parnoi cốp hái. Hái khoiq hữm án bữn chóc sỏt toâr lứq machớng chóc Con Yiang

Sursĩ. Án bữn mút pahõm yoc ẽ chuai miat máh cũai, cớp bữn mút pahõm p̄ieiq níc.

¹⁵ Yang p̄õq pau atõng tẽ Yê-su neq: “Cũai nâi la cứq khoiq atõng anhia neq: ‘Án toâq ntun cứq, ma án bữn chớc hõn tẽ cứq. Yuaq tẽ nhũang cứq tỡ yũah cõt, án khoiq bữn chớ tâng paloõng.’”

¹⁶ Nheq tữh hái khoiq bữn sa-ũĩ ốc bõn, cõ nhớ án chuai miat hái.

¹⁷ Yiang Sursĩ khoiq yõn tốp I-sarel bữn p̄hẽp rit án na Mũi-se, ma ốc chuai miat cớp ốc p̄ieiq toâq na Yê-su Crĩt.

¹⁸ Tỡ bữn cũai aléq bữn hũm Yiang Sursĩ. Ma Con Yiang Sursĩ khoiq atõng yõn máh cũai dáng tẽ Yiang Sursĩ. Yiang Sursĩ bữn ống muoi lám Con sâng. Án lĩ-ralĩ cớp Yiang Sursĩ, cớp án bữn muoi mút cớp Mpoaq án.”

Yang La Cũai Ca Táq Batẽm

(Mathia 3:1-12; Mac 1:1-8; Luca 3:1-18)

¹⁹ Nâi la parnai Yang atõng bo tốp I-sarel tâng vil Yaru-salem ớn bar pái náq tẽ tốp tẽng rit sang Yiang Sursĩ cớp tẽ tốp Lê-vi toâq blóh Yang neq: “Thâi la noau?”

²⁰ Yang ngin tẽ máh ranáq án táq. Án tỡ bữn cakéq ntrớu. Án ta-õi alóí neq: “Cứq tỡ cõn Crĩt.”

²¹ Chớ alóí blóh án sĩa neq: “Khân ngkíq, thâi la noau? Thâi la Ê-li tỡ?”

Yang ta-õi: “Cứq tỡ cõn Ê-li.”

Alóí blóh sĩa: “Thâi la cũai tang bõq Yiang Sursĩ ca hẽq ngcuang tỡ?”

Yang ta-õi alói: “Tõ cõn.”

²² Alói blóh sĩa: “Khân ngkiq, thài la noau? Sẽq mới atõng hẽq, đõq hẽq chu atõng loah cũai ca ón hẽq toàq põ nài. Sẽq mới atõng hẽq, mới la noau?”

²³ Yang ta-õi alói machõng parnai Ê-sai, la cũai tang bõq Yiang Sursĩ, khoiq atõng neq:

“Cứq la ‘sương sabau casang tẽ ntõq aiq neq:

Cóq anhia cháh báng yõn tanoang rana yõn Ncháu hái.’”[☆]

²⁴⁻²⁵ Bữn cũai tẽ tốp Pha-rasi toàq blóh sĩa Yang neq: “Khân mới tở cõn Crít, tở la Ê-li, tở la cũai tang bõq Yiang Sursĩ ca hẽq nguang, nõq mới táq batẽm yõn cũai?”

²⁶⁻²⁷ Yang ta-õi loah neq: “Cứq táq batẽm na đõq sâng, ma bữn manoaq toàq ntun cứq. Sanua án tayúng mpúng dĩ anhia, ma anhia tở bữn sacoał án. Cứq tở bữn dĩ chóc dẽh leh cansái cõp tẽ ayũng án, yuaq cứq la chóc cacót lứq.”

²⁸ Máh ranáq nài cõt tâng vil Bê-thani, yáng tooh crõng Yôr-dan põ ntõq Yang đõq táq batẽm.

Yang Atõng Tẽ Yê-su

²⁹ Máh tangái parnõ ẽn, Yang hữm Yê-su toàq põ án. Yang pai neq: “Tít! Anhia nhẽng! Án la Cũu Con tẽ Yiang Sursĩ. Án la riang charán noau kiac sang yõn Yiang Sursĩ, đõq Yiang Sursĩ táh lỏih nheq tữh cũai.

³⁰ Cứq khoiq atõng chơ tẽ án neq: ‘Bữn manoaq toàq ntun cứq, ma án bữn chóc toàh hỡn

[☆] **1:23** 1:23 Ê-sai 40:3

tễ cứq. Tễ nhũang cứq tở yũah cõt, án khoiq bữn chơ tâng paloõng.’

³¹ Tễ nhũang, cứq tở bữn dáng án la Crít. Ma cứq khoiq táq batẽm toâq đõq yõn tốp I-sarel têq dáng án la noau.”

³² Yang atõng loah máh ranáq án khoiq hữm chơ neq: “Cứq khoiq hữm Raviei Yiang Sursĩ sễng tễ paloõng ariang chóm tariap. Chơ Raviei Yiang Sursĩ õt loâng cớp án.

³³ Tangái ki cứq tở yũah dáng tê tễ máh ranáq Yê-su yoc ẽ táq, ma Yiang Sursĩ ớn cứq táq batẽm toâq đõq atõng cứq neq: ‘Tữ mới hữm manoaq ca bữn Raviei Yiang Sursĩ sễng õt, lứq án nâi la cũai táq batẽm toâq Raviei Yiang Sursĩ.’

³⁴ Lứq cứq khoiq hữm chơ ốc nâi. Cứq atõng anhia samoât lứq, Yê-su nâi la lứq Con Yiang Sursĩ.”

Cũai Ca Rien Tễ Yê-su Nhũang Lứq

³⁵ Tangái parnõ ễn, Yang ca táq ranáq batẽm õt loah tâng ntốq ki parnơi cớp bar náq rien tễ án.

³⁶ Tữ án hữm Yê-su pỡq pha, án nhêng chu Yê-su, cớp án pai neq: “Ki! Anhia nhêng! Án toâp la Cũu Con tễ Yiang Sursĩ.”

³⁷ Tữ bar náq rien tễ Yang sâng án pai ngkíq, alới puai Yê-su.

³⁸ Yê-su luliaq cớp hữm alới bar náq puai án, chơ án blớh alới neq: “Ntrớu anhia ẽ bữn, anhia puai cứq?”

Alới ta-õi: “Thâi õt nléq?”

³⁹ Yê-su ta-õi alới neq: “Anhia toâq nhêng.”

Ngkíq bar náq ki puai Yê-su cốp alóí hũm ntốq Yê-su ốt. Chơ alóí ốt cốp Yê-su nheq muoi tangái ki, yuaq khoi q toáq mandang ralóh chơ.

40 Anrê, a-ễm Si-môn Phi-er, la manoaq tễ alóí bar náq ca khoi q sâng Yang atống, chơ alóí puai Yê-su.

41 Anrê pốq toáp ramóh Si-môn, ai án, chơ atống án neq: “Hếq khoi q ramóh chơ Me-sia, án ca Yiang Sursĩ rườh đốq chuai amoong cũai.” (Tâng parnai Créc noau đốq án la Crít.)

42 Anrê đưng Si-môn toáq pố Yê-su. Yê-su nhêng chu Si-môn cốp atống án neq: “Mới la ramứh Si-môn, con samiang Yô-na. Ma sanua cứq amứh mới ramứh tamái ễn la Sê-pha.” (Ramứh Sê-pha tâng parnai Créc la Phi-er, cốp Phi-er parlong loah la ‘tamáu’.)

43 Mách tangái parnỗ ễn Yê-su chanchóm ễ pốq chu cruang Cali-lê. Tữ án pốq, án ramóh Phi-lip, cốp atống án neq: “Cóq mới puai cứq!”

44 Phi-lip ốt muoi vil cốp Anrê cốp Phi-er. Ramứh vil ki la Bet-sada.

45 Chơ Phi-lip ramóh Na-thanĩal cốp atống án neq: “Hếq khoi q ramóh chơ án ca Mũi-se khoi q chĩc tâng Tâm Saráq Phễp Rit tốp I-sarel. Cốp máh cũai tang bỗq Yiang Sursĩ tễ mbỗq atống tễ cũai nũi tễ. Ramứh án la Yê-su, con samiang Yô-sep tễ vil Na-sarết.”

46 Ma Na-thanĩal blóh neq: “Loỏh lữr ntrứu tễ vil Na-sarết?”

Phi-lip ta-ôi: “Âu mới pốq nhêng salĩq voai.”

47 Tữ Yê-su hữm Na-thañal toâq pở án, ki Yê-su atông tễ Na-thañal neq: “Án nâi la cūai I-sarel lứq samoât. Án tở bữn bữn loâng ngê tở O.”

48 Na-thañal blóh Yê-su: “Nỏq thâi dáng tễ mút cứq?”

Yê-su ta-ỡi án neq: “Tễ nhũang Phi-lip tở yũah arô mới, bo mới ớt nhưp nỡm tarúng, cứq khoi q dáng chơ mới.”

49 Na-thañal pai ễn neq: “Thâi ỡi! Thâi la lứq Con Yiang Sursĩ. Cóp thâi la lứq Puo cūai I-sarel.”

50 Yê-su pai neq: “Cứq mbõiq pai, ‘Cứq khoi q dáng chơ mới bo mới ớt nhưp aluang ki,’ ma nỏq mới sa-âm toáp? Nỡ-ra mới bữn hữm ranáq toâr clũi tễ nâi ễn!”

51 Yê-su pai ễn: “Cứq atông anhia samoât lứq, nỡ-ra anhia bữn hữm ranẽng Yiang Sursĩ chõn sễng tễ paloõng cõ nhơ tễ Con Yiang Cõt Cūai.”

2

Noau Racoâiq Tâng Vil Cana

1 Vót bar tangái ễn bữn noau racoâiq lacuoi tâng vil Cana, cruang Cali-lê. Mpiq Yê-su ớt pở ki,

2 cốp noau mới Yê-su cốp tốp rien tễ án toâq pở ki tễ.

3 Toâq blống nho khoi q nheq chơ, mpiq Yê-su atông Yê-su neq: “Sanua blống alới khoi q nheq chơ.”

4 Yê-su ta-ỡi mpiq án neq: “Tở bữn ntróu, mpiq. Nâi la tở cõn ranáq cứq. Ngư cứq táq tở yũah toâq.”

⁵ Ngkíq mpiq Yê-su atõng máh cūai táq ranáq neq: “Ntróu án ón anhia táq, anhia táq aki.”

⁶ Tõp I-sarel bũn rit cóq ariau atĩ nhũang ẽ cha. Ngkíq ntốq ki bũn tapoât lám khang tamáu đõq puai rit ki. Muoi khang tadõng bar pái chít aluoi đõq.

⁷ Yê-su ón cūai táq ranáq ki neq: “Sanua anhia chók đõq yõn poân máh khang ki.”

Chơ alóí chók đõq li tambór khang.

⁸ Vót ki Yê-su ón alóí ẽn neq: “Sanua anhia puoc đõq tẽ khang nãi; chơ aloõh yõn thâu kẽ nguaiq.”

Cūai táq ranáq đũng đõq ki toâq pở thâu kẽ.

⁹ Chơ thâu kẽ nguaiq chim, ma đõq ki khoiq cõt blõng nho. Thâu kẽ ki tở dáng tẽ léq blõng nãi toâq, ma cūai táq ranáq puoc đõq ki dáng. Ngkíq thâu kẽ arô cūai ca ãt lacuoi,

¹⁰ cóp án pai neq: “Toâq noau mơi tamoi, noau đõq aloõh blõng ẽm nhũang voai yõn tamoi nguaiq. Toâq tamoi nguaiq sa-ũri chơ, ki nõq noau aloõh blõng ntiah ẽn. Ma trở nãi anhia aloõh blõng ẽm ntun lứq.”

¹¹ Yê-su táq yõn đõq cõt blõng tâng vil Cana cruang Cali-lê. Nãi la ranáq salẽh trở đầu lứq án táq. Án táq ngkíq đõq apáh chóc án. Ngkíq tốp rien tẽ án sa-âm án.

¹² Vót ki Yê-su, mpiq án, a-ẽm samiang án, cóp tốp rien tẽ án, pởq chu vil Cabê-na-um. Alóí õt ngki bar pái tangái.

*Yê-su Mut Tânq Dông Sang Toâr Tốp I-sarel
(Mathia 21:12-13; Mac 11:15-17; Luca 19:45-46)*

¹³ Cheq ẽ toâq tangái tốp I-sarel cha sanhữ loah Tangái Loõh.* Ngkíq Yê-su chôn pở vil Yaru-salem.

¹⁴ Tânq Dông Sang Toâr tốp I-sarel, Yê-su ramóh cũai chẻq chỡng ntroỏq, cũu, cớp chớm tariap. Cớp bữn cũai lêq práq hỡ tânq ntỏq ki.

¹⁵ Ngkíq Yê-su táq muoi ntreh samữ đỏq proaih, chớ án proaih atũih aloõh nheq charán tẽ đớng sang ki, đễ cũu cớp ntroỏq. Cớp án cutỏl chíq máh cachớng cũai lêq práq toau máh práq sa-ar nheq.

¹⁶ Chớ Yê-su ớn cũai chẻq chớm tariap ki neq: “Anhia aloõh chíq tariap tẽ ntỏq nâi. Anhia chõi táq đớng Mpoaq cứq cõt samoât đớng.”

¹⁷ Tốp rien tẽ Yê-su sanhữ loah tẽ noau khoi q chĩc tânq tâm saráq Yiang Sursĩ tẽ mbỏq neq: “Mút pahỡm cứq sâng pasẻq lứq đớng sang Yiang Sursĩ; cõt samoât ùih thal tânq mút pahỡm cứq.”☆

¹⁸ Moâm ki tốp I-sarel blớh Yê-su neq: “Tếc ntrớu thâi apáh yỗn hẻq dáng thâi bữn chớc táq ranáq nâi?”

¹⁹ Yê-su ta-ỡi alới neq: “Khân talỏh đớng sang nâi, chớ cứq táq loah tânq pái tangái la moâm toáp.”

* **2:13** 2:13 Tangái ki alới sanhữ tangái Yiang Sursĩ chuai yỗn alới loõh tẽ cruang Ê-yip-tỏ tẽ mbỏq. ☆ **2:17** 2:17 Ủat Khẻn 69:9

20 Cũai I-sarel blóh loah Yê-su: “Hếq táq đồng sang nâi nheq pôn chít tapoât cumo. Ma nỏq thâi pai thâi táq đồng sang nâi moâm tâng pái tangái sâng?”

21 Ma santoiq ki Yê-su sacâm tễ tổ án bữm la samoât đồng sang.

22 Toâq vót Yê-su cuchĩt, chơ tamoong loah, tốp rien tễ Yê-su sanhữ loah tễ santoiq Yê-su pai nâi. Chơ alóí noap lứq tâm saráq Yiang Sursĩ cốp máh santoiq Yê-su pai.

23 Yê-su ốt loah tâng vil Yaru-salem máh tangái tốp I-sarel cha sanhữ loah Tangái Loõh. Bo Yê-su ốt ntỏq ki bữn cứng cũai sa-âm án, yuaq alóí hữm ranáq salễh án táq.

24 Ma Yê-su tở bữn noap alóí, yuaq án dáng tâng mút pahõm nheq tữh cũai.

25 Án tở bữn túh noau atõng án tễ mút pahõm cũai, yuaq án khoiq dáng samoât lứq chơ tễ mút pahõm cũai.

3

Yê-su Táq Ntõng Cốp Ni-cudem

1 Bữn manoaq tễ tốp Pha-rasi, ramứh Ni-cudem. Án la tễ tốp sỏt cũai I-sarel.

2 Bữn muoi sadâu án toâq pở Yê-su cốp pai neq: “Thâi ơi! Hếq khoiq dáng chơ thâi toâq tễ Yiang Sursĩ. Tở bữn noau tềq táq ranáq salễh machóng thâi táq, khân Yiang Sursĩ ma tở bữn chuai yỏn táq máh ranáq ki.”

3 Yê-su ta-õi án neq: “Cứq atỡng mới samoât lứq, khân cũai aléq ma tở bữn sết loah, án lứq tở têq hữm Yiang Sursĩ táq sôt.”

4 Chơ Ni-cudem blớh loah Yê-su neq: “Nốq cũai khoiq thâu ma têq sết loah? Lứq aléq la tở têq mut noâng tâng púng mpiq cớp sết loah muoi trỗ ển!”

5 Yê-su ta-õi loah án neq: “Cứq atỡng mới samoât lứq, khân bữn cũai aléq ma tở bữn sết na đớq cớp na Raviei Yiang Sursĩ, cũai ki lứq tở têq mut tâng tốp Yiang Sursĩ sôt.

6 Khân cõt na cũai la cũai sâng, ma khân cõt na Raviei Yiang Sursĩ la bữn Raviei án tâng mút pahõm.

7 Mới chõi dớt tễ santoiq cứq pai, anhia cóq sết loah.

8 Patoat cuyal phát tê, chu léq án yoc ể phát, lứq án phát chu ki. Mới têq sâng hỏ cuyal ki, ma mới tở dáng tễ léq án toâq, cớp tở dáng chu léq án pỡq. Machớng cuyal ki tê yõn nheq tữh cũai ca sết loah na Raviei Yiang Sursĩ.”

9 Vớt Yê-su pai ngkíq Ni-cudem blớh loah neq: “Dớt oiq! Nốq têq cũai sết loah?”

10 Yê-su ta-õi loah neq: “Mới la thâi atỡng cũai I-sarel, ma mới tở bữn sapúh ramứh nâi tở?”

11 Cứq atỡng mới samoât lứq, hếq atỡng tễ máh ramứh hếq khoiq dáng, cớp hếq aloõh máh ramứh hếq khoiq hữm chơ, ma tở bữn noau tễ anhia noap santoiq hếq.

12 Cứq khoiq atỡng anhia tễ máh ramứh tâng cutểq nâi, ma anhia tở bữn sa-âm cứq, casõn

cúq atõng máh ramúh tâng paloõng ẽn, nõq tẽq anhia sa-âm?

13 Tõ nài bữn cũai chõn chu paloõng. Bữn õng manoaq sâng khoiq chõn chu paloõng. Manoaq nài la Con Yiang Cõt Cũai, án ca khoiq sẽng tẽ paloõng.

14 “Tẽ mbõq Mõi-se ayõng cusân sapoan tâng ntõq aiq. Nõ-ra noau ayõng Con Yiang Cõt Cũai machõng ki tẽ.

15 Ngkíq, khân cũai aléq ma sa-âm án, cũai ki bữn tamoong mantái níc.

16 Yiang Sursĩ bữn õng muoi lám Con sâng. Cõ án ayooq lúq nheq tữh cũai, ngkíq án yõn Con án sẽng õt tâng cutẽq nài. Cũai aléq sa-âm Con án, raviei cũai ki tõ nài cuchĩt pút, ma bữn tamoong mantái.

17 Yiang Sursĩ tõ bữn ón Con án sẽng põ cutẽq nài dõq sữq cũai, ma Yiang Sursĩ yoc ẽ chuai amoong nheq tữh cũai cõ nhơ tẽ Con án.

18 “Cũai aléq khoiq sa-âm Con Yiang Sursĩ, Yiang Sursĩ lúq tõ bữn táq cũai ki. Ma cũai aléq tõ bữn sa-âm, Yiang Sursĩ dadõq ẽ táq cũai ki, cõ cũai ki tõ bữn sa-âm Con Yiang Sursĩ.

19 Yiang Sursĩ dadõq ẽ táq cũai la cõ neq: Ốc poang khoiq toáq põ cutẽq nài, ma cũai pasẽq ốc canám hữn tẽ ốc poang, yuaq ranáq alóí táq la sâuq.

20 Nheq tữh cũai ca táq ranáq sâuq kêt lúq ốc poang. Alóí tõ ẽq ẽ toáq põ ốc poang, yuaq alóí ngcõh noau dáng tẽ máh ranáq sâuq alóí táq.

21 Ma cūai aléq ca puai ranáq pñeiq, alóí yoc lúq toáq pǝ óc poang. Alóí yoc óc poang apáh alóí trính nheq máh ngé Yiang Sursĩ yoc alóí táq.”

Yang Ca Táq Batẽm Atõng Ęn Tẽ Yê-su

22 Moâm Yê-su pai ngíq, án cóp tǝp rien tẽ án mut tâng cruang Yudê. Alóí õt pǝ ki táq batẽm yǝn cūai.

23 Bo ki Yang táq batẽm tâng ntóq Anôn cheq vil Salim, yuaq ntóq ki bũn sa-ũĩ dǝq. Cóp máh cūai toáq níc pǝ Yang ěq án táq batẽm yǝn alóí.

24 (Bo ki, noau tǝ yũah chóq Yang tâng cuaq tũ.)

25 Vót ki tǝp rien tẽ Yang rasuon cóp manoaq cūai I-sarel tẽ rit sambráh.

26 Chơ tǝp rien tẽ Yang toáq pǝ Yang cóp atõng án neq: “Thâi ơi! Manoaq ca õt cóp thâi, bo thâi õt yáng ki crõng Yôr-dan, án ca thâi khoiq atõng yǝn hếq dáng, sanua án táq batẽm yǝn cūai tẽ. Cóp nheq tũh cūai toáq pǝ án.”

27 Yang ta-õi alóí neq: “Cūai tǝ tẽq bũn muoi ramúh ntróu, khân Yiang Sursĩ tǝ bũn yǝn án bũn.

28 Anhia dáng chơ cúq khoiq pai neq: ‘Cúq tǝ cõn Crĩt. Ma Yiang Sursĩ ỏn cúq toáq nhũang Crĩt.’

29 Ốc nâi la samoát parnai sacâm neq: Khân bũn manoaq pǝq racoáiq lacuoi, yóu án tẽq pǝq parnơi cóp án. Ma yóu tǝ tẽq ndõm lacuoi án. Manoaq án toáp tẽq ndõm. Ma yóu ca pǝq cantrĩng ki, alóí lúq sâng bũi tẽ. Ngíq cúq la

machóng yóu ki tê. Sanua cứq bữn moang óc bữi óh, yuaq Crĩt khoiq toâq chơ.

³⁰ Án ki cóq cõt toâr achõn, ma cứq cóq cõt cacót asẽng.

³¹ “Án ca toâq tẽ pỡng, án toâr clũi nheq tẽ canõh. Án ca toâq tẽ cutẽq, án sốt ống tâng cutẽq, cóp án atõng tẽ ramứh tâng cutẽq sâng. Ma án ca toâq tẽ paloõng, án toâr nheq tẽ canõh.

³² Án ki atõng máh ramứh án khoiq hữm cóp sâng chơ, ma tỡ bữn noau yoc ẽ tamứng satoioq án.

³³ Aléq noap satoioq án pai, cũai ki ngin Yiang Sursĩ la p̄ieiq lứq.

³⁴ Yiang Sursĩ khoiq ón Yê-su toâq atõng parnai Yiang Sursĩ. Yuaq ngkíq, Yiang Sursĩ yõn Yê-su bữn moang Raviei án.

³⁵ Mpoaq ayooq Con, cóp chiau túc ramứh yõn án cõt sốt.

³⁶ Cũai aléq sa-âm Con Yiang Sursĩ, cũai ki lứq bữn tamoong mantái. Ma cũai aléq tỡ bữn trĩh Con ki, cũai ki tỡ nai bữn tamoong mantái, ma Yiang Sursĩ dadõq níc ẽ táq án.”

4

Yê-su Táq Ntõng Cóp Mansẽm Tẽ Cruang Sa-mari

¹ Tõp Pha-rasi khoiq sâng noau pai Yê-su bữn sa-ữi cũai rien tẽ án, cóp án táq batẽm yõn cũai sa-ữi hỡn tẽ Yang.

² Ma lứq p̄ieiq, atĩ Yê-su tỡ bữn táq batẽm yõn cũai, ma ống tõp rien tẽ Yê-su toâp táq ranáq ki.

³ Tữ Yê-su dáng tốp Pha-rasi khoi^q sâng noau pai ngkí^q, chơ án loòh toáp tể cruang Yudê, cớp án pít chu loah pở cruang Cali-lê.

⁴ Ma rana Yê-su ẽ pở^q, án cóq pha cruang Sa-mari.

⁵ Tâng cruang Sa-mari án toá^q pở vil Sukha. Vil ki cheq ntố^q ruang Yacố^p yỗn Yô-sep con samiang án tể mbố^q.

⁶ Cớp bữn dỡ^q parnít tâng ntố^q ki, Yacố^p khoi^q pít tể mbố^q. Yê-su sâng lakéh lakiei, yuaq án pở^q níc tâng rana. Ngkí^q Yê-su tacu cheq dỡ^q parnít ki; ma khoi^q cheq mandang toâng chơ.

⁷ Bữn manoa^q mansẽm Sa-mari toá^q ỏh dỡ^q. Chơ Yê-su pai chố^q mansẽm ki: “Sẽ^q mới yỗn cứ^q nguai^q tê dỡ^q mới, ỡi tồh!”

⁸ (Tốp rien tể Yê-su khoi^q mut tâng vil ẽ chỡng cớng sana.)

⁹ Mansẽm ki pai chố^q Yê-su neq: “Âu! Nố^q mới la cũai I-sarel, ma sẽ^q nguai^q dỡ^q tể cứ^q? Cứ^q la cũai Sa-mari.”

Án pai ngkí^q yuaq tốp I-sarel tở bữn ratoi cớp tốp Sa-mari.

¹⁰ Yê-su pai loah chố^q án neq: “Khân mới dáng ntróu Yiang Sursĩ ẽ chuai miat, cớp khân mới dáng cũai ca sẽ^q nguai^q dỡ^q tể mới, ngkí^q mới lứ^q sẽ^q loah tể án; chơ án yỗn mới bữn dỡ^q têq yỗn tamoo^{ng}.”

¹¹ Mansẽm ki ta-ỡi Yê-su neq: “Thâi ỡi! Thâi ỏ^q cớng puoc dỡ^q, cớp dỡ^q parnít nâi yarũ lứ^q. Ngkí^q tể lé^q thâi bữn dỡ^q têq yỗn tamoo^{ng}?”

12 Achúc achiac hái, Yacốp, khoiq píq dờq dờq parníq nâi yỗn hái. Án cớp nheq con samiang án, dểh charán đống án, nheq tữh alới nguaiq dờq parníq nâi tê tể dời mbốq. Nỏq thâi sốt hỡn tể Yacốp tỡ?”

13 Yê-su ta-ỡi án neq: “Cũai aléq nguaiq dờq tể parníq nâi, án noâng ể khlac sĩa.

14 Ma cũai aléq bữn nguaiq dờq tể cứq yỗn, cũai ki tỡ nai khlac noâng. Lứq samoât, dờq cứq yỗn án cớt ariang dờq mec hoi níc tâng mút pahỡm án. Cớp dờq ki yỗn án bữn tamoong mantái.”

15 Mansẽm ki pai neq: “Thâi ỡi! Sểq thâi yỗn cứq nửng dờq kì. Ien cứq tỡ bữn khlac noâng, cớp tỡ bữn toâq ỏh noâng tể dờq parníq nâi.”

16 Yê-su ta-ỡi án neq: “Mớí chu coâiq cayac mớí pỡ đống, chớ mớí pỡq loah pỡ nâi nớ.”

17 Mansẽm ki pai: “Cứq tỡ bữn bữn cayac.”

Yê-su ta-ỡi: “Lứq pĩeiq mớí pai mớí tỡ bữn bữn cayac.

18 Ma mớí khoiq bữn cayac sỡng náq chớ. Cớp samiang ca ỏt cớp mớí sanua, án tỡ cỡn cayac mớí. Lứq pĩeiq ariang mớí khoiq pai.”

19 Mansẽm ki pai loah neq: “Thâi ỡi! Mbỡiq nâi nỏq cứq dáng thâi la cũai tang bỗq Yiang Sursĩ.

20 Achúc achiac hếq khoiq sang Yiang Sursĩ đũn chớ tâng cóh nâi, ma anhia tốp I-sarel pai ntốq sang Yiang Sursĩ la cóq ống tâng vil Yarusalem sâng.”

21 Yê-su pai neq: “Ồi ơi! Cúq pai samoât lúq. Cheq ẽ toâq tangái cũai ca yoc ẽ sang Mpoaq hái tâng paloõng, alóí tở bữn cóq sang án tâng cóh nâi tở la tâng vil Yaru-salem.

22 Anhia tốp Sa-mari tở yũah dáng samoât lúq noau anhia sang. Ma hếq tốp I-sarel khoiқ dáng samoât chơ noau hếq sang, yuaq Yiang Sursĩ chuai amoong cũai la cõ nhơ tể tốp I-sarel.

23 Ma cheq ẽ toâq, cóp khoiқ toâq chơ tangái cũai ẽ sang samoât samoi, alóí ki sang Mpoaq hái tâng paloõng nheq tể mút pahõm cóp p̄ieiq lúq. Mpoaq hái yoc lúq cũai sang án ngkíq.

24 Yiang Sursĩ la lúq Yiang, tở cõn cũai. Ngkíq, cũai aléq yoc ẽ sang án cóq sang nheq tể mút pahõm cóp sang yõn p̄ieiq.”

25 Moâm Yê-su pai ngkíq, mansẽm ki pai ẽn neq: “Cúq khoiқ dáng chơ nữ-ra lúq toâq án ca Yiang Sursĩ rươh đõq chuai amoong cũai, án ca noau đõq ramứh Crít. Tữ án toâq, án atõng yõn hái dáng tể dũ ramứh.”

26 Yê-su pai cóq án neq: “Cúq táq ntõng cóp mới sanua, la án ki toâp.”

27 Bo ki tốp rien tể Yê-su toâq loah pở án. Alóí sâng dót lúq Yê-su táq ntõng cóp mansẽm ki. Ma tở bữn noau tể tốp alóí blóh mansẽm neq: “Ntróu mới ẽ bữn?” Cóp tở bữn noau blóh Yê-su: “Nốq thâi táq ntõng cóp án?”

28 Vót ki mansẽm ki táh đõq aluoi đõq án; chơ án chu atõng yõn cũai tâng vil ki dáng.

29 Mansêm ki pai neq: “Âu, anhia pờq nhêng manoaq cũai ca atõng cứq tẽ máh ranáq cứq khoiq táq. Cũai nâi lứq Crít tỡ?”

30 Ngkíq máh cũai tâng vil ki loõh chu ntốq Yê-su õt.

31 Bo máh cũai ca loõh tẽ vil noâng dĩ ria rana, tộp rien tẽ Yê-su pasĩt án neq: “Thâi ơi, chi-cha dõĩ voai.”

32 Ma Yê-su ta-õĩ alóĩ neq: “Cứq bữn crõng sana cha, ma anhia tỡ bữn dáng crõng ki.”

33 Ngkíq tộp rien tẽ Yê-su, manoaq blớh manoaq neq: “Bữn cũai dững crõng sana yõn án cha tỡ?”

34 Yê-su pai loah neq: “Crõng sana cứq la táq puai rangũh án ca ớn cứq toâq, cớp táq moâm ranáq án yõn cứq táq.

35 Lứq ma tỡ bữn háĩ dốq ẽ pai neq: ‘Noâng põn casâĩ ẽn toâq catũ sot?’ Ma cứq atõng anhia neq: Anhia tapoang nhêng chu sarái. Saro ki khoiq chĩn chớ, cớp toâq ngư sot chớ.

36 Cũai sot tâng sarái ki, lứq án roap cóng. Cớp ranáq án táq cõt palâĩ neq: Cũai bữn tamoong mantái. Ngkíq cũai choat cớp cũai sot, alóĩ mpruam sâng bũĩ.

37 Dốq noau pai neq: ‘Cũai nâi choat. Cũai ki sot.’ Santoiq nâi p̃ieiq lứq.

38 Cứq khoiq ớn anhia sot tâng sarái anhia tỡ bữn táq. Cũai canõh khoiq táq sarâng lứq tâng sarái ki chớ, ma anhia ỉt palâĩ tẽ cóng rêng alóĩ.”

39 Cũai Sa-mari sa-ũĩ náq tẽ vil ki sa-âm Yê-su cõ nhớ mansêm ki atõng alóĩ neq: “Cũai ki khoiq atõng cứq nheq tẽ máh ranáq cứq khoiq táq.”

40 Ngkíq, tữ cũai Sa-mari toâq pỡ Yê-su, alóí catoâng án yỗn ốt cóp alóí. Chơ Yê-su ốt bar tangái tâng ntốq ki.

41 Cóp bữn sa-ữi náq ễn sa-âm, toâq alóí sâng parnai Yê-su atỡng.

42 Máh cũai sa-âm pai chócq mansẽm ki neq: “Tẽ nhũang hếq sa-âm Yê-su la cỗ tẽ mới atỡng hếq, ma sanua hếq khoi q sâng parnai án atỡng. Ngkíq hếq dáng samoât lứq án nâi la cũai chuai amoong nheq tữh cũai.”

Yê-su Táq Bán Con Samiang Cũai Sốt

43 Vót tẽ bar tangái ki, Yê-su loõh tẽ ki ẽ pỡq pỡ cruang Cali-lê.

44 Tẽ nhũang Yê-su khoi q pai chơ neq: “Cũai tang bỗq Yiang Sursĩ, tỡ bữn noau yám noap án tâng cruang án bữm.”

45 Tữ Yê-su toâq pỡ cruang Cali-lê, máh cũai Cali-lê tabõp án bũi o, yuaq alóí khoi q hữm máh ranáq án táq pỡ vil Yaru-salem tâng tangái tốp I-sarel cha bũi puai phếp rit Tangái Loõh.* Bo ki bữn đẽh cũai Cali-lê pỡq pỡ vil Yaru-salem.

46 Yê-su pỡq loah pỡ vil Cana tâng cruang Cali-lê. Tâng vil ki bo nhũang, Yê-su khoi q táq yỗn đỡq cõt blống nho. Tâng vil ki bữn manoaq cũai sốt bữn con samiang bếq tua a-ĩ pỡ vil Cabê-nam.

47 Tữ cũai sốt nâi sâng noau pai Yê-su khoi q loõh tẽ cruang Yudê cóp toâq pỡ cruang Cali-lê, án toâq pỡ Yê-su, cóp án sếq Yê-su pỡq chu vil

* 4:45 4:45 Tangái ki alóí sanhữ tangái Yiang Sursĩ chuai alóí loõh tẽ cruang Ê-yip-tô tẽ mbốq.

Cabê-na-um cốp táq bán con samiang án. Yuaq con án cheq ẽ cuchĩt chơ.

⁴⁸ Yê-su atỡng án neq: “Khân anhia tở bữn hữm tểc salễh tở la ranáq salễh, anhia tở nai sa-âm.”

⁴⁹ Cũai sốt ki ta-ỡi neq: “Ncháu ơi! Sểq Ncháu pỡq cốp cứq, satỡm bo con cứq noâng tamoong.”

⁵⁰ Yê-su ta-ỡi án neq: “Pỡq! Mới chu. Sanua con samiang mới lứq tở bữn cuchĩt.”

Ngkíq cũai sốt ki sa-âm santoiq Yê-su; chơ án chu.

⁵¹ Bo án noâng dĩ ria rana; án ramóh cũai táq ranáq án. Cũai ki atỡng án neq: “Con samiang ncháu môih loah chơ.”

⁵² Cũai sốt ki blớh alới bo lếq con samiang án môih loah. Alới atỡng án neq: “Con ncháu pút cutâu tở tangái mahái bo mandang priang.”

⁵³ Chơ, cũai sốt ki sanhữ loah bo ki Yê-su atỡng án neq: “Sanua con samiang mới lứq tở bữn cuchĩt.”

Ngkíq cũai sốt ki cốp nheq đống sữ án sa-âm Yê-su.

⁵⁴ Nâi la trỗ bar Yê-su táq ranáq salễh tâng cruang Cali-lê vớt án loỏh tể cruang Yudê.

5

Yê-su Táq Bán Cũai Ớt Cheq Amống

¹ Ntun ki Yê-su pỡq chu vil Yaru-salem tâng tangái tốp I-sarel cha bủi puai rit alới.

² Tâng vil Yaru-salem, cheq ngoah toong ramứh Ngoah Toong Cữu, bữn muoi amống đỡq.

Tâng parnai I-sarel amống nâi noau đợc Bê-thada. Pêr amống nâi bữn sỡng lám ntrỡn.

³ Clứng lứq cũai a-ĩ bẻq tâng ntrỡn ki: Bữn cũai sũt, cũai yốt, cớp cũai a-ĩ coang. (Máh cũai a-ĩ ki ớt acoan đợc tâng amống ki canoâq,

⁴ yuaq bữn manoaq ranẻng Yiang Sursĩ sẻng táq yỏn đợc cớt canoâq. Toâq đợc ki canoâq, alẻq ca sẻng nhũang tâng đợc, tam án a-ĩ ntrớu la cớt bán nheq.)*

⁵ Ntốq ki bữn manoaq samiang a-ĩ khoi q pái chít tacual cumo chớ.

⁶ Yê-su hữm cũai ki bẻq tâng ntốq ki. Cớp Yê-su dáng cũai ki a-ĩ khoi q dũn lứq chớ. Ngkíq Yê-su blớh án: “Mới yoc ẻ cớt bán tỡ?”

⁷ Cũai ki ta-ỡi: “Achuaih ới! Tỡ bữn noau chuai asẻng cứq tâng đợc amống nâi toâq đợc nâi canoâq. Cứq yoc ẻ sẻng tê ma tỡ bữn satỏm, yuaq bữn cũai canỏh sẻng chíq nhũang cứq.”

⁸ Yê-su atỡng án neq: “Mới yuor tayứng! Ỉt chĩaui mới! Chớ mới pỡq!”

⁹ Bo ki toâp cũai a-ĩ ki cớt bán tháng. Án ỉt chĩaui, cớp án pỡq. Tangái ki la Tangái Rlu puai rit tốp I-sarel.

¹⁰ Ngkíq bữn cũai I-sarel atỡng cũai cớt bán ki neq: “Tangái nâi la Tangái Rlu. Puai rit hái mới tỡ tẻq dửng chĩaui mới tâng tangái nâi.”

¹¹ Ma cũai ki ta-ỡi neq: “Án ca táq bán cứq a-ĩ, ớn cứq neq: ‘Mới ỉt chĩaui mới; chớ mới pỡq.’ ”

* **5:4** 5:4 Sa-ủi tâm saráq tẻ mbốq tỡ bữn bữn santoiq tâng mpúng dĩ bar lám carvang nâi.

12 Tốp alóí blóh loah án neq: “Noau ón mới ít chĩa mới; chơ mới pởq?”

13 Ma cũai ki tở bữn dáng noau táq yỗn án bán, yuaq biet chíq Yê-su tâng cũai cứng.

14 Toâq ntun ễn, tâng Dống Sang Toâr Yê-su ramóh loah cũai khoiq bán a-ĩ ki. Chơ Yê-su atỡng án neq: “Sanua mới khoiq bán chơ. Mới chỗi táq noâng ranáq lôih. Khân mới táq lôih, cõh lơ mới ramóh túh coat clũi tễ nhũang ễn.”

15 Cũai ki loõh tễ ntốq ki, cốp án atỡng yỗn tốp I-sarel dáng Yê-su khoiq táq yỗn án cõt bán.

Yê-su Atỡng Cũai I-sarel

16 Cỗ tian Yê-su táq máh ranáq salễh tâng Tangái Rlu, yuaq ngkíq tốp I-sarel chuaq ngê ễ táq án.

17 Yê-su atỡng alóí neq: “Mpoaq cứq noâng táq níc ranáq toau sanua, cốp cứq táq machống ki tề.”

18 Cỗ Yê-su pai ngkíq, tốp I-sarel chuaq sa-ữi ngê ễ cachĩt án. Alóí pai Yê-su táq bar ramứh tở pĩeiq. Tở cõn ống án táh phễp rit Tangái Rlu sâng, ma án dỏq Yiang Sursĩ la Mpoaq án hữ. Án pai ngkíq la machống án pai án lĩ-ralı cốp Yiang Sursĩ tề.

19 Yê-su atỡng tốp I-sarel neq: “Cứq atỡng anhia samoât lứq, cứq Con Yiang Sursĩ tở tềq táq muoi ốc ntróu ống manoaq cứq. Con táq puai samoât án hữm Mpoaq án táq. Ranáq ntróu Mpoaq táq, Con lứq táq machống ki tề.

20 Cỗ Mpoaq ayooq Con, yuaq ngkíq Mpoaq apáh Con túc ranáq án táq. Nỡ-ra Mpoaq ễ apáh

yỗn Con táq ranáq toâr clũi tễ nâi, yỗn anhia sâng dớt lứq.

²¹ Yuaq riang Mpoaq yỗn cũai khoiq cuchĩt têq tamong loah, machóng ki tê Con yỗn ọc tamong pỡ nheq tửh cũai án yoc ễ yỗn.

²² Mpoaq tử bữn rablớh noau. Ma án yỗn Con án bữn chớq dỏq rablớh cũai.

²³ Ngkíq, cũai aléq yoc ễ yám noap Mpoaq, cũai ki cóq yám noap Con machóng ki tê. Cũai aléq ma tử bữn yám noap Con, cũai ki tử bữn yám noap Mpoaq tê, án ca ớn Con toâq pỡ cutểq nâi.

²⁴ “Cứq atỡng anhia samoât lứq, cũai aléq tamứng parnai cứq, cớp sa-âm án ca ớn cứq toâq tê, cũai ki bữn tamong mantái cớp noau tử bữn rablớh ễ táq án noâng. Án khoiq vớt tễ ọc cuchĩt; noâng án bữn ốq ọc tamong sâng.

²⁵ Cứq atỡng anhia samoât lứq, cheq ễ toâq cớp khoiq toâq chớ tangái máh cũai khoiq cuchĩt, têq bữn sâng sường Con Yiang Sursĩ; chớ raviei alới bữn tamong.[†]

²⁶ Yuaq Mpoaq bữn chớq yỗn cũai tamong, ngkíq án yỗn Con bữn chớq têq yỗn cũai tamong tê.

²⁷ Cớp Mpoaq khoiq yỗn Con bữn chớq dỏq rablớh cũai, yuaq án la Con Yiang Cốt Cũai.

²⁸ Anhia chõi dớt santoiq nâi, yuaq lứq toâq tangái cũai khoiq cuchĩt cớp noau tứp táng ping, alới bữn sâng sường Con ki,

[†] **5:25** 5:25 Cũai cuchĩt la sacâm máh cũai ca tử bữn dáng cớp tử bữn sa-âm Con Yiang Sursĩ.

29 chơ alói loõh tễ ping. Cũai aléq khoiq táq ranáq o, cũai ki loõh cóp tamoong ien khẽ. Ma cũai aléq khoiq táq ranáq sâuq, cũai ki loõh tê, ma nôâng noau rablớh cóp yõn roap tôt.

30 Cúq tở têq táq ntróu puai rangúh cúq bữm. Ma cúq sửq puai loah cúq sâng Mpoaq cúq sửq. Ngkíq cúq sửq tanoang lúq, yuaq cúq tở bữn puai rangúh cúq bữm, ma cúq puai rangúh án ca ón cúq toâq.

31 “Khân cúq atõng tễ ngê cúq bữm, parnai nâi tở bữn lúq ntróu.

32 Ma Mpoaq cúq atõng tễ cúq tê, cóp cúq dáng parnai án atõng tễ cúq la p̄ieiq lúq.

33 Anhia khoiq ón noau toâq p̄õ Yang, cóp Yang atõng parnai lúq p̄ieiq.

34 Ma cúq tở bữn nhơ tễ parnai cũai atõng sâng. Cúq atõng anhia óc nâi yõn Yiang Sursĩ têq chuai amoong anhia.

35 Yang la samoât tabong noau tacât yõn poang. Anhia yoc ẽ bữn óc poang tễ án mahõĩ sâng.

36 Ma toâr hõn tễ parnai Yang khoiq atõng tễ cúq, la bữn ranáq Mpoaq cúq chiau yõn cúq táq. Ngkíq ranáq nâi toâp apáh yõn cũai dáng Mpoaq cúq ón cúq toâq.

37 Cóp Mpoaq cúq, án ca ón cúq toâq, án khoiq atõng tễ cúq. Anhia tở nai sâng srong án, tở la hữm roáp án,

38 cóp parnai án tở bữn õt tâng mút anhia, yuaq anhia tở bữn sa-âm án ca Mpoaq ón toâq.

39 Anhia chuaq rien sa-ũĩ tễ parnai Yiang Sursĩ, yuaq anhia chanchóm têq bữn tamoong mantái

cỗ nơh tễ anhia rien parnai ki. Cóp parnai Yiang Sursĩ toáp atõng tễ cứq,

⁴⁰ ma noâng anhia tỡ ẽq toâq pỡ cứq yõn anhia bữn tamooq mantái.

⁴¹ “Tỡ bữn ntróu khân cũai khễn cứq.

⁴² Ma cứq dáng chơ anhia. Cứq dáng anhia tỡ bữn ayooq Yiang Sursĩ tâng mút pahõm anhia.

⁴³ Cứq khoiq toâq pỡ nâi bữn chóc tễ Mpoaq cứq, ma noâng anhia tỡ ẽq roap cứq. Ma khân bữn cũai canõh toâq cleu chóc án bữm, chái lứq anhia roap án ki.

⁴⁴ Anhia yoc lứq cũai canõh khễn anhia, ma anhia tỡ bữn chuaq yõn Yiang Sursĩ khễn anhia; ống án toáp lứq Yiang. Ngkíq, nõq tềq anhia sa-âm?

⁴⁵ Ma anhia chõi chanchóm cứq ẽ cauq anhia pỡ Mpoaq cứq. Lứq cutõ Mõi-se toáp cauq anhia, án ca anhia ngcuang chuai anhia.

⁴⁶ Ma khân anhia lứq sa-âm Mõi-se, ki anhia sa-âm cứq tê, yuaq Mõi-se khoiq chĩc tễ cứq.

⁴⁷ Ma khân anhia tỡ bữn sa-âm parnai Mõi-se khoiq chĩc ki, nõq anhia tềq sa-âm parnai cứq atõng sanua?”

6

Yê-su Siem Sõng Ngìn Náq Cũai

(Mathia 14:13-21; Mac 6:30-44; Luca 9:10-17)

¹ Vớt ki, Yê-su yang loah clóng Cali-lê. Dõq clóng nâi noau đõq la clóng Tubê-riat hữ.

² Clứng lứq cũai puai Yê-su, yuaq alóiq khoiq hữm máh ranáq salẽh án táq bán cũai a-ĩ.

3 Yê-su chôn tâng cớh, chơ án tacu ntốq ki cớp tốp rien tể án.

4 Bo ki cheq ẽ toâq tangái tốp I-sarel cha sanhữ Tangái Loõh.*

5 Tử Yê-su tapoang achõn, án hữm cứng cũai toâq pỡ án; chơ án pai chốq Phi-lip neq: “Ntốq aléq hái ẽ chỡng cớng sana yõn dũ máh cũai nâi cha?”

6 Yê-su blóh ngkíq yoc ẽ chim Phi-lip sâng, yuaq án khoiq dáng chơ ranáq án yoc ẽ táq.

7 Phi-lip ta-õi neq: “Khân noau tuthẽ bar culám tangái, chơ ít práq cớng ki chỡng sana yõn máh cũai nâi cha, tỡ yũah dũ manoaq muoi mẽng.”

8 Bữn manoaq ẽn tốp rien tể Yê-su ramứh Anrê, a-ẽm Si-môn Phi-er.

9 Anrê pai neq: “Bữn manoaq carnẽn samiang õt nnâi. Án bữn sỡng lám bẽng cớp bar lám sĩaq. Ma nốq tẽq khám yõn nheq tữh cũai nâi cha?”

10 Yê-su ta-õi án neq: “Yõn cũai cứng nâi tacu.”

Tâng ntốq ki bữn sa-ữi bát sanlan; chơ alới tacu ngki. Nheq tữh cũai samiang carsai ki bữn sám sỡng ngin náq.

11 Yê-su ít bẽng ki, cớp sa-õn Yiang Sursĩ. Moâm ki án tampẽq yõn máh cũai tacu ngki. Alới túng cha máh léq alới yoc ẽ cha. Chơ án táq machớng ki tê cớp sĩaq.

* 6:4 6:4 Tangái ki alới sanhữ tangái Yiang Sursĩ chuai yõn alới loõh tể cruang Ê-yip-tô tể mbốq.

12 Tữ nheq tữh cũai cha pasâi chơ, Yê-su ớn tốp rien tể án neq: “Anhia parôm loah máh ngcáh mbéh clữi tể alói cha. Chõi yõn khlâiq muoi ramứh ntrứu.”

13 Ngkíq alói parôm loah máh ngcáh tể sỡng lám bẻng ki, bữn muoi chít la bar cruo clữi tể noau cha.

14 Toâq máh cũai ki hữm Yê-su táq ranáq salễh nâi, alói pai neq: “Lứq samoât, cũai nâi la manoaq tang bỗq Yiang Sursĩ, ca Yiang Sursĩ khoiq ớn toâq pỡ cớc cutểq nâi.”

15 Tữ Yê-su dáng máh cũai ki chanchớm ễ cớp án cớp ếp án yõn cớt puo, chơ án loỏh chít tể ntốq ki. Án chõn sĩa chu cóh ống manoaq án.

*Yê-su Pỡq Ayững Tâng Cloong Dỡq
(Mathia 14:22-33; Mac 6:45-52)*

16 Toâq tabữ, tốp rien tể Yê-su sỡng pỡ tor clóng.

17 Chơ alói chõn tâng tuoc ễ yang coah tooh clóng, pỡq chu vil Cabê-na-um. Paloỏng khoiq canám, ma Yê-su tỡ yũah toâq pỡ alói.

18 Cuyal phát rẻng lứq, cớp dỡq canoaq.

19 Tữ tốp rien tể Yê-su voah tuoc khoiq clữi tapoât ki-lô-mẻt chơ, alói hữm Yê-su pỡq ayững tâng cloong dỡq cheq ễ toâq pỡ tuoc alói. Cớp alói sâng ngcỏh lứq.

20 Ma Yê-su atỡng alói neq: “Nâi la cutỏ cứq. Anhia chõi ngcỏh ntrứu.”

21 Moâm ki, alói yõn Yê-su chõn tâng tuoc; cớp bo ki toập tuoc alói toâq pỡ tor bân ntốq alói ễ pỡq.

Yê-su Atông Tể Bểng Sểng Tể Paloồng

22 Poang tarựp parnữ cũai cứng ki noâng ớt tâng tor yáng nâi. Alói dáng tabữ mahái bân ntốq nâi bữn ống muoi lám tuoc sâng. Cóp alói dáng Yê-su tở bữn chồn tâng tuoc ki cóp tốp rien tể án. Ma ống tốp rien tể án toáp ớt tâng tuoc ki.

23 Ma tangái ki bữn tuoc canỏh toáp tể vil Tubê-riat. Tuoc nâi toáp pữ tor cheq ntốq Yê-su khoiq sa-ồn bểng cóp yỗn cũai cứng cha.

24 Tữ cũai cứng ki dáng Yê-su cóp tốp rien tể án tở bữn ớt noâng ntốq ki, ngkíq alói chồn tâng tuoc cóp pữq pữ vil Cabê-na-um chuaq Yê-su.

25 Tữ alói ramỏh Yê-su coah tooh dữq ki, alói blớh án neq: “Thâi ơi! Bo léq thâi toáp pữ nâi?”

26 Yê-su ta-ỡi alói neq: “Cứq atông anhia samoât lứq, anhia chuaq cứq tở cữn cữ anhia khoiq hữm ranáq salễh cứq táq, ma lứq anhia chuaq cứq cữ tangái mahái anhia khoiq cha pasâi tể cớng sana cứq yỗn.

27 Anhia chỗi táq ranáq chi-chuaq cớng sana tâng dữi nâi. Yuaq sana nâi têq nsóq. Ma cóq anhia táq ranáq chi-chuaq cớng sana ca táq yỗn anhia têq tamooing mantái. Sana nâi Con Yiang Cốt Cũai toáp têq yỗn anhia bữn, yuaq Yiang Sursĩ, Mpoaq án, khoiq yỗn án bữn chớq táq ngkíq.”

28 Chơ tốp alói blớh Yê-su neq: “Hếq cóq táq ntrứu dữq táq ranáq Yiang Sursĩ yỗn hếq táq?”

29 Yê-su ta-õi alói neq: “Ranáq Yiang Sursĩ yõn anhia táq la neq: Cóg anhia sa-âm án ca Yiang Sursĩ ớn toâq pở nâi.”

30 Tốp alói blóh sĩa: “Tếc salễh ntróu thâi ễ táq yõn têq hếq hữm cốp sa-âm thâi? Ntróu noâq thâi ễ táq?”

31 Achúc achiac hếq tế mbốq cha bễng tế paloõng tâng n্তóq aiq. Ốc nâi noau khoiq chĩc chơ tâng tâm saráq Yiang Sursĩ neq:

‘Án yõn alói cha bễng ca sễng tế paloõng.’ ”☆

32 Yê-su ta-õi loah alói neq: “Cứq atõng anhia samoât lứq, tở cởn Mõi-se yõn anhia cha bễng tế paloõng. Ma ống Mpoaq cứq toâp yõn anhia cha bễng lứq samoât, la bễng án asễng tế paloõng.

33 Bễng Yiang Sursĩ yõn ki sễng tế paloõng, cốp bễng nâi yõn nheq tữh cũai bữn tamoong.”

34 Alói ta-õi loah neq: “Thâi ơi! Sễq thâi yõn hếq bữn níc bễng ki.”

35 Yê-su atõng alói neq: “Cứq nâi toâp la bễng yõn cũai bữn tamoong. Cũai aléq toâq pở cứq, cũai ki tở nai sâng panhieih. Cốp cũai aléq sa-âm cứq, cũai ki tở nai khlac.

36 “Ma lứq samoât cứq atõng anhia chơ, anhia khoiq hữm cứq, ma noâng anhia tở bữn sa-âm cứq.

37 Nheq máh cũai ca Mpoaq cứq yõn toâq pở cứq, lứq cũai ki toâq pở cứq. Cốp nheq tữh cũai ca toâq pở cứq, cứq tở nai tuih alói.

☆ 6:31 6:31 Loõh Tế Ê-yip-tỏ 16:4; Nê-hamia 9:15; Ủat Khển 78:24-25

38 Yuaq cúq sêng tẽ paloõng tở cõn cúq ẽ puai rangúh cúq bữm, ma cúq ẽ puai rangúh án ca ớn cúq toâq pở nâi.

39 Rangúh án ca ớn cúq toâq la neq: “Án tở ẽq yõn pứt manoaq tẽ máh cũai ca án khoiq yõn cúq bữn. Cóp toâq tangái parsót án yoc cúq yõn nheq tửh cũai ki tamoong loah tẽ ping.”

40 Yuaq Mpoaq cúq yoc nheq tửh cũai dáng Con án cóp sa-âm Con án, lứq bữn tamoong mantái. Cóp toâq tangái parsót cúq yõn nheq tửh cũai ki tamoong loah tẽ ping.”

41 Moâm Yê-su pai ngkíq, cũai I-sarel ki loai bubéq-bubựp tẽ Yê-su, yuaq án khoiq pai: “Cúq la bêng sêng tẽ paloõng.”

42 Tốp alóí pai neq: “Lứq ma tở bữn cũai nâi la Yê-su, con Yô-sep? Háí dáng mpiq mpoaq án. Nốq án têq pai án sêng tẽ paloõng?”

43 Yê-su ta-õí alóí ki neq: “Anhia chõi loai noâng tở cõt ốc.

44 Khân Mpoaq cúq tâng paloõng, án ca ớn cúq toâq pở nâi ma tở bữn tếc cũai yõn toâq pở cúq, lứq tở bữn noau têq toâq pở cúq. Cóp toâq tangái parsót, cũai aléq ca toâq pở cúq, cúq yõn cũai ki bữn tamoong loah tẽ ping.

45 Noau khoiq chĩc tâng tâm saráq cũai tang bỗq Yiang Sursĩ neq:

‘Yiang Sursĩ ẽ arĩen nheq tửh alóí.’✧

Cũai aléq tamứng santoiq Mpoaq cóp rien tẽ án, cũai ki lứq toâq pở cúq.

✧ 6:45 6:45 Ê-sai 54:13

46 Lúq tở bữn noau hữm Mpoaq tâng paloõng, ma óng án ca toâq tễ Yiang Sursĩ toâp khoiq hữm Mpoaq.

47 Cúq atõng anhia samoât lúq, cũai aléq ma sa-âm cúq, cũai ki lúq bữn tamoong mantái.

48 Cúq la bẽng yõn máh cũai bữn tamoong.

49 Achúc achiac anhia khoiq cha mana tễ paloõng tâng ntốq aiq, ma nôâng alóí cuchĩt.

50 Ma bẽng nâi sễng tễ paloõng; khân cũai aléq cha bẽng nâi, cũai ki tở bữn cuchĩt nôâng.

51 Cúq la bẽng tamoong ca khoiq sễng tễ paloõng. Khân cũai aléq cha bẽng nâi, cũai ki bữn tamoong mantái. Bẽng nâi la sâiq cúq, ca cúq lúq yõn nheq tữh cũai bữn tamoong mantái.”

52 Moâm Yê-su pai ngkíq, cũai I-sarel rasuon ratuaq cốp blóh neq: “Nốq têq cũai nâi yõn hái cha sâiq án?”

53 Yê-su atõng loah alóí neq: “Cúq atõng anhia samoât lúq, khân anhia tở bữn cha sâiq Con Yiang Cốt Cũai cốp tở bữn nguaiq aham án, anhia tở têq bữn tamoong mantái.

54 Cũai aléq cha sâiq cúq cốp nguaiq aham cúq, cũai ki bữn tamoong mantái; cốp toâq tangái parsót, cúq yõn án tamoong loah tễ ping.

55 Yuaq sâiq cúq la cớng sana p̄ieiq lúq, cốp aham cúq la cớng nguaiq p̄ieiq lúq.

56 Cũai aléq cha sâiq cúq cốp nguaiq aham cúq, cũai ki ốt muoi mút cốp cúq, cốp cúq ốt muoi mút cốp án.

57 Mpoaq cúq tâng paloõng, án ca yõng nỡm ốc

tamoong, án khoiq ớn cứq toâq. Cứq tamooong cõ như Mpoaq cứq tâng paloõng yõn cứq tamooong. Machõng ki tê, cũai aléq cha cứq, cũai ki bữn tamooong cõ như cứq.

58 Nâi la bẽng sễng tễ paloõng. Bễng nâi mpha tễ bễng tễ paloõng ca achúc achiac hái cha tễ mbốq. Alói cha mana ki, ma noâng alói cuchĩt. Ma cũai aléq cha bễng cứq yõn, cũai ki bữn tamooong mantái.”

59 Máh santoiq nâi Yê-su atõng tâng đõng sang tốp I-sarel tâng vil Cabê-na-um.

60 Sa-ũi náq tễ tốp puai Yê-su tamứng Yê-su atõng ngkíq, cớp alói pai neq: “Coat lứq santoiq án atõng nâi. Noau têq dáng máh ớc ki?”

61 Yê-su dáng tốp puai án bubéq-bubựp ngkíq; chơ án atõng alói neq: “Toâq anhia sâng ớc nâi, anhia tỡ ểq puai noâng tỡ?”

62 Khân ngkíq, nõq anhia chanchóm khân anhia hữm Con Yiang Cõt Cũai chõn loah chu ntốq án ốt tễ nhũang?

63 Lứq Raviei Yiang Sursĩ toâp táq yõn raviei cũai bữn tamooong, ma sâiq cũai tỡ bữn kia ntrầu. Máh santoiq cứq khoiq atõng anhia, santoiq ki atõng tễ raviei, cớp santoiq ki têq yõn tamooong.

64 Ma noâng bữn cũai tễ anhia tỡ bữn sa-âm cứq.”

Yê-su pai ngkíq, yuaq án khoiq dáng tễ nhũang chơ cũai aléq tỡ bữn sa-âm án, cớp án dáng chơ tâng tốp án toâp bữn manoaq chẻq án.

65 Cóp Yê-su pai ên neq: “Ngkíq cúq khoiq atõng anhia tẽ nhũang chơ, khân Mpoaq cúq tỡ bữn yõn noau toâq pỡ cúq, lứq tỡ bữn noau têq toâq pỡ cúq.”

66 Tữ Yê-su pai máh santonq ki, bữn sa-ũi nác tẽ tộp ca puai án pih chu, tỡ ẽq puai noâng án.

67 Yê-su blớh tộp muoi chít la bar nác ên: “Anhia yoc ẽ loõh tê tỡ?”

68 Si-môn Phi-er ta-õi loah neq: “Ncháu ơi! Tỡ bữn noau hếq ẽ puai noâng. Ông Ncháu toâp bữn parnai yõn cũai têq tamoong mantái.

69 Hếq sa-âm cốp dáng samoat lứq, Ncháu la án ca Yiang Sursĩ rườh, cốp Ncháu la án ca bráh o lứq.”

70 Chơ Yê-su ta-õi neq: “Cúq khoiq rườh anhia muoi chít la bar nác. Ma bữn manoaq tẽ anhia puai ngê yiang sâuq.”

71 Yê-su pai ngkíq la án pai tẽ Yuda, con samiang Si-môn I-cari-ôt. Yuda la tẽ tộp muoi chít la bar nác, ma nữ pra Yuda lứq chếq yõn noau cachĩt Yê-su.

7

*Yê-su Atõng Tâng Vil Yaru-salem Tâng Tangái Chóh Nloah**

1 Vót ki Yê-su pỡq pláh nheq cruang Cali-lê. Án tỡ ẽq mut tâng cruang Yudê, yuaq cũai I-sarel tâng cruang ki yoc ẽ cachĩt án.

* 7: 7:0 Tangái Chóh Nloah la tangái tộp I-sarel táq nloah õt dờ tapul tangái đờq sanhữ tangái tẽ mbốq alới õt tâng ntốq aiq.

2 Ma bo cheq ẽ toaq tangái tốp I-sarel cha bũi sanhữ Tangái Chóh Nloâh,

3 sễm ai Yê-su atỡng án neq: “O mới loõh chíq tễ ntốq nâi, cóp pỡq chu cruang Yudê ẽn, đọq máh cũai ca puai mới têq hữm máh ranáq salễh mới táq.

4 Yuaq khân cũai aléq yoc cũai canõh dáng ramứh án, ki án tỡ bữn táq ranáq cutooq. Máh ranáq ntrớu mới táq, cóq mới apáh yõn dũ náq têq hữm.”

5 Ma lứq sễm ai Yê-su toáp tỡ bữn sa-âm án.

6 Ngkíq Yê-su ta-õi alới neq: “Tỡ yũah toaq ngư cứq apáh yõn dũ náq dáng. Ma ngư anhia pỡq, bo léq la têq.

7 Máh cũai tâng dõi tỡ têq kêt anhia, ma alới kêt cứq yuaq cứq pai máh ranáq alới táq la sâuq lứq.

8 Yõn anhia pỡq cha bũi sanhữ Tangái Nloâh. Cứq tỡ yũah pỡq, yuaq ngư cứq pỡq tỡ yũah toaq.”

9 Moâm Yê-su pai ngkíq, án noâng õt tâng cruang Cali-lê.

10 Ma vót sễm ai án khoi q pỡq Yê-su pỡq tê, ma án pỡq tooq tuiq.

11 Bân ntốq alới cha bũi, cũai I-sarel chuaq Yê-su cóp blớh neq: “Nlẻq án ki?”

12 Cóp bữn chửng cũai ki táq ntỡng tễ Yê-su. Bữn án ca pai neq: “Yê-su la cũai o.”

Ma án ca pai: “Tỡ cõn. Yê-su la cũai đọq rathũ cũai canõh.”

13 Ma tỡ bữn noau khón pai yõn cũai canõh tamứng, yuaq alới ngcõh cũai sớt tốp I-sarel.

14 Tâng tapul tangái noau cha bũi sanhũ Tangái Nloáh. Ma catâm tangái pôn Yê-su pǝq chu Dǝng Sang Toâr, cǝp án tabǝq atǝng tâng ntǝq ki.

15 Tǝp cũai I-sarel sâng dǝt lǝq, cǝp alǝi blǝh neq: “Nǝq án nâi tǝ yũah rien, ma án dǝng sa-ũi lǝq?”

16 Yê-su ta-ũi alǝi neq: “Máh santǝiq cǝq atǝng anhia tǝ bũn toâq tǝ cǝq bũm, ma santǝiq ki toâq tǝ án ca ǝn cǝq toâq pǝ nâi.

17 Khân cũai aléq yoc ẽ puai rangũh Yiang Sursĩ, cũai ki bũn dǝng raloaih lǝq santǝiq cǝq atǝng toâq tǝ Yiang Sursĩ, tǝ la santǝiq ki toâq tǝ cǝq bũm.

18 Cũai aléq atǝng parnai tǝ án bũm, cũai ki chuaq ẽq noau khẽn án. Ma cũai aléq táq ranáq ẽq noau khẽn án ca ǝn cũai ki toâq, cũai ki la cũai lǝq pǝieiq, cǝp án tǝ bũn bũn muoi ǝc ntrǝu tǝ pǝieiq tâng mút án.

19 Mǝi-se khoiq yǝn anhia bũn phǝp rit Yiang Sursĩ. Ma tǝ bũn noau tǝ anhia trĩh phǝp rit ki. Yuaq nǝq anhia yoc ẽ cachĩt cǝq?”

20 Cũai chũng ki ta-ũi Yê-su neq: “Thâi la samoât yiang sâuq payǝh. Noau yoc ẽ cachĩt thâi?”

21 Yê-su ta-ũi loah alǝi: “Cǝq khoiq táq muoi ranáq salẽh tâng Tangái Rlu mbǝiq muoi trǝ sâng; ma anhia sâng dǝt.

22 Mǝi-se yǝn anhia táq rit cút. Ma khân pǝieiq tâng Tangái Rlu, lǝq anhia táq tǝ rit ki. (Ma lǝq samoât rit nâi tǝ bũn toâq tǝ Mǝi-se, ma rit nâi toâq tǝ achúc achiac anhia.)

²³ Khân anhia têq táq rit cúť yõn con samiang anhia tâng Tangái Rlu tở ẽq táh phẽp rit Mõi-se, nõq anhia ùan cúq cõ cúq táq bán cũai a-ĩ tâng Tangái Rlu?

²⁴ Khân anhia hũm cũai táq ntróu, anhia chõĩ coáp tẽq án. Ma khân anhia yoc ẽ tẽq án, cóq anhia tutuaiq yõn dáng samoât lúq voai.”

Yê-su Lúq Crĩt Tở?

²⁵ Bữn cũai tẽ vil Yaru-salem blóh neq: “Cũai nãi tở, ca noau ẽ cachĩt?

²⁶ Ma sanua án ntôm atõng yõn máh cũai tamúng, cóp tở hũm noau pai ntróu án. Cũai sớt dáng nâng tở án nãi la Crĩt?

²⁷ Háĩ khoiq dáng chơ tẽ léq Yê-su nãi toâq, ma tữ Crĩt toâq, tở bữn noau dáng tẽ léq án toâq.”

²⁸ Ngkíq Yê-su atõng casang lúq tâng Dõng Sang Toâr neq: “Anhia dáng cúq víq? Cóp anhia dáng tẽ léq cúq toâq tở? Tở cõn cúq chõng ẽ toâq. Ma án ca ón cúq toâq, án ki la Yiang Sursĩ ca pĩeiq lúq. Ma lúq samoât, anhia tở bữn dáng án.

²⁹ Ma cúq dáng án, yuaq cúq toâq tẽ án, cóp án ón cúq toâq.”

³⁰ Moâm Yê-su pai ngkíq, bữn cũai yoc ẽ cõp án, ma tở bữn noau aloõh atĩ yõng án, yuaq tở yũah toâq ngư án cóq cuchĩt.

³¹ Ma tẽ cũai clúng ki bữn sa-ũĩ náq pruam sa-âm Yê-su. Alói blóh neq: “Khân Crĩt toâq, lúq án táq ranáq salẽh o clũĩ tẽ án nãi táq tở?”

³² Tõp Pha-rasi sâng cũai clúng ki táq ntõng neq ngkíq tẽ Yê-su. Ngkíq tõp Pha-rasi cóp máh

cũai sôt tốp tềng rit sang Yiang Sursĩ, alóí ón ranềng alóí pữq cốp Yê-su.

³³ Ma Yê-su pai neq: “Noâng bĩq tangái sâng cứq ốt cốp anhia. Vót ki cứq chu loah pữ án ca ón cứq toâq.

³⁴ Tangái ki anhia chuaq cứq, ma anhia tở ramóh cứq. Cốp ntốq cứq ốt, anhia tở têq pữq toâq ntốq ki.”

³⁵ Ngkíq cũai I-sarel ki manoaq blóh manoaq: “Ntốq léq cũai nâi ẽ pữq, ma hái chuaq tở ramóh án? Nâng án ẽ pữq pữ cũai I-sarel ca ốt cruang yong, đốq atống alóí ca tở cởn cũai I-sarel tâng cruang ki tở?”

³⁶ Adóh án pai neq: ‘Anhia chuaq cứq, ma anhia tở bữn ramóh cứq.’ Cốp án pai neq hữ: ‘Ntốq cứq ốt, anhia tở têq toâq pữq chu ntốq ki.’ Ntróu toâp án pai ngkíq?”

³⁷ Tangái parsót noau cha bũi Tangái Chóh Nloâh, tangái ki la toâr clũi tể máh tangái nhũang. Tâng tangái ki Yê-su yuor tayứng cốp atống casang lứq neq: “Khân cũai sâng ẽ khlac, cóq án toâq pữ cứq cốp nguaiq.

³⁸ Cũai aléq sa-âm cứq, cũai ki cởt samoât đởq yỗn tamoong, án hoi níc tể mút pahỏm cũai ki. Ốc ki khoi q noau chĩc tâng tâm saráq Yiang Sursĩ tể mbốq.”

³⁹ Yê-su pai ngkíq, án atống tể Raviei Yiang Sursĩ. Cũai aléq sa-âm Yê-su, nữ-ra cũai ki lứq bữn roap Raviei Yiang Sursĩ. Ma tangái ki Raviei Yiang Sursĩ tở yũah toâq, yuaq Yê-su tở yũah cuchĩt cốp chỏn chu paloống.

40 Tữ máh cũai sâng Yê-su pai ngíq, Bữn noau pai neq: “Cũai nâi la lứq Cũai Tang Bỗq ca Yiang Sursĩ rườh.”

41 Ma cũai canõh pai neq: “Lứq samoât án nâi la Crĩt.”

Ma bữn cũai canõh ẽn pai neq: “Crĩt tở bữn toâq tễ cruang Cali-lê.

42 Tâm saráq Yiang Sursĩ tễ mbỗq pai Crĩt toâq tễ tống toiq Davĩt. Cóp Crĩt cóq cõt tâng vil Betlahem la vil Davĩt khoiq õt.”

43 Ngkíq cũai cứng ki muoi tốp pai nneq, muoi tốp pai ngkíq, tễ Yê-su.

44 Tâng tốp ki bữn cũai yoc ẽ cốp Yê-su, ma tở bữn noau aloõh atĩ yống án.

Cũai Sốt Tốp I-sarel Tở Bữn Sa-âm

45 Vớt ki manoaq tễ tốp kĩaq Dống Sang Toâr chu loah pở máh cũai sốt tốp tểng rit sang Yiang Sursĩ, cóp pở tốp Pha-rasi hỡ. Máh cũai sốt ki blớh cũai kĩaq ki: “Nỗq anhia tở bữn cốp án?”

46 Cũai ki ta-õi neq: “Hếq tở nai sâng cũai aléq táq ntõng ariang cũai nâi.”

47 Tốp Pha-rasi blớh loah: “Anhia noap tê máh parnai án phếq atõng tở?”

48 Léq anhia hữm cũai sốt tở la cũai tễ tốp Pha-rasi ma sa-âm án?

49 Ma cũai cứng nâi la sacũl; alới tở dáng ntróu tễ phếp rit Mõi-se. Ngkíq yuaq Yiang Sursĩ dadõq ẽ táq alới ki.”

50 Bữn manoaq tễ tốp cũai sốt ki, ramứh Nicudem. Nhũang ki án khoiq toâq ramóh Yê-su. Án blớh cũai sốt canõh neq:

51 “Khân puai rit hái, têq tở hái sữq cũai khân tở yũah blớh án tễ ranáq án táq?”

52 Mách cũai sốt ki ta-õi Ni-cudem neq: “Mới la toáq tễ cruang Cali-lê tê tở? Khân mới chuaq salĩq tăng tâm saráq Yiang Sursĩ, mới lứq tở bữn ramóh ntốq aléq ma atỡng tễ cũai tang bỗq Yiang Sursĩ toáq tễ cruang Cali-lê.”

53 Moám ki tốp alới loõh tễ Dống Sang Toár cớp chu loah pữ đống alới.†

8

Mansẽm Ca Cooc Cớp Samiang

1 Ma Yê-su chõn tăng dũal O-li-vê.

2 Toáq poang tarừp Yê-su pỡq sĩa chu Dống Sang Toár. Ớt ntốq ki bữn cũai rôm mpễ án cứng lứq. Ngkĩq án tacu cớp atỡng alới.

3 Tốp cũai yống rit cớp tốp Pha-rasi đứng pữ án manoaq mansẽm ca cooc cớp samiang. Alới yõn mansẽm ki tayứng mpứng dĩ máh cũai ớt pữ Yê-su.

4 Cớp alới atỡng Yê-su neq: “Thâi ơi! Bữn cũai ramóh mansẽm nâi cooc cớp samiang.

5 Tăng phễp rit hái, Mũi-se khoiqt atỡng hếq, khân cũai aléq táq tở o ngkĩq, cóq cachĩt án tám chốq tamáu. Ma nốq thâi pai tễ ốc nâi?”

6 Alới blớh ngkĩq yoc ẽ chim Yê-su. Alới chuaq ngê ẽ cauq án. Ma Yê-su ngũq asẽng chĩc toáq ndẽm atĩ án tăng cutếq.

† 7:53 7:53 Sa-ũi tâm saráq tễ mbốq tở bữn bữn rana 7:53 toáq 8:11.

7 Tữ alói ca dững mansẽm ki blóh níc án, Yê-su yuor cóp atõng alói neq: “Khân bữn manoaq tẽ anhia ma tỡ bữn lôih ntróu, yõn án ki tám nhũang tamáu chók mansẽm nãi.”

8 Chơ Yê-su ngũq asẽng chĩc sĩa tâng cutẽq.

9 Tữ alói sâng Yê-su pai ngkíq, alói miar loõh tẽ ntốq ki, máh cũai thâu loõh nhũang, toau noâng ống Yê-su cóp mansẽm ki sâng ốt ngki.

10 Yê-su yuor tayúng cóp blóh mansẽm ki neq: “Niang ơ! Pỡ léq chơ máh cũai tẽq mới? Alói noâng ẽ táq tột mới tỡ?”

11 Mansẽm ki ta-õi neq: “Tỡ bữn noau noâng, Ncháu ơ.”

Yê-su atõng án neq: “Ngkíq cứq tỡ bữn táq tột mới tê. Têq mới chu; ma chõi táq lôih noâng.”

Yê-su Atõng Sĩa Máh Cũai I-sarel

12 Yê-su atõng ễn máh cũai I-sarel neq: “Cứq la ốc poang yõn nheq tữh cũai. Cũai aléq puai cứq, lứq án tỡ bữn pỡq tâng ntốq canám, ma án bữn ốc poang. Cũai aléq bữn ốc poang nãi, cũai ki bữn dếh ốc tamoong hỡ.”

13 Tõp Pha-rasi atõng Yê-su neq: “Sanua thài atõng tẽ ngê thài bữm. Ngkíq hếq tỡ têq noap parnai thài.”

14 Yê-su ta-õi alói neq: “Tam cứq atõng tẽ ngê cứq bữm, ma parnai cứq lứq pĩeiq, yuaq cứq dáng tẽ léq cứq toâq cóp chu léq cứq ẽ pỡq. Ma anhia tỡ bữn dáng tẽ léq cứq toâq cóp chu léq cứq ẽ pỡq.

15 Anhia sữq cũai canõh puai ngê tâng dõih nâi sâng, ma cứq tở bữn sữq aléq yũah.

16 Ma khân cứq sữq, máh sântoiq cứq pai la p̄ieiq lứq, yuaq Mpoaq ca ớn cứq toâq, án ốt cớp cứq tê; tở cõn cứq ốt manoaq cứq sâng.

17 Tâng phễp rit anhia noau khoiq chĩc neq: Khân bữn bar náq pai machóng, ki têq noap ít ốc ki.

18 Cứq atõng tễ tở cứq bữm, cớp Mpoaq ca ớn cứq toâq khoiq atõng tễ cứq tê.”

19 Chơ tốp Pha-rasi blóh Yê-su: “Mpoaq thâi ốt nléq?”

Yê-su ta-õih alóih neq: “Anhia tở bữn dáng cứq tở la Mpoaq cứq. Khân anhia ma dáng cứq, lứq anhia dáng Mpoaq cứq tê.”

20 Yê-su atõng máh sântoiq nâi tâng Dõng Sang Toâr cheq ntốq noau đốq chốq práq sang. Ma tở bữn noau cớp án yũah, yuaq ngư án cóq cuchĩt tở yũah toâq.

21 Moâm ki Yê-su atõng loah alóih neq: “Nữ-ra cứq lứq pởq tễ anhia. Anhia chuaq cứq, ma anhia lứq cuchĩt tâng ốc lôih anhia bữm. Ntốq cứq pởq, anhia tở têq pởq chu ntốq ki.”

22 Chơ cũai I-sarel blóh neq: “Nốq án pai hái tở têq pởq chu ntốq án pởq? Nâng án ể yác tở?”

23 Ma Yê-su pai ên: “Anhia toâq tễ pũn, ma cứq toâq tễ pũng. Anhia cõt tễ cutểq nâi, ma cứq tở bữn cõt tễ cutểq nâi.

24 Cứq khoiq atõng anhia chơ, toâq anhia cuchĩt, anhia noâng bữn lôih. Khân anhia tở bữn sa-âm cứq la án ca chuai amoong anhia, toâq anhia cuchĩt, anhia noâng bữn lôih.”

25 Alói blóh Yê-su neq: “Thâi la noau?”

Yê-su ta-õi alói: “Cứq la án ca khoiq atỡng anhia tễ dâu lứq ki.

26 Cứq noâng bữn sa-ữi ốc ễn ễn ể tểq anhia. Ma án ca ón cứq toâq la tanoang lứq. Cứq atỡng yỗn nheq tữh cũai dáng máh sântoiq cứq khoiq sâng tễ án.”

27 Ma cũai ki tở bữn sapúh Yê-su atỡng tễ Mpoaq tâng paloỡng.

28 Ngkíq Yê-su atỡng alói neq: “Toâq tangái anhia téh Con Yiang Cốt Cũai tâng aluang sangcáng, tangái ki anhia lứq dáng raloaih cứq la noau. Cóp bo ki anhia lứq dáng raloaih cứq tở bữn táq puai ngê cứq bữm, ma máh sântoiq cứq atỡng la sântoiq Mpoaq cứq khoiq atỡng cứq.

29 Án ca ón cứq toâq, án ốt níc cóp cứq. Án tở bữn yỗn cứq ốt manoaq, yuaq ranáq cứq táq, la cứq ểq án sâng bủi pahôm.”

30 Tữ noau sâng Yê-su pai ngkíq, sa-ữi náq sa-âm án.

Yê-su Atỡng Tễ Cũai Sũl Cóp Tở Bữn Sũl

31 Yê-su atỡng cũai I-sarel ca khoiq sa-âm án neq: “Khân anhia trỉh parnai cứq atỡng, lứq samoât anhia cốt cũai puai cứq.

32 Chơ anhia bữn dáng ốc p̄ieiq la ntróu; cóp ốc p̄ieiq nâi acláh anhia tễ cốt sũl.”

33 Ma máh cũai ki ta-õi Yê-su neq: “Hếq la tống toiq A-praham. Hếq tở nai cốt sũl noau. Nốq thâi pai acláh hếq tễ cốt sũl?”

34 Yê-su atõng alói neq: “Cứq atõng anhia samoât lứq, cũai aléq táq lôih, cũai ki cõt sũl ốc lôih ki.

35 Khân cũai aléq yoc ẽ táh cũai sũl, ki têq án táh, ma con samiang án bữm, án tở nai táh. Con ki ốt níc tâng đống án.

36 Ngkíq khân Con Yiang Sursĩ acláh anhia, lứq samoât anhia tở bữn sũl noâng.

37 Cứq dáng anhia la tẽ tống toiq A-praham. Ma noâng anhia ẽ cachĩt cứq, yuaq anhia tở ẽq tamứng parnai cứq atõng.

38 Cứq atõng máh santoiq cứq khoiq hữm tẽ Mpoaq cứq, ma anhia táq puai máh santoiq anhia khoiq sâng tẽ mpoaq anhia.”

39 Cũai ki pai neq: “A-praham la mpoaq hếq.”

Ma Yê-su pai loah neq: “Khân anhia lứq tẽ tống A-praham, cóq anhia táq ranáq machớng A-praham tẽ.

40 Cứq atõng anhia ốc p̄ieiq ca cứq khoiq bữn tẽ Yiang Sursĩ, ma anhia chanchóm ẽ cachĩt cứq. A-praham tở bữn táq riang ngkíq.

41 Anhia táq puai ranáq mpoaq anhia, ma mpoaq anhia tở cõn A-praham.”

Alói ta-õi Yê-su neq: “Hếq la tở cõn con saríh. Hếq bữn ống muoi noaq Mpoaq sâng. Yiang Sursĩ lứq Mpoaq hếq.”

42 Ma Yê-su atõng loah alói neq: “Khân Yiang Sursĩ lứq Mpoaq anhia, ngkíq anhia ayooq cứq, yuaq cứq toâq tẽ Yiang Sursĩ. Sanua cứq ốt nãi, cứq tở bữn toâq puai ngê cứq bữm, ma Yiang Sursĩ ớn cứq toâq.

43 Nốq anhia tở bữn sapúh parnai cứq atỡng? Anhia tở bữn sapúh, yuaq anhia tở ểq tamứng parnai cứq.

44 Anhia la con acái yiang Satan. Án la mpoaq anhia. Cóp anhia yoc lứq puai ngê mpoaq anhia. Tể dâu lứq, yiang Satan đốq ể cachĩt cũai. Án tở bữn yống ốc p̄ieiq, yuaq tở bữn muoi ốc p̄ieiq ntróu ốt tâng mút án. Tữ án táq ntỡng santonq lauq, án táq ntỡng parnai án bữm, yuaq án đốq lauq níc, cóp án la mpoaq ốc lauq.

45 Ma cồ cứq atỡng anhia ốc p̄ieiq, ngkíq anhia tở bữn sa-âm cứq.

46 Bữn noau tể anhia bữn tểc têq cauq cứq táq lôih tở? Khân cứq atỡng lứq p̄ieiq, ki nốq anhia tở bữn sa-âm cứq?

47 Cũai ca lứq con Yiang Sursĩ, ki án tamứng parnai Yiang Sursĩ atỡng. Ma anhia tở ểq tamứng parnai Yiang Sursĩ, yuaq anhia tở cõn con Yiang Sursĩ.”

Yê-su Atỡng Tể A-praham

48 Máh cũai I-sarel lóc acrieiq Yê-su neq: “P̄ieiq ma tở bữn hếq pai mới la cũai Sa-mari, cóp mới bữn yiang sâuq payóh hỡ?”

49 Yê-su ta-đi alói neq: “Cứq tở bữn bữn yiang sâuq. Cứq yám noap Mpoaq cứq sâng, ma anhia tở bữn yám noap cứq.

50 Cứq tở bữn chuaq ểq noau khển cứq. Ma bữn manoaq chuaq ốc ki yõn cứq. Án ki sữq anhia cóp cứq.

51 Cúq atǝng anhia samoât lúq, khân bǔn cũai trǐh samoât samǝi parnai cúq, cũai ki tǝ nai cuchĩt.”

52 Tǝ Yê-su pai ngkíq, cũai I-sarel pai neq: “Sanua hếq dáng samoât lúq mới bǔn yiang sâuq. A-praham khoiq cuchĩt chơ. Cóp máh cũai tang bỗq Yiang Sursĩ la khoiq cuchĩt nheq tê. Ma sanua mới pai khân bǔn cũai trǐh parnai mới, cũai ki tǝ nai cuchĩt.

53 Mới la toâr hỡn tể achúc achiac hếq A-praham tǝ? A-praham khoiq cuchĩt, cóp cũai tang bỗq Yiang Sursĩ la cuchĩt tê. Mới chanchóm mới la noau?”

54 Yê-su ta-đĩ alóí neq: “Khân cúq ma khển tǝ cúq bǔm, ki tǝ bǔn loỏh lư ntróu. Án ca khển cúq la Mpoaq cúq, án ca anhia ngin pai Yiang anhia.

55 Anhia tǝ bǔn dáng án, ma cúq dáng án. Khân cúq pai cúq tǝ bǔn dáng án, ki cúq táq ntǝng lauq machống anhia tê. Ma lúq cúq dáng án, cóp cúq trǐh parnai án.

56 A-praham la achúc achiac anhia, án ể ảiq lúq yoc ể hữm cúq toâq pǝ cutểq nâi. Án khoiq hữm ốc nâi chơ; ngkíq án ỡn lúq.”

57 Máh cũai I-sarel ki pai neq: “Đĩ mới tǝ yũah bǔn sǝng chít cumo. Nốq mới pai mới khoiq hữm A-praham?”

58 Yê-su ta-đĩ loah alóí neq: “Cúq atǝng anhia samoât lúq, nhũang A-praham tǝ yũah cõt, cúq khoiq bǔn chơ.”

59 Moâm Yê-su pai ngkíq, cũai I-sarel ỉt tamáu ể tám án. Ma Yê-su tamblốc chíq tâng cũai clứng

ki; chơ án loõh chíq tẽ Dõng Sang Toâr.

9

Yê-su Táq Blang Cũai Sũt

¹ Bo Yê-su pỡq, án hữm manoaq cũai sũt moat tẽ mpiq canõt.

² Tõp rien tẽ Yê-su blóh Yê-su neq: “Thâi ơi! Noau táq lôih yõn cũai nâi cõt sũt moat tẽ mpiq canõt án? Án, tỡ la mpiq mpoaq án táq lôih?”

³ Yê-su ta-õi alóì neq: “Tỡ cõn cõ án, tỡ la mpiq mpoaq án, táq lôih. Ma lứq Yiang Sursĩ ẽ apáh ranáq toâr lứq na cũai sũt nâi.

⁴ Bơ nõng tangái, hái cóq táq ranáq án ca ớn cứq toâq. Toâq sadâu, hái tỡ tẽq táq ranáq ntróu nõng.

⁵ Bơ cứq ớt tâng cutẽq nâi, cứq la ớc poang yõn nheq tũh cũai.”

⁶ Moâm Yê-su pai ngkíq, án cuchóh tâng cutẽq. Án carchóc đởq viaq cóp cutẽq yõn cõt lúq. Chơ án atia lúq tâng moat cũai sũt ki.

⁷ Yê-su ớn cũai sũt ki neq: “Pỡq! Mớì pỡq culĩaq moat tâng amống Salũam.”

(Santoiq Salũam parlong loah la ‘Noau Ớn’.) Ngkíq cũai sũt ki pỡq culĩaq moat án, cóp án pĩh chu pỡ dõng. Moat án cõt blang.

⁸ Cũai ớt muoi vil cóp án, cóp máh cũai ca khoiq hữm án ớt susẽq cha tẽ nhũang, alóì blóh neq: “Nâi la cũai sũt ca đốq tacu susẽq cha, pĩeiq tỡ?”

⁹ Bữn cũai ta-õi: “Lứq án.”

Ma cūai canōh pai: “Tō cōn án. Roâp cūai nâi ãn cūai sūt ki sâng.”

Ma cūai ki pai neq: “Cứq nâi la lứq cūai sūt ki.”

¹⁰ Ngkíq alóí blóh án: “Khân mới lứq cūai sūt ki, cồ nốq moat mới cõt blang?”

¹¹ Án ta-õi alóí neq: “Bữn manoaq samiang ramúh Yê-su, án talốc lứq, chơ atia tâng moat cứq, cớp án ớn cứq pớq culĩaq moat tâng amống Salũam. Ngkíq cứq pớq culĩaq moat cứq tâng amống ki, chơ moat cứq cõt blang.”

¹² Alóí blóh loah neq: “Nléq cūai ki sanua?”
Cūai ki ta-õi: “Cứq tở dắng pớ léq án.”

Tồp Pha-rasi Blóh Cūai Ca Blang Moat

¹³ Moâm ki noau dừng cūai sūt ca khoi q cõt blang toâq pớ tồp Pha-rasi.

¹⁴ Tangái Yê-su talốc lứq cớp táq yỗn moat cūai sūt cõt blang la Tangái Rlu.

¹⁵ Ngkíq tồp Pha-rasi blóh cūai sūt ki neq: “Nốq toâp mới táq ma moat mới cõt blang?”

Cūai sūt ta-õi alóí neq: “Cūai ki atia lứq tâng moat cứq. Chơ cứq pớq culĩaq moat; ngkíq sanua cứq hữm raloaih.”

¹⁶ Bữn cūai tể tồp Pha-rasi pai neq: “Cūai nâi tở bữn toâq tể Yiang Sursĩ, yuaq án táh phễp rit Tangái Rlu.”

Ma bữn cūai canōh pai neq: “Nốq cūai lờih ma têq táq ranáq salễh nneq?”

Chơ tồp Pha-rasi caryoah cõt bar tồp, muoi tồp pai nneq, muoi tồp pai ngkíq.

17 Ngkíq tốp Pha-rasi blóh sĩa cũai sūt ki neq: “Ntróu mới pai tẽ cũai ca táq moat mới cõt blang?”

Cũai sūt ki ta-õi neq: “Án la cũai tang bỗq Yiang Sursĩ.”

18 Ma máh cũai I-sarel tỡ yũah noap cũai ki lứq sūt ma cõt blang loah. Ngkíq alóí pỡq coáiq mpiq mpoaq án.

19 Chơ alóí blóh mpiq mpoaq án neq: “Án nài lứq con samiang anhia tỡ? Lứq án sūt tẽ tangái anhia canõt án tỡ? Cỗ nỡq sanua moat án cõt blang?”

20 Mpiq mpoaq án ta-õi neq: “Hếq pai samoât lứq, án la lứq con samiang hếq. Cóp hếq hữm moat án sūt tẽ tangái hếq canõt án.

21 Ma nỡq moat án cõt blang sanua, la hếq tỡ dáng tê. Cóp hếq tỡ dáng nâng noau táq yỗn án cõt blang. Anhia blóh án. Án khoiq carsai chơ. Án têq atõng anhia.”

22 Mpiq mpoaq cũai sūt pai ngkíq, cỗ alóí ngcõh tốp I-sarel. Yuaq tốp I-sarel khoiq patâp chơ, cũai aléq ma pai Yê-su la manoaq Yiang Sursĩ rườh đốq chuai amoong cũai, cũai ki tỡ têq rôm noâng tâng đống sang alóí.

23 Yuaq ốc ki mpiq mpoaq cũai sūt ki pai neq: “Án khoiq carsai chơ. Anhia blóh án.”

24 Muoi trỗ ễn tốp Pha-rasi arô cũai sūt ki cóp pai neq: “Cóq mới khễn ống Yiang Sursĩ sâng. Hếq khoiq dáng chơ cũai ki la cũai lôih.”

25 Ma cũai sūt ki ta-õi neq: “Cứq tỡ dáng án la cũai lôih ma tỡ bữn. Cứq dáng ống muoi ramứh

sâng. Bo nhũang moat cứq sũt, ma sanua moat cứq cõt blang!”

26 Chơ tốp Pha-rasi blóh loah án neq: “Cũai ki táq ntróu yỗn mới? Nổq toâp án táq yỗn moat mới cõt blang?”

27 Cũai sũt ki ta-õi neq: “Cứq khoiq atỡng anhia chơ, ma anhia tở bữn tamứng. Nổq noâng anhia ẽq cứq atỡng sĩa? Anhia ẽ puai án tê tở?”

28 Tốp Pha-rasi sâng nsóq lứq tâng mút alóí; chơ pai neq: “Mới la puai ngê cũai ki! Ma hếq puai ngê Mòi-se!

29 Hếq dáng Yiang Sursĩ khoiq atỡng na Mòi-se. Ma cũai ki, hếq tở dáng tễ léq án toâq.”

30 Cũai sũt ta-õi neq: “Dót ơiq! Anhia tở dáng tễ léq án toâq, ma án khoiq táq yỗn moat cứq cõt blang!

31 Háí dáng chơ Yiang Sursĩ tở bữn tamứng cũai lôih, ma án tamứng cũai yám noap án cốp puai ngê án.

32 Tễ dâu Yiang Sursĩ tễng cốc cutễq nâi, tở nai sâng bữn cũai têq táq cũai sũt tễ tangái mpiq án canốt ma cõt blang.

33 Khân cũai ki tở bữn toâq tễ Yiang Sursĩ, án tở têq táq muoi ranáq salễh ntróu.”

34 Ma tốp Pha-rasi pai ễn neq: “Mới la cũai lôih tễ tangái mpiq mới canốt! Nổq mới ma yoc ẽ atỡng hếq?”

Vót ki alóí tuih aloõh án.

35 Yê-su sâng alóí tuih cũai sũt ki. Chơ án toâq ramóh cũai ki cốp blóh án neq: “Mới sa-âm Con Yiang Cốt Cũai tở?”

36 Cũai sũt ta-õi: “Thâi ời, án ki la noau? Sễq thâi atõng cứq dáng án. Cứq yoc ẽ sa-âm án tê.”

37 Yê-su pai loah: “Mới khoiq hũm chơ án; án ca táq ntõng cớp mới sanua, la án ki toâp.”

38 Ngkíq cũai sũt ki ta-õi: “Ncháu ời! Lứq cứq sa-âm!”

Chơ án cucõh sang Yê-su.

39 Yê-su pai ẽn: “Cứq toâq pở cớc cutẽq nâi đõq pác cũai. Cứq táq yõn cũai sũt cõt blang, cớp táq yõn cũai moat poang o cõt sũt.”*

40 Bữn cũai tẽ tồp Pha-rasi sâng Yê-su pai ngkíq. Alóí blóh Yê-su neq: “Thâi pai hếq la cũai sũt tê tỡ?”

41 Yê-su ta-õi alóí neq: “Khân anhia ngin anhia la cũai sũt, anhia tỡ bữn bữn lỏih ntrứ. Ma sanua anhia pai anhia poang o, ngkíq lỏih anhia noâng õt níc cớp anhia.”

10

Cũai Mantán O

1 Yê-su pai ẽn neq: “Cứq atõng anhia samoât lứq, cũai aléq ma tỡ bữn mut tâng cuaq charán cũu na ngoah, ma án mut na canõh, án la cũai savẽng cớp yoc ẽ tutuoíq.

2 Án ca mut na ngoah, án ki la cũai mantán cũu.

3 Cũai kĩaq ngoah cuaq pớh toong yõn cũai mantán cũu mut, cớp máh cũu tamứng sường

* 9:39 9:39 Rana nâi Yê-su sacâm cũai aléq bữn lỏih ma toâq ngin pở án, ki án táh lỏih ki. Ốc ki la samoât cũai sũt ma cõt blang loah. Ma cũai aléq pai án tỡ bữn lỏih ntrứ, Yê-su tỡ tẽq táh lỏih án. Ốc ki la samoât cũai moat poang o, ma cõt sũt.

án arô. Án taléq ramúh cữu, cốp án dững aloõh máh cữu tẽ cuaq.

⁴Toâq án ayông máh cữu, án pỏq nhũang, cốp máh cữu puai án, yuaq cữu ki saccoal samũong án.

⁵Ma cữu tở bữn puai cũai liaq. Lứq án lúh tẽ cũai liaq, yuaq án tở bữn saccoal samũong cũai ki.”

⁶Yê-su atõng parnai sacâm nâi, ma cũai ki tở bữn sapúh ntróu án atõng.

⁷Ngkíq Yê-su atõng loah alóí neq: “Cứq atõng anhia samoât lứq, cứq la ngoah cuaq charán cữu.

⁸Nheq tữh cũai ca toâq tẽ nhũang cứq, la moang cũai savẽng cốp cũai tutuoiq. Ma tốp cữu tở bữn tamúng alóí.

⁹Cứq la ngoah cuaq. Cũai aléq mut na ngoah cuaq, cũai ki bữn tamoong. Têq án mut loõh chuaq cha cốp án ramóh níc crong sana.

¹⁰Cũai savẽng mut yoc ẽ tuoiq, yoc ẽ cachit, cốp yoc ẽ talóh pupút sâng. Ma cứq toâq yõn máh cữu bữn tamoong, cốp tở bữn ỏq muoi ramúh ntróu.

¹¹“Cứq la mantán o. Mantán o chiau rangúh án pláih yõn cữu têq tamoong.

¹²Cũai tuthẽ bán cữu, án tở bữn ndõm cữu. Khân án hữm acho cruang toâq, án lúh táh ngheq cữu. Ngkíq acho cruang palóng cáp cữu; chớ máh cữu lúh pláh chap.

¹³Cũai tuthẽ lúh yuaq án la cũai bán thể sâng. Án tở bữn pasêq ntróu cữu.

14-15 Cúq la cũai mantán o. Mpoaq tâng paloõng dáng cúq, cốp cúq dáng Mpoaq tâng paloõng; machõng ki tê cúq dáng máh cũu cúq, cốp cũu cúq dáng cúq. Cúq bũi pláih rangúh cúq yõn máh cũu cúq.

16 Bũn cũu canõh la khong cúq tê, ma tở bũn õt tâng cuaq nâi. Cúq cóq pỡ pong tê máh cũu ki. Nỡ-ra cũu ki tamúng srong cúq. Chơ cõt muoi tốp sâng, cốp bũn manoaq sâng la mantán.

17 Mpoaq tâng paloõng ayooq lứq cúq, yuaq cúq bũi pahõm chũuq cuchĩt. Cúq chũuq cuchĩt đõq têq cúq tamoong loah.

18 Noau tở têq cachĩt rangúh cúq, ma cúq chõng bũi pahõm chũuq cuchĩt. Cúq bũn chóc cuchĩt ngkíq. Cốp cúq bũn chóc têq táq rangúh cúq tamoong loah. Chóc nâi la Mpoaq cúq yõn cúq bũn.”

19 Moâm Yê-su pai ngkíq, tốp I-sarel caryoah cõt bar tốp.

20 Muoi tốp pai neq: “Lứq samoât bũn yiang sâuq payõh án. Án la cũai yúh. Nỗq anhia tamúng santoiq án?”

21 Ma tốp canõh pai: “Khân lứq bũn yiang sâuq payõh, mỗ têq án atõng máh santoiq ki. Nỗq cũai bũn yiang sâuq, ma têq táq blang cũai sũt moat?”

Tốp I-sarel Tở Ếq Sa-âm

22 Toâq casâi sangẽt tâng vil Yaru-salem, tốp I-sarel cha bũi sanhũ tangái alới bũn loah đõng

sang tễ mbốq.*

²³ Yê-su mut tâng Dông Sang Toâr, cốp án luloah pởq chu tâng Ntrởn Sa-lamôn.

²⁴ Tốp I-sarel rôm pễn Yê-su, cốp alóí blóh án neq: “Maléq dũn noâng thâi yỗn hếq ngỗh-rangỗh ngcuang? Khân thâi la Crít, sếq thâi atởng yỗn hếq dáng raloaih.”

²⁵ Yê-su ta-ỡi alóí neq: “Cứq khoiқ atởng anhia chơ, ma anhia tở bữn noap. Ranáq cứq táq la cỗ nhơ Mpoaq cứq yỗn cứq bữn chớс; ranáq ki apáh cứq toâq tễ Yiang Sursĩ.

²⁶ Ma anhia tở bữn sa-âm cứq, yuaq anhia tở cữn tốp cữu cứq.

²⁷ Cữu cứq tamứng sương cứq. Cứq dáng án, cốp án puai cứq.

²⁸ Cứq yỗn án tamoong mantái; ngkíq án tở nai cuchĩt. Cũai aléq la tở têq sadỏh án tễ atĩ cứq.

²⁹ Mpoaq cứq bữn chớс toâr clũi nheq tễ canỏh. Án yỗn cứq bữn cữu ki. Cũai aléq tở têq sadỏh cữu ki tễ atĩ Mpoaq cứq.

³⁰ Cứq cốp Mpoaq cứq la muoi.”

Tốp I-sarel Ỗ Táq Yê-su

³¹ Tữ Yê-su pai ngkíq, tốp I-sarel ỹt tamáu yoc ỹ tám chốq Yê-su.

* **10:22** 10:22 Tangái ki alóí sanhữ achúc achiac alóí asa Dông Sang tâng sám 164 cumo nhũang tễ Yê-su canỏt, vớт cũai Si-ri talỏh đống ki khoiқ pái cumo nhũang. Chơ cũai I-sarel bữn sang toam loah tâng Dông Sang ki.

32 Ma Yê-su atõng alõi neq: “Cứq khoiq táq sa-ũri ranáq o ãn Mpoaq cứq ỏn cứq táq. Cỗ tian tẽ ranáq alẻq ma anhia ẽ tám tamáu chỏq cứq?”

33 Tõp I-sarel ki ta-õi loah: “Hẻq tõ bữn tám cỗ tian tẽ máh ranáq mới táq. Ma hẻq ẽ táq mới cỗ mới acrieiq ramứh Yiang Sursĩ. Mới la cũai miat sâng, ma mới ngin mới la Yiang Sursĩ tẽ.”

34 Yê-su atõng loah alõi neq: “Tâng phẻp rit anhia, bữn cũai chĩc đỏq chơ Yiang Sursĩ khoiq pai neq:

‘Anhia cõt samoát máh yiang tẽ.’✧

35 Háı dảng chơ parnai Yiang Sursĩ la lứq pẻiq. Cỏp Yiang Sursĩ đỏq alõi ca roap parnai án la ‘yiang’ tẽ.

36 Ma cứq nãi, Mpoaq cứq khoiq rườh cứq, cỏp án ỏn cứq toàq pỡ cốc cutẻq nãi. Ngkẻq, nõq anhia pai cứq acrieiq ramứh Yiang Sursĩ toàq cứq pai cứq la Con Yiang Sursĩ?

37 Khãn cứq tõ bữn táq ranáq Mpoaq cứq, anhia chỏi sa-âm cứq.

38 Ma khãn cứq táq ranáq Yiang Sursĩ, ma anhia noâng tõ ẻq sa-âm cứq, cỏq anhia sa-âm máh ranáq cứq táq. Ngkẻq anhia tẻq dảng samoát lứq. Mpoaq cứq ỏt muoi mút cỏp cứq, cỏp cứq ỏt muoi mút cỏp Mpoaq cứq.”

39 Moâm Yê-su pai ngkẻq, tõp I-sarel chi-chuaq ngẻ sĩa ẽ cỏp Yê-su. Ma Yê-su viaq chíq tẽ alõi; chơ alõi tõ dảng bữn cỏp án.

✧ 10:34 10:34 Ừat Khẻn 82:6

40 Yê-su clong loah crông Yôr-dan cốp pờq chu ntốq Yang dóq táq batẽm tẽ nhũang. Yê-su ớt ntốq ki voai,

41 cốp cứng cũai toâq pờ án. Alói pai neq: “Yang tở bữn táq muoi ranáq salẽh ntróu, ma máh parnai án atõng tẽ cũai nâi la p̄ieiq nheq.”

42 Ngkíq bữn sa-ữi náq tâng ntốq ki sa-âm Yê-su.

11

La-sarơ Cuchĩt

1 Bữn manoaq samiang ramứh La-sarơ, cõt a-ĩ. Án ớt tâng vil Bê-thani parnơi cốp sẽm ỡi án, Mathê cốp Mari.

2 Mari la mansẽm ca tỗh dờq phuom tâng tỗ Yê-su tẽ nhũang, cốp án chut ayững Yê-su toâq sóc án bữm. La-sarơ, cũai ca a-ĩ la amiang Mari.

3 Bar náq sẽm ỡi ki ớn cũai pờq atõng Yê-su neq: “Ncháu ỡi! Án ca Ncháu ayooq lứq, sanua án a-ĩ.”

4 Tữ Yê-su sâng ngkíq, án pai neq: “La-sarơ lứq a-ĩ, ma án tở bữn cuchĩt mỗ. Cỗ tẽ án a-ĩ nâi, cũai bữn khẽn Yiang Sursĩ cốp Con Yiang Sursĩ.”

5 Yê-su ayooq Mathê, Mari, cốp La-sarơ.

6 Tữ Yê-su sâng han La-sarơ a-ĩ, án ớt loah tâng ntốq ki bar tangái ễn.

7 Vót bar tangái, Yê-su atõng tộp rien tẽ án neq: “Hái pích chu loah pờ cruang Yudê.”

8 Ma tộp rien tẽ Yê-su atõng án neq: “Thâi ỡi! Lẻq bữn dũn yũah tộp I-sarel pờ ki yoc ẽ tám

tamáu chók thâi. Ma nǎq sanua thâi yoc pǐh loah pǎ ki?"

⁹ Yê-su ta-ôi alói neq: "Pên tangái tâng cutêq nâi bǔn poang, ma tǎ bǔn? Khân bǔn cũai pǎq tâng tangái, án tǎ bǔn dóm; án têq hǔm, yuaq poang.

¹⁰ Ma khân án pǎq tâng sadâu, lǔq án dóm; án tǎ báng hǔm, yuaq canám."

¹¹ Moâm Yê-su pai ngkíq, án pai ẽn neq: "Yóu hái, La-sarǎ, bẻq langê, ma sanua cúq ẽ pǎq amoaih án."

¹² Tǎp rien tẻ Yê-su ta-ôi neq: "Ncháu ơi! Khân án bẻq, ki moai tẻ."

¹³ Yê-su atǎng tẻ La-sarǎ khoi q cuchĩt, ma tǎp rien tẻ Yê-su chanchóm Yê-su pai La-sarǎ bẻq sâng.

¹⁴ Ngkíq Yê-su atǎng alói raloaih lǔq neq: "La-sarǎ khoi q cuchĩt chǎ."

¹⁵ Cúq ỡn tẻ cúq tǎ bǔn toâq bo án a-ĩ. Ma sanua cúq pǎq yǎn anhia tẻ sa-âm samoât samoi. Chǎ sanua hái pǎq pǎ La-sarǎ."

¹⁶ Moâm ki Thô-mat, án ca noau đǎq ramứh Di-dim hữ, án pai chók yóu canǎh ca rien tẻ Yê-su neq: "Hái pǎq tẻ, đǎq hái pruaq cuchĩt parnoi cǎp thâi."

Yê-su Aliam Bar Náq Sẻm Ỗi

¹⁷ Tử Yê-su toâq pǎ ntǎq ki, án sâng noau pai khoi q pǎn tangái chǎ noau tǎp La-sarǎ.

¹⁸ Vil Bẻ-thani mán bǔn pái ki-lỏ-mẻt tẻ vil Yaru-salem,

19 Cóp sa-ũi náq tẽ tốp I-sarel pờq bẻq aliang Mathê cóp Mari, yuaq amiang alỏi khoiq cuchĩt.

20 Từ Mathê sâng noau pai Yê-su mbõiq toâq ramóh vil, chơ án pờq crỏq Yê-su. Ma Mari noâng ốt ndống.

21 Mathê pai chỏq Yê-su neq: “Ncháu ơi! Khân Ncháu ốt pờ nâi bo ki, amiang cứq tỡ bữn cuchĩt mỗ.

22 Ma cứq dáng dếh sanua ramứh ntróu Ncháu sẽq tẽ Yiang Sursĩ, lứq án yỗn.”

23 Yê-su atống Mathê neq: “Amiang mới lứq tamoong loah.”

24 Chơ Mathê pai neq: “Cứq dáng amiang cứq tamoong loah tâng tangái parsót. Tangái ki nheq tữh cũai khoiq cuchĩt bữn tamoong loah.”

25 Yê-su atống loah Mathê neq: “Cutổ cứq toâp yỗn cũai cuchĩt yuor tamoong loah, cóp cứq yỗn alỏi têq bữn tamoong. Cũai aléq sa-âm cứq, toâq án cuchĩt, ki noâng án tamoong.

26 Cóp cũai aléq noâng tamoong cóp sa-âm cứq, án tỡ nai cuchĩt. Mới sa-âm ốc nâi tỡ?”

27 Mathê ta-õi neq: “Lứq cứq sa-âm, Ncháu! Cứq sa-âm Ncháu la Crĩt, Con Yiang Sursĩ, án ca Yiang Sursĩ ớn toâq pờ cốc cutểq nâi.”

28 Moâm Mathê pai ngkíq, án chu pờ đống, chơ án rachập cóp Mari, a-ẽm án, neq: “Thâi toâq chơ. Án yoc ẽ ramóh mới.”

29 Từ Mari sâng ngkíq, yóiq toâp án yuor cóp pờq chu Yê-su.

30 Yê-su tỡ yũah mut tâng vil. Noâng án ốt bân ntốq Mathê ramóh án.

³¹ Cũai I-sarel bẻq aliang Mari, alói hữm Mari yuor chái lứq cốp loõh tẻ dống; ngkíq alói puai ntun clĩ án. Alói chanchóm án pỡq nhiam pỡ ping amiang án.

³² Tữ Mari pỡq chu Yê-su, án hữm Yê-su cốp án ap cheq ayững Yê-su, pai neq: “Ncháu ơi! Khân Ncháu ốt pỡ nâi bo ki, amiang cứq tỡ bữn cuchĩt mỗ.”

³³ Tữ Yê-su hữm Mari nhiam, cốp máh cũai I-sarel ca puai Mari nhiam tê, ngkíq Yê-su sâng sarũiq cốp ngua lứq.

³⁴ Án blóh neq: “Bân léq anhia tứp án?”

Alói pai: “Ncháu ơi! Sanua hái pỡq nhêng.”

³⁵ Yê-su nhiam.

³⁶ Ngkíq cũai I-sarel pai: “Âu! Hữm! Án ayooq lứq La-sarơ!”

³⁷ Ma bữn cũai canõh pai neq: “Án nâi khoiq táq cũai sũt moat cõt blang. Bo La-sarơ tỡ yũah cuchĩt, tẻq nâng tỡ án táq bán La-sarơ?”

La-sarơ Tamoong Loah

³⁸ Yê-su toâq pỡ ping. Mứt án sâng ngua lứq sĩa. Ping nâi tâng cữp, cốp tamáu toâr catáng chíq ngoah cữp.

³⁹ Yê-su ớn neq: “Cóq anhia vih aloõh chíq tamáu tẻ ngoah cữp.”

Ma Mathê, amuaq cũai cuchĩt ki, pai neq: “Ncháu ơi! Khoiq pa-ốh chơ, yuaq án ốt ngki khoiq pỏn tangái.”

⁴⁰ Yê-su blóh ễn neq: “Cứq khoiq atõng anhia chơ ma tỡ bữn, khân anhia sa-âm, anhia lứq hữm chóc ang-ữr tẻ Yiang Sursĩ?”

41 Ngkíq alóí vih tamáu. Chơ Yê-su tapoang achõn chu paloõng cớp pai neq: “Mpoaq cớq ơi! Cớq sa-õn mới khoiq tamứng cớq.

42 Cớq dáng mới tamứng níc cớq, ma cớq pai ngkíq ẽq cũai õt cheq cớq nâi dáng lứq samoât mới ớn cớq toâq pỡ nâi.”

43 Moâm Yê-su pai ngkíq, án arô casang lứq: “La-sarơ ơi! Mới loõh tẽ ki!”

44 Chơ án ca cuchĩt ki loõh tẽ ping. Atĩ cớp ayững án nheq noau som aroâiq. Cớp bữn aroâiq cuom mieiq cớp plỡ án. Yê-su ớn alóí neq: “Anhia leh chíq aroâiq noau som tẽ tở án, cớp yõn án chu.”

*Cũai Canõh Chuaq Ngê Cachĩt Yê-su
(Mathia 26:1-5; Mac 14:1-2; Luca 22:1-2)*

45 Ngkíq máh cũai I-sarel ca bẻq aliang Mari, alóí hữm ranáq Yê-su táq. Ngkíq alóí sa-âm Yê-su tẽ.

46 Ma bữn cũai tẽ tốp I-sarel ki pỡq chu tốp Pha-rasi cớp atõng alóí tẽ máh ranáq Yê-su khoiq táq.

47 Ngkíq tốp Pha-rasi cớp máh cũai sớt tốp tềng rit sang Yiang Sursĩ, alóí arô nheq tữh cũai sớt tốp I-sarel; chơ alóí sarhõng. Alóí pai neq: “Cũai nâi táq ranáq salẽh sa-ũĩ lứq chơ. Nỏq hái ẽ táq sanua?”

48 Khân hái yõn án táq níc ngkíq, nheq tữh cũai sa-âm nheq án. Chơ cũai Rô-ma toâq talõh Dõng Sang Toâr hái cớp cruang hái.”

49 Tể tốp ki bữn manoaq ramúh Cai-pha. Cumo ki án cõt cũai sốt nheq tể rit sang Yiang Sursĩ. Án pai neq: “Anhia tở dáng ntróu thág.

50 Anhia tở bữn tutuaiq. Khân đõq cũai nâi, proai hái lứq cuchĩt nheq, cớp đõng cruang hái la ralõh nheq tê. Khaq hái yõn manoaq nâi cuchĩt, saláng nheq tữh cũai hái cuchĩt.”

51 Ma Cai-pha tở bữn chõng ẽ pai cõ loõh tể mút án bữm. Yuaq máh ớc Cai-pha atõng tể Yê-su cuchĩt tang máh cũai I-sarel, lứq Yiang Sursĩ toáp yõn án atõng saccoaiq, yuaq bo ki án sốt nheq tể rit sang Yiang Sursĩ.

52 Cớp Yê-su tở bữn cuchĩt tang ống cũai I-sarel sâng, ma án cuchĩt tang yõn dĩ náq con acái Yiang Sursĩ. Sanua máh cũai ki ớt parsáng-parsaiq sa-ữi ntốq, ma nữ-ra alóí rôm cõt muoi tốp sâng.

53 Noap tể tangái ki, tốp I-sarel chi-chuaq ngê ẽ cachĩt Yê-su.

54 Ngkíq Yê-su tở bữn pớq noâng parnoi cớp cũai cứng tể tốp I-sarel. Ma án pớq chu ntốq aiq cheq vil Ep-ra-im. Án ớt ngki cớp tốp rien tể án.

55 Cheq toáp tangái cũai I-sarel cha sanhữ Tangái Loõh.* Ngkíq cứng cũai ớt yáng tiah vil Yaru-salem mut tâng vil, yoc ẽ puai rit sambráh nhũang tangái alóí ẽ cha táq rit.

56 Máh cũai ki chuaq níc Yê-su. Alóí ớt tayúng tâng Dõng Sang Toâr, cớp manoaq blóh manoaq

* **11:55** 11:55 Tangái ki alóí sanhữ tangái Yiang Sursĩ chuai alóí loõh tể cruang Ê-yip-tô tể mbốq.

neq: “Nốq mới chanchóm, án ẽ toàq cha bũi sanhữ tangái ki tê, ma tở bữn?”

⁵⁷ Mách cũai sốt tốp tềng rit sang Yiang Sursĩ cốp tốp Pha-rasi, alóir khoiq patâp neq: Khân cũai aléq dáng ntốq Yê-su ốt, cóq án toàq cuchữiq alóir dáng tê, yuaq alóir yoc ẽ cốp án.

12

Mari Tớh Tớu Phuom Tânq Tớ Yê-su (Mathia 26:6-13; Mac 14:3-9)

¹ Noâng tapoât tangái ẽn nốq tốp I-sarel cha sanhữ Tangái Loõh. Tangái ki Yê-su pớq pớ vil Bê-thani, la ntốq La-sarơ ốt. La-sarơ la cũai ca Yê-su khoiq amõih tể cuchĩt.

² Ớt ntốq ki alóir roap chõm Yê-su. Mathê aloõh cớng sana yõn alóir cha, cốp La-sarơ tacu cha parnơi cốp alóir.

³ Bo ki Mari ỉt bẽ dớq phuom noau dớq nar. Dớq phuom ki kia nằng lứq. Mari tớh dớq phuom ki tằng ayững Yê-su, chơ án chut ayững Yê-su toàq sóc án. Chũop dống sằng hữi phuom chanchức.

⁴ Bữn manoaq tốp rien tể Yê-su, ramứh Yuda I-cari-ôt, án ca cheq ẽ chềq Yê-su, pai neq:

⁵ “Nốq án tở bữn chềq dớq phuom ki, chơ ỉt práq kia ki chuai cũai cadĩt? Kia dớq phuom nằi li cốp práq cóng noau tuthẽ tằng pái culám tangái.”

⁶ Án pai ngkíq, tở cõn án yoc ẽ chuai cũai cadĩt, ma án yoc ẽ plớp práq ki, yuaq án la cũai yống práq chống tằng tốp rien tể Yê-su.

⁷ Ma Yê-su pai neq: “Dõq tam án. Lứq p̄ieiq án thũan dõq dõq phuom nâi yõn tangái noau túp cứq.

⁸ Cũai cadĩt õt níc cớp anhia. Ma cứq tở bữn õt níc cớp anhia.”

⁹ Mách cũai I-sarel sâng noau pai Yê-su õt tâng vil Bê-thani. Ngkíq cứng lứq alóí p̄õq chu ki tê. Alóí tở bữn p̄õq yoc ẽ ramóh ống Yê-su sâng, ma alóí yoc ẽ hũm La-sarơ hỡ, án ca Yê-su amõih loah tẽ cuchĩt.

¹⁰ Ngkíq máh cũai sốt tốp tẽng rit sang Yiang Sursĩ chi-chuaq ngê ẽ cachĩt đếnh La-sarơ hỡ,

¹¹ yuaq cõ tian La-sarơ, cứng cũai I-sarel táh rit tiaq alóí, chơ sa-âm Yê-su ẽn.

Yê-su Mut Tâng Vil Yaru-salem

(Mathia 21:1-11; Mac 11:1-11; Luca 19:28-40)

¹² Mách tangái parnỡ ẽn, cứng cũai toâq cha bũi sanhữ Tangái Loõh, alóí sâng Yê-su cheq ẽ mut tâng vil Yaru-salem.

¹³ Ngkíq alóí ít ngoong po cớp p̄õq crốq Yê-su. Alóí triau cupo casang lứq neq: “Ô-sana!* Sẽq Yiang Sursĩ yõn ốc bốn p̄õ cũai ca toâq nhơ ramứh Ncháu. Lứq khẽn puo cũai I-sarel.”☆

¹⁴ Yê-su ramóh muoi lám aséh đếnh con, chơ án tacu tâng cloong aséh ki machớng noau khoiq chĩc tâng tâm saráq Yiang Sursĩ tẽ mbốq neq:

¹⁵ “Vil Yaru-salem ơi! Chõĩ ngcõh ntrớu. Sanua puo anhia ntôm ẽ toâq chơ.

* **12:13** 12:13 Santoiq ‘ô-sana’ parlong loah la ‘sa-õn lứq’ tở la ‘khẽn’. ☆ **12:13** 12:13 Ũat Khẽn 118:25-26

Án tacu tâng aséh dễn ỉơ-lơ.”✧

16 Tangái ki tốp rien tễ Yê-su tở yũah dáng raloaih tễ parnai nâi. Ma vớt Yê-su cuchĩt cớp tamooŋ loah, ki nỏq alới sapủh tễ parnai Yiang Sursĩ atởng tễ Yê-su. Cớp alới sanhữ loah alới khoiq táq rapĩeiq máh parnai Yiang Sursĩ pai tễ Yê-su.

17 Máh cũai ca hữm Yê-su arô La-sarơ loỏh tễ ping cớp yỏn án tamooŋ loah, alới atởng la-ủt la-ủi tễ ranáq nâi.

18 Yuaq ngkíq bữn cứng cũai pỏq ramóh Yê-su tễ, cỏ alới khoiq sâng Yê-su táq tếc salễh nâi.

19 Chơ tốp Pha-rasi, manoaq táq ntởng cớp manoaq neq: “Ki! Anhia hữm tở? Nheq tửh cũai khoiq puai án. Táq nỏq la hái tở rơi án mỗ.”

Yê-su Atởng Tễ Án Cớq Cuchĩt

20 Tangái cha sanhữ ki bữn cũai Créc pỏq chu vil Yaru-salem yoc ễ sang toam pỏ ki tề.

21 Tốp cũai Créc ki toáq pỏ Phi-lip, la cũai tễ vil Bet-sada, cruang Cali-lê. Alới sễq tễ Phi-lip neq: “Achuaih ơ! Hếq yoc ễ ramóh Yê-su.”

22 Phi-lip pỏq atởng Anrê; chơ Anrê cớp Phi-lip toáq atởng Yê-su.

23 Yê-su ta-ỡi alới neq: “Cheq ễ toáq ngư Yiang Sursĩ ápáh chóc ang-ủr Con Yiang Cốt Cũai.

24 Cứq atởng anhia samoát lủq, khân bữn muoi ỏc sapua noau chỏh tâng cutễq, amoat ki padỏh, chơ ỏc ki cốt pứt. Khân noau tở bữn chỏh

ốc ki, án noâng níc muoi ốc. Ma khân noau chóch, ốc ki cõt sa-ũĩ palâi.

25 Cũai aléq paséq rangúh án tâng dôi nâi, rangúh cũai ki lúq pút. Ma cũai aléq tở bữn paséq rangúh án tâng dôi nâi, cũai ki lúq bữn tamooŋ mantái níc.

26 Cũai aléq yoc ẽ táq ranáq cúq, cóq cũai ki puai cúq. Ntốq aléq cúq ốt, án lúq ốt ntốq ki tê. Cóp cũai táq ranáq cúq, Mpoaq cúq lúq roap apõng án tê.

27 “Sanua mút cúq sâng túh arúc lúq. Ma têt tở cúq pai neq: ‘Mpoaq ơi! Chuai cúq yõn viaq tẽ ốc cuchĩt nâi?’ Cúq tở têt pai ngkíq, yuaq cúq toâq pở cutẽq nâi dỏq chũuq ốc cuchĩt ki.

28 Mpoaq ơi, sêq mới táq yõn cũai khẽn ramúh ang-ũr mới!”

Moâm Yê-su pai ngkíq, sương Yiang Sursĩ atõng tẽ paloõng neq: “Cúq khioq táq yõn cũai khẽn ramúh ang-ũr cúq, cóp nỡ-ra cúq táq machõng ki sĩa.”

29 Chũng cũai ốt ngki sâng sương ki samoât crúm. Bữn án ca pai ranẽng Yiang Sursĩ tẽ paloõng táq ntõng cóp Yê-su.

30 Ma Yê-su pai neq: “Sương nâi atõng yõn anhia, tở cõn yõn cúq.

31 Sanua toâq ngư Yiang Sursĩ rablớh máh cũai tâng cutẽq nâi. Cóp sanua án tuih aloõh yiang ca sớt tâng cutẽq nâi.

32 Ma tử noau ayõng cúq tâng aluang sangcáng, cúq lúq tếc dũng nheq tũh cũai toâq pở cúq.”

³³ Yê-su pai ngkíq, án yoc atõng yõn cũai dáng na ntróu án cuchĩt.

³⁴ Mách cũai cứng ki atõng án neq: “Phễp rit hếq atõng pai Crĩt la tamoong mantái níc. Ngkíq nõq thâi pai Con Yiang Cõt Cũai cóq noau ayõng án tâng aluang sangcáng? Noau la Con Yiang Cõt Cũai?”

³⁵ Yê-su ta-õi alóí neq: “Anhia bữn ốc poang noâng bĩq tangái sâng. Sanua cóq anhia pữq tâng ốc poang nâi, yuaq anhia tữ bữn dáng bo léq sarblíng toâq ốc canám. Chơ anhia tữ dáng ể pữq chu léq noâng.

³⁶ Bo anhia noâng bữn ốc poang, cóq anhia sa-âm ốc ki, dõq anhia cõt samoât con acái ốc poang ki.”

Moâm Yê-su pai ngkíq, án loõh tễ tốp alóí, cớp pữq tooq chíq tễ alóí.

Tốp I-sarel Noâng Tữ Ểq Sa-âm

³⁷ Tam Yê-su khoiq táq sa-ũĩ ranáq salẽh yáng moat alóí, ma noâng alóí tữ bữn sa-âm án.

³⁸ Ngkíq cõt rapĩeiq santoiq Ê-sai, cũai tang bõq Yiang Sursĩ, khoiq chĩc tễ mbõq neq: “Ncháu ời! Noau noâq sa-âm parnai hếq atõng? Noau toâp bữn hữm chóc toâr lứq tễ Yiang Sursĩ?”[☆]

³⁹ Tốp I-sarel ki tữ dáng sa-âm, cõ Ê-sai khoiq chĩc tâng ntõq canõh neq:

⁴⁰ “Yiang Sursĩ táq yõn moat alóí cõt sũt, cớp táq yõn mút alóí cõt coang. Ngkíq moat alóí tữ tẽq hữm.

[☆] 12:38 12:38 Ê-sai 53:1

Cóp mút alói tở têq dáng.

Alói tở ẽq toâq pở cúq

dõq cúq táq yõn alói cõt bán.”✧

⁴¹ Ê-sai pai santoiq ngkíq, yuaq án atõng saccoaiq tẽ án hữm chóc ang-ữr Yê-su. Ngkíq yuaq án atõng santoiq ki tẽ Yê-su.

⁴² Ma noâng bữn sa-ữi náq sa-âm Yê-su, dẽh cũai sốt hỡ. Ma alói ca sa-âm tở bữn atõng yõn cũai canõh dáng alói sa-âm, yuaq alói ngcõh tốp Pha-rasi tuih aloõh alói tẽ dõng sang.

⁴³ Ngkíq alói ẽq cũai canõh khẽn alói clũi tẽ alói ẽq Yiang Sursĩ khẽn alói.

⁴⁴ Vót ki Yê-su atõng casang lúq neq: “Cũai aléq sa-âm cúq, cũai ki tở bữn sa-âm õng cúq sâng, ma án sa-âm dẽh án ca ón cúq toâq pở nãi.

⁴⁵ Cũai aléq hữm cúq, cũai ki hữm dẽh án ca ón cúq toâq tê.

⁴⁶ Cúq la óc poang yõn cõc cutẽq nãi. Ngkíq cũai aléq sa-âm cúq, cũai ki tở bữn õt noâng tâng óc canám.

⁴⁷ Cũai aléq tamúng parnai cúq, ma tở bữn trĩh parnai ki, cúq tở bữn tẽq án. Yuaq cúq tở bữn toâq pở nãi ẽ tẽq cũai, ma cúq toâq ẽ chuai amoong nheq tữh cũai.

⁴⁸ Cũai aléq kêt cúq, cóp tở bữn ít parnai cúq, lúq bữn parnai tẽq cũai ki. Toâq tangái parsốt, máh parnai cúq khoiq atõng ki toâp tẽq án.

✧ **12:40** 12:40 Ê-sai 6:10

49 Cúq tở bữn atõng tễ ngê cúq bữm. Ma Mpoaq ca ón cúq toâq pở nâi, án toâp khoiq ón cúq atõng máh sãntoig cúq khoiq pai.

50 Cúq dáng máh ỏc án patâp tẽq yõn cũai bữn tamoon mantái. Ngkíq máh ỏc cúq pai, cúq pai puai sãntoig Mpoaq khoiq ón cúq pai.”

13

Yê-su Ariau Ayũng Tõp Rien Tễ Án

1 Noâng muoi tangái ẽn nõq cũai I-sarel cha sanhữ Tangái Loõh.* Tangái ki Yê-su dáng khoiq cheq ẽ toâq chơ tangái án pởq tễ cutẽq nâi cớp chu loah pở Mpoaq án. Án ayooq nheq tữh cũai tâng cớc cutẽq nâi ca bữn muoi mút cớp án. Án ayooq lứq alói toau sớtt clũiq.

2 Yê-su cớp tởp rien tễ án rôm cha pêt tabữ. Yiang Satan khoiq táq tâng mút pahõm Yuda, con samiang Si-môn I-cari-õt, yõn án chẻq chíq Yê-su.

3 Yê-su dáng Mpoaq án khoiq yõn án bữn chớc tẽq sớtt dũ ramứh. Cớp án dáng án toâq tễ Yiang Sursĩ, cớp cheq án ẽ chu loah pở Yiang Sursĩ.

4 Ngkíq Yê-su yuor tayũng tễ nõq án cha. Án tũot au tuar, cớp án ỉt khãn cuti catoân tâng ngkĩng.

5 Moâm ki Yê-su chớq dỡq tâng cuban, chơ tabỏq ariau ayũng tởp rien tễ án. Cớp án ỉt khãn cuti tễ ngkĩng án, chơ chut ayũng alói.

* **13:1** 13:1 Tangái ki alói sanhữ tangái Yiang Sursĩ chuai alói loõh tễ cruang Ê-yip-tỏ tễ mbỏq.

⁶ Tữ án toâq pỡ Si-môn Phi-er, chơ Phi-er blớh án neq: “Ncháu ơi! Ncháu ẽ ariau ayững cứq tỡ?”

⁷ Yê-su ta-õi án neq: “Mới tỡ bữn sapúh tẽ ranáq cứq táq sanua, ma ntun mới lứq dáng raloaih.”

⁸ Phi-er pai ẽn chók Yê-su neq: “Tỡ p̄ieiq mỗ Ncháu ariau ayững cứq.”

Ma Yê-su ta-õi án neq: “Khân cứq tỡ bữn ariau mới, mới tỡ bữn cõt muoi mút cốp cứq.”

⁹ Chơ Si-môn Phi-er pai neq: “Khân lứq ngkíq, Ncháu ơi, chõn ariau ớng ayững sâng. Ma ariau đếh atĩ cốp plỡ cứq hỡ!”

¹⁰ Yê-su pai chók án neq: “Cũai aléq khoiq mpoi đõq, nheq tỗ án khoiq bráh chơ. Moâm mpoi, cóq ariau loah ớng ayững sâng. Sanua anhia khoiq bráh chơ, ma noâng manoaq tẽ anhia tỡ bữn bráh.”

¹¹ Yê-su pai manoaq tẽ alóit tỡ bữn bráh, yuaq án khoiq dáng chơ cũai ẽ chếp án.

¹² Moâm Yê-su ariau ayững alóit, án sóp loah au tuar án, cốp án tacu loah bân ntốq án cha sĩa. Án blớh alóit neq: “Anhia sapúh ma tỡ, cứq táq ranáq nãi chók anhia?”

¹³ Anhia đõq cứq la Thâi cốp Ncháu. Lứq p̄ieiq anhia pai ngkíq. Lứq samoât cứq bữn bar ramúh ki.

¹⁴ Cứq la Ncháu anhia cốp Thâi anhia, ma cứq ariau ayững anhia. Ngkíq anhia cóq manoaq ariau ayững manoaq machóng ki tẽ.

¹⁵ Cứq táq đõq paryõng anhia yõn tẽq anhia táq machóng cứq khoiq táq yõn anhia.

16 Cúq atõng anhia samoât lúq, cũai sũl tở bữn toâr hữn tễ ncháu án, cớp cũai ranẽng tở bữn toâr hữn tễ cũai ca ón án pớq.

17 Khâu anhia dáng nheq ramứh nâi, cớp anhia puai samoât samoi, anhia bữn ớc bốn lúq.

18 Ma cúq tở bữn atõng tễ nheq tữh anhia. Cúq dáng máh cũai ca cúq khioq rườh. Ma lúq cõt rapĩoiq parnai Yiang Sursĩ khioq pai tễ mbốq neq:

‘Bữn manoaq ca cha đõi cớp cúq,

án ki cõt alia bar ploah ẽ táq cúq.’[☆]

19 “Sanua cúq atõng anhia bo ranáq nâi tở yũah toâq. Ma tữ ranáq nâi toâq, ngkĩq anhia tẽq sa-âm cúq la án ca pai ki.

20 Cúq atõng anhia samoât lúq, cũai aléq tamứng parnai cũai ca cúq ón pớq atõng, la machớng án tamứng parnai cúq tẽ. Cớp cũai aléq tamứng parnai cúq, la machớng án tamứng án ca ón cúq toâq tẽ.”

Yê-su Atõng Tễ Manoaq Ẽ Chếq Chĩq Án

(Mathia 26:20-25; Mac 14:17-21; Luca 22:21-23)

21 Moâm Yê-su pai ngkĩq, án sâng túh arức lúq tâng mút án. Chơ án pai neq: “Cúq atõng anhia samoât lúq, bữn manoaq tễ anhia ẽ chếq chíq cúq.”

22 Tốp rien tễ Yê-su, alói manoaq cloân manoaq. Cớp alói sâng dót lúq, tở dáng noau Yê-su pai.

[☆] **13:18** 13:18 Ừat Khẽn 41:9

23 Cúq ca ratoi lúq cóp Yê-su, cúq ốt tĩng Yê-su bo ki.†

24 Si-môn Phi-er cuvoiq cúq cóp ón cúq neq: “Mói blóh Yê-su, án atõng tẽ noau.”

25 Ngkíq cúq síc cheq Yê-su cóp pai neq: “Sẽq Ncháu atõng cũai ki la noau?”

26 Yê-su ta-õi neq: “Sanua cúq ẽ tóq muoi mẽng bẽng tâng tangan. Chơ cúq avơi pờ án ca ẽ chẻq cúq.”

Ngkíq Yê-su ỉt muoi mẽng bẽng. Án tóq bẽng tâng tangan, chơ án avơi yõn Yuda, con Si-môn I-cari-ôt.

27 Tủ Yuda roap bẽng ki, bo ki toáp yiang Satan mut tâng mút án. Chơ Yê-su atõng án neq: “Ranáq ntróu mới ẽ táq, ki mới táq chái!”

28 Mách cũai tacu cha ntóq ki, alóit tở bữn sapúh tẽ santoiq Yê-su pai chóq Yuda.

29 Bữn noau chanchóm Yê-su ón Yuda pờq chõng cớng sana, tở la pờq chuai cũai cadit, yuaq Yuda yõng práq chõng tâng tốp alóit.

30 Moâm Yuda roap bẽng ki, chơ án loõh toáp. Bo ki paloõng khoiq sadâu chơ.

Yê-su Yõn Muoi Ốc Patâp Tamái

31 Vót Yuda loõh, Yê-su pai neq: “Sanua noau bữn hữm chóc ang-ữr Con Yiang Cốt Cũai. Cóp noau lúq khẽn Yiang Sursĩ cũ nhơ tẽ Con án.

32 Khân noau khẽn chóc ang-ữr Yiang Sursĩ cũ nhơ tẽ Con án, machõng ki tê Yiang Sursĩ táq yõn

† 13:23 13:23 Toâp Yang pai tẽ tở án bữm, án tở bữn pai ‘Cúq’. Án pai ‘manoaq tẽ tốp rien tẽ Yê-su ca ratoi lúq cóp án’.

noau khễn chóc ang-ữr Con án cồ như tể Yiang Sursĩ. Cóp án táq yõn noau khễn án toáp.

³³ Mách con cứq ơ! Cứq ốt cóp anhia noâng bĩq tangái sâng. Lứq anhia chuaq cứq, ma cứq atõng anhia machóng cứq khoiq atõng cũai I-sarel chơ: ‘Anhia tở têq toáq pở ntốq cứq pởq.’

³⁴ Sanua cứq patáp anhia muoi ốc tamái ễn. Ốc nâi la neq: Cóc anhia manoaq ayooq manoaq. Machóng cứq khoiq ayooq anhia, ngkíq anhia cóq manoaq ayooq manoaq tê.

³⁵ Khân anhia manoaq ayooq manoaq, nheq tữh cũai lứq dáng anhia puai ngê cứq samoát samoi.”

³⁶ Si-môn Phi-er blóh Yê-su: “Ncháu ơ! Pở léq Ncháu ẽ pởq?”

Yê-su ta-õi án neq: “Ntốq cứq pởq, mới tở têq puai cứq sanua. Ma nữ-ra têq mới puai cứq.”

³⁷ Ngkíq Phi-er blóh ễn: “Ncháu ơ! Nỏq cứq tở têq puai Ncháu sanua? Cứq rơi chĩuq cuchĩt cóp Ncháu.”

³⁸ Ma Yê-su roap bỗq án neq: “Lứq samoát mới rơi chĩuq cuchĩt cóp cứq tở? Cứq atõng mới samoát lứq, nhũang ntruoì tở yũah tacar, lứq mới calõih cứq khoiq pái trở.”

14

Yê-su Atõng Tể Mpoaq Án

¹ Yê-su atõng ễn neq: “Anhia chõì sâng túh arúc tâng mút anhia. Sa-âm Yiang Sursĩ, cóp sa-âm cứq tê.

² Tâng đống Mpoaq cúq bữn sa-ũi ntốq ốt. Sanua cúq pởq thữan ntốq yỗn anhia ốt. Khân ốc nâi ma tở bữn p̄ieiq, cúq tở bữn atống ốc nâi yỗn anhia.

³ Moâm cúq pởq thữan ntốq yỗn anhia ốt, cúq lứq toâq loah cớp đưng anhia pởq ốt cớp cúq. Ntốq léq cúq ốt, anhia lứq ốt ntốq ki tê.

⁴ Anhia dáng chu léq cúq pởq, cớp anhia dáng chơ rana toâq pở ntốq ki.”

⁵ Ma Thô-mat blóh Yê-su neq: “Ncháu ơi! Hếq tở dáng chu léq Ncháu ẽ pởq. Nốq têq hếq dáng rana toâq pở ki?”

⁶ Yê-su ta-ôi án neq: “Cúq la rana pởq; cúq la ốc p̄ieiq; cớp cúq la ốc tamoong. Tở bữn noau têq toâq pở Mpoaq cúq, khân tở bữn toâq na cúq.

⁷ Khân anhia dáng cúq, lứq anhia dáng Mpoaq cúq tê. Ma tữ nâi chumát, anhia lứq dáng án, cớp anhia khoiq hữm án chơ.”

⁸ Phi-lip pai chốq Yê-su neq: “Sếq Ncháu apáh Mpoaq Ncháu yỗn hếq hữm án, la pég toâp.”

⁹ Yê-su ta-ôi án neq: “Phi-lip ơi! Cúq ốt cớp anhia khoiq đũn chơ, ma nốq mới noâng tở yũah dáng cúq? Cũai aléq hữm cúq, la machống án khoiq hữm Mpoaq cúq tê. Nốq mới sếq cúq apáh Mpoaq cúq yỗn anhia hữm án?

¹⁰ Nốq anhia tở bữn sa-âm cúq ốt muoi mút cớp Mpoaq, cớp Mpoaq ốt muoi mút cớp cúq? Mách parnai cúq atống anhia ki la tở cõn parnai tễ cúq bữm, ma lứq Mpoaq ca ốt muoi mút cớp cúq, án toâp táq máh ranáq nâi.

11 Cóg anhia sa-âm cừq bo cừq pai cừq ốt muoi mút cớp Mpoaq, cớp Mpoaq ốt muoi mút cớp cừq. Ma khân anhia tở êq sa-âm cớ ngkíq, cớq anhia sa-âm cừq cớ tể máh ranáq salêh cừq khoi q táq.

12 Cừq atớng anhia samoât lứq, cũai aléq sa-âm cừq, cũai ki lứq táq ranáq machớng cừq táq tê. Ma án lứq táq ranáq toâr clữi tể ki ên, yuaq sanua cừq chu pớ Mpoaq cừq.

13 Ốc ntróu anhia sêq nhơ ramứh cừq, lứq cừq yỗn anhia bữn ốc ki. Cừq táq ngkíq êq noau khêh chóc ang-ữr Mpoaq tâng paloớng cớ nhơ tể Con án.

14 Khân anhia sêq ốc ntróu nhơ ramứh cừq, lứq cừq yỗn anhia bữn ốc ki.”

Yê-su Ừq Yỗn Raviei Yiang Sursĩ

15 “Khân anhia ayooq cừq, cớq anhia trĩh nheq máh ốc cừq patáp.

16-17 Chơ cừq ể sêq tể Mpoaq cừq, cớp án yỗn anhia bữn Raviei lứq pĩei q níc. Raviei ki pláih cừq dỏq chuai anhia, cớp án ốt níc cớp anhia. Ma cũai aléq tở bữn sa-âm, cũai ki tở têq bữn Raviei nâi, yuaq alóí tở bữn saccoal cớp tở bữn dáng án. Ma anhia dáng án, yuaq án ốt níc nứng anhia, cớp án ốt tâng mút pahỏm anhia.

18 Cừq tở bữn táh anhia yỗn cớt riang con cumuiq. Cừq lứq toâq loah pớ anhia.

19 Noâng bĩq tangái sâng, máh cũai tâng đỏi nâi tở bữn hữm noâng cừq, ma lứq anhia hữm cừq. Cớ cừq tamoong, ngkíq nỡ-ra anhia tamoong tê.

²⁰ Toâq tangái ki anhia dáng samoât lứq cứq ốt muoi mút cốp Mpoaq cứq, cốp anhia ốt muoi mút cốp cứq machóng cứq ốt muoi mút cốp anhia.

²¹ “Cũai aléq roap ìt máh ốc cứq patâp, cốp trĩh máh ốc ki, cũai ki lứq ayooq cứq. Mpoaq cứq ayooq án ca ayooq cứq. Cứq ayooq án ki tê, cốp cứq apáh ngê cứq yỗn án dáng.”

²² Moâm Yê-su pai ngkiq, Yuda (Yuda nâi tở cõn Yuda I-cari-ôt) blóh Yê-su neq: “Ncháu ơi, cõ nõq Ncháu ẽ apáh ngê Ncháu yỗn ống hếq sâng, ma Ncháu tở bữn apáh yỗn máh cũai tâng dõi nâi dáng tê?”

²³ Yê-su ta-õi án neq: “Cũai aléq ayooq cứq, cũai ki trĩh nheq parnai cứq. Mpoaq cứq lứq ayooq án. Cứq cốp Mpoaq cứq toâq pở án cốp ốt níc cốp án.

²⁴ Ma cũai aléq tở bữn ayooq cứq, cũai ki tở bữn trĩh parnai cứq. Parnai anhia sâng sanua, parnai nâi la tở cõn parnai cứq, ma parnai nâi la parnai Mpoaq ca ớn cứq toâq pở nâi.

²⁵ “Cứq khoi q atõng nheq máh parnai nâi bo cứq noâng ốt cốp anhia.

²⁶ Ma Raviei Yiang Sursĩ, án ca Mpoaq cứq ớn toâq tang cứq đõq chuai anhia, Raviei ki atõng anhia túc ramứh; cốp án ẽ chuai anhia sanhữ nheq parnai cứq khoi q atõng anhia.

²⁷ Cứq yỗn anhia bữn ốc ien khẽ tâng mút pahõm anhia. Cứq yỗn anhia bữn ốc ien khẽ tẽ cứq bữm. Cứq tở bữn yỗn machóng cũai tâng dõi nâi yỗn. Anhia chõi yỗn mút pahõm anhia sâng túh arúc. Cốp anhia chõi ngcõh ntrứu.

28 Anhia khioq sâng chơ cứq pai cứq loõh tẽ anhia ma nữ pra cứq toâq loah pỡ anhia sĩa. Khân anhia ma ayooq cứq, ki anhia ỡn tê cứq chu pỡ Mpoaq cứq, yuaq Mpoaq cứq toâr clũi tẽ cứq.

29 Cứq atõng anhia nhũang bo ranáq nâi tỡ yũah toâq, đõq tangái léq án toâq, ngkíq anhia noap samoât samõi.

30 Cứq tỡ têq atõng sa-ũi noâng cớp anhia, yuaq yiang ca sớt tâng cớc cutẽq nâi, án cheq toâq chơ. Án ki tỡ bữn táq sớt cứq.

31 Ma cứq táq nheq ramứh nâi yõn nheq tữh cũai dáng samoât lứq la cứq ayooq Mpoaq cứq. Cớp cứq trĩh nheq ốc Mpoaq cứq khioq patáp cứq chơ. Sanua anhia yuor tayúng! Hái loõh tẽ ntốq nâi!”

15

Aluang Cớp Abẽng

1 Yê-su pai ẽn neq: “Cứq la voar pĩeiq lứq. Cớp Mpoaq cứq la án ca sama nưong.

2 Abẽng aléq ma tỡ bữn cõt palâi, án cứl táh chíq. Cớp abẽng aléq ma cõt palâi, án asa yõn bráh. Ngkíq abẽng ki cõt palâi sa-ũi lứq ẽn.

3 Anhia la bráh chơ cũ nhơ parnai cứq khioq atõng anhia.

4 Cớq anhia õt níc muoi mút cớp cứq, chơ cứq õt níc muoi mút cớp anhia. Khân abẽng aluang ma sacáh tẽ nỡm, abẽng ki tỡ têq cõt palâi. Machóng ki tê, khân anhia tỡ bữn õt níc muoi mút cớp cứq, anhia tỡ têq cõt palâi ntróu.

5 Cúq la voar. Anhia la abêng. Cũai aléq ốt níc muoi mút cốp cúq, cốp cúq ốt níc muoi mút cốp án, án lứq cõt palâi sa-ũi. Khân anhia sacáh tẽ cớq, anhia tở têq táq ntróu.

6 Cũai aléq ma tở bữn ốt níc muoi mút cốp cúq, cũai ki noau voang aloỏh, ariang noau voang abêng voar tê. Ngkíq abêng ki cõt khỏ. Chơ noau ỉt abêng ki sarpút tâng ũih yỏn cat nheq.

7 Khân anhia ốt níc muoi mút cốp cúq, cốp parnai cúq ốt níc tâng mút pahỏm anhia, ngkíq ốc ntróu anhia sễq, lứq anhia bữn ốc ki.

8 Khân anhia cõt sa-ũi palâi, ngkíq cũai canỏh dáng anhia lứq puai ngê cớq, cốp anhia apáh chóc ang-ũr tẽ Mpoaq cúq tê.

9 “Cúq ayooq anhia machỏng Mpoaq cúq ayooq cúq tê. Cớq anhia yỏng níc ốc ayooq tẽ cúq.

10 Khân anhia trỉh ốc cúq patập, anhia lứq yỏng níc ốc ayooq tẽ cúq, machỏng cúq trỉh nheq ốc Mpoaq cúq patập cốp yỏng níc ốc ayooq tẽ án.

11 Cúq khioq atỏng anhia chơ tẽ nheq máh ramứh nâi, đớq cúq yỏn anhia sâng bũi tâng mút pahỏm anhia, cốp yỏn anhia bữn moang ốc bũi sâng.

12 “Ốc cúq patập anhia la neq: Cớq anhia manoaq ayooq manoaq, machỏng cúq khioq ayooq anhia chơ.

13 Ốc ayooq toâr clũri nheq tẽ canỏh la bữn manoaq pláih rangứh án yỏn yỏu.

14 Anhia la yóu cúq, khân anhia trîh ốc cúq patâp.

15 Cúq tở bữn đợq noâng anhia la cũai táq ranáq, yuaq cũai táq ranáq tở bữn dáng ntróu ncháu án táq. Ma cúq đợq anhia la yóu cúq, yuaq cúq yỗn anhia dáng nheq máh ramứh cúq sâng tễ Mpoaq cúq.

16 Anhia tở bữn rươh cúq, ma cúq rươh anhia, cớp cúq chớh anhia đợq anhia pỡq cớp cốt palâi, palâi ki plot cớp chong béng lứq. Ngkíq ốc ntróu anhia sễq nhơ ramứh cúq, Mpoaq cúq lứq yỗn anhia bữn ốc ki.

17 Nâi la ốc cúq patâp anhia: Cóq anhia manoaq ayooq manoaq.”

Yê-su Pai Cũai Tânq Dỡi Kêk Tỗp Puaí Án

18 “Khân cũai tânq dỡi ma kêk anhia, cóq anhia dáng alóí khoi q kêk cúq nhũang anhia.

19 Khân anhia pruam parnoi cớp cũai tânq dỡi, alóí lứq ayooq anhia máh sễm ai tê. Ma cúq khoi q rươh anhia tễ alóí. Cớp anhia tở bữn pruam noâng cớp alóí. Yuaq ngkíq alóí kêk anhia.

20 Cóq anhia sanhữ parnai cúq khoi q atỡng anhia neq: ‘Cũai sũl tở bữn toâr hỡn tễ ncháu án.’ Khân alóí khoi q táq cúq, alóí lứq táq anhia tê. Khân alóí tamứng parnai cúq, alóí lứq tamứng parnai anhia tê.

21 Alóí ễ táq máh ranáq nâi chớq anhia la cỗ tian cúq, yuaq alóí tở bữn dáng án ca ớn cúq toâq.

22 Khân cứq tở bữn toâq atỡng alói, ki alói tở bữn dáng alói bữn lôih. Ma sanua alói tở têq suon pai alói tở bữn bữn lôih.

23 Cũai aléq kêt cứq, lứq án kêt Mpoaq cứq tê.

24 Khân cứq tở bữn táq máh ranáq yỗn cũai canõh ca tở têq táq, ki alói tở bữn dáng alói bữn lôih. Ma sanua alói khoiq hữm chơ máh ranáq ki, ma noâng alói kêt cứq cốp kêt Mpoaq cứq hỡ.

25 Ma ranáq nâi lứq cõt rapĩeq máh parnai Yiang Sursĩ khoiq pai tễ mbốq neq:
'Cứq tở bữn táq lôih ntróu,
ma alói chống kêt cứq.'☆

26 "Nỡ-ra án ca cứq ớn toâq pỡ anhia, lứq án toâq tễ Mpoaq cứq. Án la Raviei pĩeq níc, cốp án atỡng tễ cứq.

27 Ma anhia cóq atỡng tễ cứq tê, yuaq anhia khoiq ốt cốp cứq tễ dâu chơ."

16

Yê-su Atỡng Tễ Raviei Yiang Sursĩ

1 "Cứq atỡng anhia nheq máh ramứh nâi đốq anhia tở bữn sapúl.

2 Nỡ-ra cũai I-sarel lứq tuih aloõh anhia tễ đốq sang alói. Cốp tangái ki noau cachĩt anhia, yuaq alói chanchóm alói táq ranáq Yiang Sursĩ tê.

3 Alói táq ngkĩq cõ alói tở bữn dáng Mpoaq cứq, cốp alói tở bữn dáng cứq hỡ.

4 Cứq khoiq atỡng anhia máh ramứh nâi, đốq tữ ramứh ki toâq, ki anhia sanhữ cứq khoiq

☆ 15:25 15:25 ũat Khẽn 35:19; 69:4

atõng anhia chơ. Tẽ nhũang cứq tỡ bữn túh atõng anhia máh ramứh nâi, yuaq cứq noâng ốt cớp anhia.

⁵ “Ma sanua cứq lứq chu loah pỡ án ca ớn cứq toâq pỡ nâi, ma tỡ bữn noau tẽ anhia blớh cứq neq: ‘Pỡ léq thâi pỡq?’

⁶ Ma cớ cứq khoiạ atõng anhia máh ramứh nâi, ngkíq anhia sâng túh ngua lứq.

⁷ Ma sanua cứq atõng anhia lứq p̄ieiq, cớ cứq pỡq tẽ anhia, lứq cõt kia yõn anhia. Khân cứq tỡ bữn loõh tẽ anhia, án ca chuai anhia tỡ têq toâq pỡ anhia. Ma khân cứq pỡq, cứq ớn án toâq pỡ anhia.

⁸ Tữ án toâq, án atõng nheq tữh cũai yõn dáng samoât lứq tẽ ốc lôih, tẽ ốc tanoang o, cớp tẽ ốc rasữq.

⁹ Án atõng tẽ ốc lôih, yuaq cũai tỡ bữn sa-âm cứq.

¹⁰ Án atõng tẽ ốc tanoang o, yuaq cứq chu pỡ Mpoaq cứq, cớp anhia tỡ bữn hữm noâng cứq.

¹¹ Án atõng tẽ ốc rasữq, yuaq Yiang Sursĩ khoiạ sữq chơ yiang ca sốt tâng cốc cutểq nâi, cớp yiang ki khoiạ roap tột.

¹² “Noâng bữn sa-ữi ốc cứq ẽ atõng anhia, ma ốc ki ntâng lứq; anhia tỡ rơi mỗ.

¹³ Ma tữ toâq Raviei Ca P̄ieiq Lứq, án ayông anhia yõn dáng nheq tẽ máh ốc p̄ieiq. Án tỡ bữn atõng tẽ ngê án bữm, ma án atõng anhia tẽ máh ốc án khoiạ sâng. Cớp án atõng anhia tẽ máh ốc ca tỡ yũah toâq hỡ.

14 Án ẽ apáh chóc ang-ũr tẽ cúq, yuaq án ãt tẽ sãtoiq cúq, chơ án atõng loah yõn anhia.

15 Nheq máh mun Mpoaq cúq la khong cúq tẽ. Ngkíq tẽq cúq pai Raviei Yiang Sursĩ ãt sãtoiq cúq, chơ atõng loah yõn anhia.”

Yê-su Atõng Tẽ Ốc Ngua Cõt Loah Ốc Bũi Ẽn

16 “Tõ bũn dũn noâng, anhia tõ bũn hũm noâng cúq. Chơ noap tẽ tangái ki, tõ bũn dũn noâng, anhia hũm loah cúq.”

17 Tõp rien tẽ Yê-su manoaq blóh manoaq neq: “Ốc ntróu toáp án atõng hái? Án pai neq: ‘Tõ bũn dũn noâng anhia tõ bũn hũm noâng cúq; chơ noap tẽ tangái ki, tõ bũn dũn noâng, anhia hũm loah cúq.’ Cóp án pai: ‘Yuaq cúq põq chu Mpoaq cúq.’

18 Cóp ntróu án pai: ‘Tõ bũn dũn noâng’? Hái tõ bũn dáng ốc ntróu án atõng yõn hái sanua.”

19 Yê-su khoiq dáng mút alói yoc ẽ blóh án. Ngkíq án atõng alói neq: “Cúq khoiq atõng anhia neq: Tõ bũn dũn noâng anhia tõ bũn hũm noâng cúq. Chơ noap tẽ tangái ki tõ bũn dũn noâng anhia hũm loah cúq. Nõq anhia manoaq blóh manoaq tẽ ốc nãi?

20 Cúq atõng anhia samoât lứq, nõ pra anhia nhiam cóp anhia sâng ngua lứq, ma máh cũai tâng dõi sâng bũi hõr lứq. Anhia lứq sâng ngua, ma ốc ngua ki lêq loah yõn anhia cõt bũi hõr ẽn.

21 Ranác nãi la ariang mansẽm sết con. Bo ki án sâng a-ĩ lứq, yuaq khoiq toáp khuop cumo chơ. Ma moâm án sết con, án tõ bũn sanhũ

noâng máh ốc án chĩuq túh coat ki, yuaq án sâng bũi lứq án sết con tâng dõĩ nâi.

²² Anhia la machớng ki tê. Sanua anhia sâng ngua lứq, ma nõ pra cứq hũm loah anhia. Tangái ki anhia sâng bũi hỡr loah, cớp tỡ bữn noau tẻq ỉt ốc bũi ki tê anhia.

²³ Tâng tangái ki, anhia tỡ bữn blớh muoi ốc ntrớu noâng tẻ cứq. Cứq atớng anhia samoât lứq, Mpoaq cứq yỗn anhia bữn ốc ntrớu anhia sẻq nhớ ramứh cứq.

²⁴ Toau sanua anhia tỡ nai sẻq ntrớu yũah nhớ ramứh cứq. Cớq anhia sẻq, ki anhia bữn, dỏq anhia bữn moang ốc bũi sâng tâng mút pahỡm anhia.

²⁵ “Cứq khoiқ atớng anhia máh ốc nâi toâq parnai sacâm. Ma nõ-ra cứq tỡ bữn atớng noâng toâq parnai sacâm. Tangái ki cứq atớng raloaih lứq yỗn anhia dáng tẻ Mpoaq cứq.

²⁶ Tâng tangái ki, anhia ẻ sẻq nhớ tẻ ramứh cứq. Cứq tỡ bữn pai cứq sẻq tẻ Mpoaq cứq yỗn anhia,

²⁷ yuaq Mpoaq cứq ayooq anhia tê, cớ anhia khoiқ ayooq cứq, cớp cớ anhia noap cứq lứq toâq tẻ Yiang Sursĩ.

²⁸ Tẻ nhũang cứq loỏh tẻ Mpoaq cứq, chớ cứq toâq pỡ cốc cutẻq nâi. Sanua cứq loỏh tẻ cốc cutẻq nâi, cớp chu loah pỡ Mpoaq cứq.”

²⁹ Moâm Yê-su pai ngkíq, tốp rien tẻ án pai neq: “Sanua thâi atớng raloaih lứq. Thâi tỡ bữn atớng noâng toâq parnai sacâm.

³⁰ Sanua hếq dáng chơ thái dáng dũ ramứh, cớp tở bữn túh noau blóh noàng tể thái. Yuaq ngkíq, hếq sa-âm thái lứq toàq tể Yiang Sursĩ.”

³¹ Yê-su roap bỗq alóí neq: “Sanua, lứq anhia sa-âm tở?”

³² Cheq ẽ toàq ngư chơ anhia miar pláh chu loah đống anhia. Anhia lứq táh cứq yỗn ốt manoaq sâng. Ma lứq cứq tở bữn ốt manoaq, yuaq Mpoaq cứq ốt níc cớp cứq. Ma ngư ki khoiq toàq chơ.

³³ Cứq khoiq atờng anhia chơ tể máh ốc nâi, đốq anhia bữn ốc ien khẽ cỗ anhia ốt muoi mứt cớp cứq. Tâng đõi nâi, lứq anhia ramóh sa-ữi ramứh túh coat. Ma cớq anhia ốt sabóng o! Cứq khoiq riap chơ đõi nâi!”

17

Yê-su Sếq Tể Mpoaq

¹ Moâm Yê-su pai ngkíq, án tapoang achõn chu paloõng cớp án câu neq: “Mpoaq oí! Ngư cứq toàq chơ. Sanua cứq sếq mới apáh chóc ang-ữr cứq yỗn máh cũai dáng, đốq cứq Con têq apáh loah chóc ang-ữr mới.

² Mới khoiq yỗn cứq Con bữn sốt dũ náq cũai. Ngkíq têq cứq yỗn máh cũai ca mới khoiq chiau yỗn cứq bữn tamoong mantái.

³ Ốc tamoong mantái la neq: Cũai bữn dáng mới. Ông mới toập la Yiang p̄ieiq lứq. Cớp alóí bữn dáng Yê-su Crít, án ca mới khoiq ốn toàq p̄ cutểq nâi.

4 Cúq khioq apáh chơ chóc ang-ữr mới tâng cốc cutêq nâi. Cóp cúq khioq táq moâm nehq máh ranáq mới ớn cúq táq.

5 Mpoaq ơi, sanua cúq chu ốt loah cóp mới. Cúq sêq mới yỗn cúq bữn chóc ang-ữr ốt cóp mới, machóng cúq khioq bữn tễ nhũang mới tở yũah tễng cốc cutêq nâi.

6 “Máh cũai mới khioq chiau yỗn cúq bữn tâng dời nâi, cúq khioq atõng alóí tễ mới. Alóí la cũai mới; mới khioq chiau alóí yỗn cúq. Cóp alóí khioq trĩh máh parnai mới.

7 Sanua alóí dáng samoât lứq, máh ramứh mới khioq yỗn cúq la toâq nehq tễ mới.

8 Yuaq cúq khioq atõng alóí chơ máh parnai mới khioq atõng cúq; cóp alóí khioq roap ít máh parnai ki. Alóí dáng samoât lứq cúq toâq tễ mới, cóp alóí noap samoât lứq mới khioq ớn cúq toâq pữ nâi.

9 “Cúq câu sêq yỗn alóí ki. Cúq tở bữn câu sêq yỗn cũai tâng dời nâi, ma cúq câu sêq yỗn alóí ca mới khioq chiau yỗn cúq, yuaq alóí ki lứq cũai mới.

10 Nehq máh mun cúq la mun mới tê, cóp nehq tữh mun mới la mun cúq tê. Máh cũai lứq bữn khễn chóc ang-ữr cúq cõ nhơ tễ alóí ki puai ngê cúq.

11 Cúq tở bữn ốt noâng tâng cốc cutêq nâi. Ma alóí noâng ốt tâng cutêq nâi. Cóp cúq chu loah pữ mới. Mpoaq ơi, mới la bráh o lứq! Cúq sêq mới kĩaq pasêq alóí nhơ chóc tễ ramứh mới, la

ramúh mới khoiq yǎn pǝ cúq. Sǝq mới táq ngkiq đǝq alói têq ǝt muoi mút, machóng hái tê.

12 Bo cúq ǝt cóp alói, cúq kĩaq paséq alói cǝ như chóc tǝ ramúh mới, la ramúh mới khoiq yǎn pǝ cúq. Cúq khoiq kĩaq alói, ma pút ǝng manoaq sâng. Cũai canǝh tǝ bǝn noau pút mǝ. Án ca pút la án ǝ pǝq chu pǝng sarloac, đǝq cǝt rapǝiq parnai Yiang Sursǝ atǝng tǝ mbǝq.

13 “Sanua cúq ntǝm chu loah pǝ mới. Ma cúq atǝng nheq máh ramúh nǝi bo cúq noâng ǝt tâng dǝi nǝi, đǝq máh cũai nǝi bǝn moang ǝc bǝi tǝ cúq tâng mút pahǝm alói.

14 Cúq khoiq atǝng chǝ parnai mới yǎn alói. Pân ngkiq cũai tâng dǝi nǝi ma kêt alói, yuaq alói tǝ bǝn puai ngê tâng dǝi nǝi, machóng cúq tǝ bǝn puai ngê tâng dǝi nǝi tê.

15 Cúq tǝ bǝn sǝq mới đǝng alói yǎn loǝh tǝ dǝi nǝi, ma cúq sǝq mới kĩaq paséq alói, yǎn alói têq vót tǝ atǝ yiang ca sǝt máh yiang sǝuq.

16 Alói tǝ bǝn puai ngê tâng dǝi nǝi machóng cúq tǝ bǝn puai ngê tâng dǝi nǝi tê.

17 Parnai mới la pǝiq lǝq. Cúq sǝq mới cayoah alói tǝ cũai tâng dǝi nǝi toáq parnai pǝiq lǝq tǝ mới.

18 Mới khoiq ǝn cúq toáq pǝ cũai tâng dǝi nǝi; machóng ki tê cúq ǝn alói ca puai cúq pǝq chu máh cũai tâng dǝi nǝi.

19 Cúq chǝng cayoah bǝm tǝ ngê tâng dǝi nǝi đǝq cúq ǝt muoi mút cóp mới. Cúq táq ngkiq đǝq alói ca puai cúq têq cayoah tǝ ranáq tâng dǝi nǝi, chǝ alói têq ǝt muoi mút cóp mới.

20 “Cứq tở bữn sễq yỗn ống alóí nài sâng. Ma cứq sễq yỗn nheq tữh cũai ca sa-âm cứq cồ nhe tễ parnai alóí atỡng.

21 Cứq sễq yỗn nheq tữh alóí ốt muoi mút sâng, machống mới ốt muoi mút cớp cứq, cớp cứq ốt muoi mút cớp mới. Cớp cứq sễq mới yỗn alóí ốt muoi mút cớp hái tê, đợq yỗn máh cũai tâng đõi nài têq noap samoât lứq mới khoiq ớn cứq toâq.

22 Cứq khoiq yỗn alóí bữn chóc ang-ữr machống mới khoiq yỗn cứq chơ, đợq alóí têq ốt muoi mút machống hái tê.

23 Cứq ốt muoi mút cớp alóí, cớp mới ốt muoi mút cớp cứq. Ngkíq đợq nheq tữh alóí ốt muoi mút tê, yỗn máh cũai tâng đõi nài dáng samoât lứq mới khoiq ớn cứq toâq pở nài, cớp yỗn alóí dáng mới ayooq alóí machống mới ayooq cứq tê.

24 “Mpoaq ơi! Máh cũai mới khoiq chiau yỗn cứq, ntốq léq cứq ốt, cứq yoc alóí ốt ntốq ki tê. Ngkíq alóí têq hữm chóc ang-ữr cứq, la chóc mới khoiq yỗn cứq bữn yuaq mới ayooq cứq tễ nhũang mới tở yũah tễng paloong cutễq.

25 Mpoaq ơi! Mới la tanoang o lứq. Cũai tâng đõi nài tở bữn dáng mới. Ma cứq dáng mới, cớp alóí ca puai cứq dáng mới khoiq ớn cứq toâq.

26 Cứq khoiq atỡng yỗn alóí dáng mới. Cớp tễ nài chumát, cứq ễ atỡng ễn ốc nài đợq mới têq ayooq alóí machống mới khoiq ayooq cứq chơ, cớp yỗn cứq têq ốt muoi mút níc cớp alóí.”

18

Noau Cốp Yê-su

(Mathia 26:47-56; Mac 14:43-50; Luca 22:47-53)

¹ Moâm Yê-su câu ngkiq, chơ án cốp tốp rien tể án loõh tể ntốq ki, chơ alóí yang yáng tooh tũm Ki-trôn. Bân ntốq ki bữn nưong; chơ Yê-su cốp tốp rien tể án mut tâng nưong ki.

² Yuda, án ca chềq Yê-su, án dáng chơ ntốq ki, yuaq Yê-su đốq rôm ngki cốp tốp rien tể án.

³ Ngkiq Yuda ayông muoi tốp tahan, cốp máh cũai ranẽng tể tốp sốt cũai tẽng rit sang Yiang Sursĩ cốp cũai Pha-rasi, dũng alóí toâq pữ nưong ki. Alóí ayẽq crơng choac, chóp tóu, cốp aroam.

⁴ Yê-su khiq dáng chơ máh ranáq ẽ toâq pữ án. Ngkiq án loõh blóh alóí ki: “Anhia chuaq noau?”

⁵ Alóí ta-õi: “Hếq chuaq Yê-su, án ca tể vil Na-sarết.”

Yê-su ta-õi loah alóí: “Cứq nâi la án ki.”

Yuda ca chềq Yê-su, ốt tayúng parnơi cốp máh cũai ki.

⁶ Từ Yê-su ta-õi alóí neq: “Cứq nâi la án ki,” ngkiq tốp alóí ca ẽ cốp Yê-su lúh lalín cốp taliang dóm tâng cutẽq.

⁷ Chơ Yê-su blóh loah alóí neq: “Noau anhia chuaq?”

Alóí ta-õi loah neq: “Hếq chuaq Yê-su, án ca tể vil Na-sarết.”

⁸ Yê-su ta-õi loah alóí neq: “Cứq khiq atõng anhia chơ, cứq nâi la án. Khân anhia chuaq cứq, anhia yõn máh cũai nâi pữq nheq voai.”

⁹ Yê-su pai ọc ki yỗn cõt rapĩeiq santoiq án khoiq pai tễ nhũang neq: “Mpoaq ơi, cứq tở bữn táq pút manoaq aléq tễ alóí ca mới khoiq chiau yỗn cứq.”

¹⁰ Si-môn Phi-er bữn muoi pla dau. Án thot dau tễ sor, chơ tráh sũl cũai sốt nheq tễ rit sang Yiang Sursĩ, cốp ta-õh chíq cutữ coah atoam. Ramứh cũai sũl ki la Mal-chu.

¹¹ Yê-su ớn Phi-er neq: “Mới chọq loah dau mới tâng sor! Sanua cứq cốp nguaiq tễ cachoc Mpoaq cứq yỗn cứq nguaiq.”*

Yê-su Ớt Yáng Moat An-na

¹² Bo ki tốp tahan cốp cũai sốt tahan, dếh máh ranễng cũai sốt tễ tốp I-sarel, nheq alóí ki cốp Yê-su; chơ chốq án.

¹³ Alóí dững Yê-su pữ An-na, yacũn Cai-pha. Tâng cumo ki Cai-pha sốt nheq tễ rit sang Yiang Sursĩ.

¹⁴ Cai-pha la cũai atỡng tốp I-sarel tễ nhũang, neq: “Khaq hái yỗn manoaq nâi cuchĩt, saláng nheq máh cũai hái cuchĩt.”

Phi-er Calõih Yê-su

(*Mathia 26:69-70; Mac 14:66-68; Luca 22:55-57*)

¹⁵ Si-môn Phi-er cốp manoaq ễn tốp rien tễ Yê-su,† alóí bar náq puai Yê-su. Án ca sốt nheq tễ rit sang Yiang Sursĩ, án saccoal manoaq ki. Ngkíq

* **18:11** 18:11 Tữ án pai ‘nguaiq tễ cachoc’, Yê-su sacâm án cóq chũuq ọc túh coat samoat Mpoaq yỗn án chũuq. † **18:15** 18:15 Toâq Yang pai ‘manoaq ễn tễ tốp rien tễ Yê-su’, án pai tễ tở án bữm.

án bữn mut parnoi cốp Yê-su tâng nchõh mpễr đống cũai sốt nheq tễ rit sang.

16 Ma Phi-er ốt yáng tiah ngoah toong. Ngkíq manoaq ca sarcoal cốp cũai sốt nheq tễ rit sang, án pít loh pỡ ngoah toong, cốp án sẽq tễ mansẽm kĩaq toong yõn Phi-er mut tê.

17 Mansẽm ca kĩaq toong blóh Phi-er neq: “Mới la tốp rien tễ cũai ki tỡ?”

Phi-er ta-õi: “Cứq tỡ cõn tễ tốp ki.”

18 Máh cũai táq ranáq cốp cũai tahan ốt ntốq ki, alóí sâng sangết. Ngkíq alóí nhúq ùih cốp nghẽng. Phi-er tayúng nghẽng ùih parnoi cốp alóí tê.

*Án Ca Sốt Nheq Tễ Rit Sang Blóh Yê-su
(Mathia 26:59-66; Mac 14:55-64; Luca 22:66-71)*

19 Án ca sốt nheq tễ rit sang Yiang Sursĩ blóh Yê-su tễ tốp rien tễ án, cốp tễ parnai án atõng.

20 Yê-su ta-õi neq: “Cứq khiq atõng raloaih lứq yõn nheq tữh cũai dáng. Cứq atõng níc tâng đống sang cót cốp tâng Đống Sang Toâr pỡ ntốq nheq tữh cũai I-sarel đốq rôm. Cứq tỡ bữn cutooq muoi ốc ntróu tễ máh ốc cứq atõng.

21 Nốq anhia blóh cứq? Pĩeiq lứq la anhia blóh alóí ca khiq sâng parnai cứq atõng. Lứq alóí dáng ntróu cứq khiq atõng.”

22 Moâm Yê-su pai ngkíq, manoaq ranẽng cũai sốt ki tapáh Yê-su cốp pai neq: “Nốq mới pai ngkíq chóc cũai ndõm nheq tễ rit sang Yiang Sursĩ?”

²³ Yê-su ta-õi án neq: “Khân cứq pai tở p̄ieiq, ki s̄ẽq mới atõng cứq. Ma khân cứq pai p̄ieiq, nõq mới tapáh cứq?”

²⁴ Moâm ki An-na ớn noau dững Yê-su pở Cai-pha, án ca sốt nheq tẽ rit sang Yiang Sursĩ. Ma Yê-su, noâng alỏi chỏq.

*Phi-er Pai Sĩa Án Tở Dáng Yê-su
(Mathia 26:71-75; Mac 14:69-72; Luca 22:58-62)*

²⁵ Phi-er noâng tayúng nghẽng ùih. Bữn cũai blớh Phi-er: “Mới la tốp rien tẽ án ki tở?”

Phi-er calõih Yê-su, pai neq: “Cứq tở cõn tẽ tốp án.”

²⁶ Bữn manoaq sũl cũai sốt nheq tẽ rit sang Yiang Sursĩ ớt ntốq ki tê. Án la sẽm ai cớp cũai ca Phi-er khoiq tránh cutữ. Án blớh Phi-er neq: “Lứq ma tở, cứq khoiq hữm mới tâng nưong cớp án ki?”

²⁷ Ma Phi-er calõih sĩa Yê-su. Bo ki toáp ntruoi tacar.

Yê-su Ớt Yáng Moat Phi-lat

(Mathia 27:1-2, 11-14; Mac 15:1-5; Luca 23:1-5)

²⁸ Chơ tarựp ẽn, noâng cláih lứq, alỏi dững Yê-su tẽ dõng Cai-pha toáq pở ntốq noau dỏq rasữq cũai. Ma máh cũai I-sarel tở ẽq mut tâng ntốq noau rasữq ki, yuaq alỏi tân khân alỏi mut tâng ki nhũang alỏi tở yũah cha sanhữ Tangái Loõh.‡

²⁹ Cỗ tốp I-sarel tở ẽq mut chu ntốq noau rasữq, ngkíq Phi-lat, la cũai sốt ntốq ki, loõh chu alỏi.

‡ **18:28** 18:28 Tangái ki alỏi sanhữ tangái Yiang Sursĩ chuai alỏi loõh tẽ cruang Ê-yip-tô tẽ mbỏq.

Án blóh alóí neq: “Cỗ ranáq ntróu anhia cauq cũai nâi?”

³⁰ Alóí ta-õi neq: “Khân án tở bữn táq pampla, ki hếq tở bữn dững án pở achuaih.”

³¹ Phi-lat atỡng alóí neq: “Cóq anhia dững achu loah án; chơ anhia táq án puai rit anhia bữm.”

Ma cũai I-sarel ki ta-õi neq: “Hếq noau tở yỗn bữn chóc cachĩt cũai.”

³² Ngkíq cõt rapĩeiq satoiq Yê-su khoiq atỡng tễ nhũang chơ. Án khoiq atỡng na ntróu án cóq cuchĩt.

³³ Vót ki Phi-lat mut loah chu đồng, cốp án arô Yê-su. Án blóh Yê-su neq: “Mới la lứq puo tốp I-sarel tở?”

³⁴ Yê-su blóh loah án neq: “Ốc nâi mới chống ẽ blóh, tở la cũai canõh atỡng mới dáng tễ cứq?”

³⁵ Phi-lat ta-õi neq: “Mồ têq cứq dáng! Cứq tở cõn tễ tốp I-sarel. Cũai mới cốp cũai sốt rit sang cruang mới, alóí ki dững mới toáq pở cứq. Ntróu toáp mới táq lỏih?”

³⁶ Yê-su ta-õi loah neq: “Cứq cõt sốt la tở bữn tâng dõi nâi. Khân cứq cõt sốt tâng dõi nâi, ki proai cứq chĩl loah tốp I-sarel, tở yỗn alóí bữn cốp cứq. Ma chóc cứq la tở cõn tâng dõi nâi.”

³⁷ Phi-lat blóh loah: “Ngkíq mới la lứq puo tở?”

Yê-su ta-õi neq: “Lứq pĩeiq ariang mới pai, cứq la puo. Cứq cõt cũai tâng dõi nâi cõ yoc atỡng tễ ốc pĩeiq. Cũai aléq bữn muoi mút cốp ốc pĩeiq, cũai ki lứq tamứng parnai cứq.”

³⁸ Phi-lat blóh loah: “Ntróu la ốc pĩeiq?”

Moâm Phi-lat pai ngíq, án loõh tẽ dõng cõp toâq loah põ cũai I-sarel. Án atõng alóí neq: “Cứq tỡ bữn ramóh muoi ớc lờih ntróu tẽ án.

³⁹ Ma toâq tangái anhia cha sanhữ Tangái Loõh, anhia bữn rit ruoh manoaq tẽ máh cũai tũ yõn cứq acláh. Ngíq anhia ẽq cứq acláh puo tộp I-sarel tỡ?”

⁴⁰ Alóí roap bõq Phi-lat casang lứq: “Chõỉ acláh án! Acláh Ba-raba!”

Ba-raba nâi la cũai tẽ tộp ẽ cheng sớt.

19

Phi-lat Chiau Loah Yê-su Põ Atĩ Cũai I-sarel

¹ Moâm ki Phi-lat arô loah Yê-su, chơ án ớn noau proaih Yê-su.

² Tộp tahan táq carvang sarlia apưng tâng plõ Yê-su, cõp alóí asóp án au tuar santúm ẽng.

³ Chơ alóí toâq cheq án cõp ayê án pai neq: “Cucõh noau casai puo I-sarel!” Alóí tapáh án hõ.

⁴ Phi-lat loõh loah sĩa chu cũai I-sarel, cõp án atõng alóí neq: “Nâi! Cứq dững aloõh cũai nâi põ anhia, yõn anhia dáng raloaih cứq tỡ bữn ramóh muoi ớc lờih ntróu tẽ án.”

⁵ Tữ Yê-su loõh, án noâng tapưng carvang sarlia, cõp sóp au tuar ẽng. Phi-lat atõng máh cũai chững ki neq: “Nâi! Anhia nhèng cũai nâi!”

⁶ Tữ máh cũai sớt tộp tẽng rit sang Yiang Sursĩ, cõp ranẽng tẽ dõng sang hữm Yê-su, nheq tữh alóí pai casang lứq neq: “Téh án tâng aluang sangcáng! Téh án tâng aluang sangcáng!”

Ma Phi-lat pai chók alói neq: “Âu anhia dững cốp téh án tâng aluang sangcáng! Ma cúq tở bữn ramóh muoi ọc lôih ntróu tể án!”

⁷ Tộp I-sarel ta-õi loah neq: “Puai phễp rit hếq, án cóq cuchĩt, yuaq án pai án la Con Yiang Sursĩ.”

⁸ Tữ Phi-lat sâng santoiq ki, án croỏq lứq.

⁹ Chơ án mut loah tâng đống rasữq, cốp án blóh Yê-su neq: “Tể léq mới toâq?”

Ma Yê-su tở bữn ta-õi ntróu.

¹⁰ Phi-lat pai neq: “Nỏq mới tở bữn ta-õi cúq? Mới dáng ma tở bữn, cúq bữn chóc têq acláh mới, tở la téh mới tâng aluang sangcáng?”

¹¹ Yê-su ta-õi án neq: “Khân Yiang Sursĩ tở bữn yỗn, lứq mới tở têq táq ntróu chók cúq. Ngkíq, cũai ca dững cúq pở mới, án ki bữn ọc lôih hỡn tể mới.”

¹² Toâq Phi-lat sâng ngkíq, án chuaq ngê yoc ễ acláh Yê-su. Ma cũai I-sarel pai casang lứq sĩa neq: “Khân achuaih acláh cũai nãi, achuaih tở bữn ratoi noâng cốp puo Rô-ma. Cũai aléq ngin án la puo, la samoát án chíl puo Rô-ma chơ.”

¹³ Tữ Phi-lat sâng ngkíq, án dững aloỏh Yê-su cốp án tacu tâng cachơng noau rasữq. Cachơng ki ớt tâng ntốq noau đốq Nchỏh Tamáu, ma tâng parnai I-sarel noau đốq Ca-batha.

¹⁴ Bo ki cheq mandang cuvõ toâng tâng tangái cũai I-sarel thrũan cha sanhữ Tangái Loỏh.* Phi-lat atống cũai I-sarel: “Nãi la puo anhia!”

* **19:14** 19:14 Tangái ki alói sanhữ tangái Yiang Sursĩ chuai alói loỏh tể cruang Ê-yip-tỏ tể mbốq.

15 Ma máh cūai ki pai casang lúq neq: “Hếq tở ểq án! Téh chíq án tâng aluang sangcáng!”

Phi-lat blóh alóí sĩa: “Anhia yoc cứq téh puo anhia tâng aluang sangcáng tở?”

Ma alóí ca sốt tốp tểng rit sang Yiang Sursĩ ta-đi neq: “Án tở cởn puo hếq! Puo hếq la ống puo Rô-ma sâng!”

16 Moâm ki Phi-lat chiau Yê-su pở atĩ alóí yỗn téh án tâng aluang sangcáng. Chơ alóí đứng aloỏh Yê-su tể ntốq ki.

Alóí Téh Yê-su Tâng Aluang Sangcáng

(Mathia 27:32-44; Mac 15:21-32; Luca 23:26-43)

17 Bo alóí đứng aloỏh Yê-su tể vil, alóí yỗn án đỏi bữm aluang sangcáng án. Án toâq pở ntốq noau đởq Ntốq Nghang Cantar Plờ. Tâng parnai I-sarel noau đởq ntốq ki la Cô-cô-tha.

18 Tâng ntốq ki noau téh Yê-su tâng aluang sangcáng. Cóp bữn bar náq cūai canỏh noau téh ngki tê, manoaq muoi coah aveh Yê-su. Yê-su ốt mpứng dĩ bar náq ki.

19 Phi-lat chĩc tâng muoi khlểc pian, chơ án téh ayống khlểc ki tâng aluang sangcáng Yê-su. Án chĩc neq tâng khlểc ki: “YÊ-SU, CŨAI TỂ VIL NA-SARỄT. ÁN LA PUO CŨAI I-SAREL.”

20 Chứng lứq cūai I-sarel doc chữq tâng khlểc ki, yuaq ntốq alóí cachĩt Yê-su la cheq vil. Cóp noau khioq chĩc tâng khlểc ki toâq pái parnai: parnai I-sarel, parnai Rô-ma, cóp parnai Créc.

21 Ma máh cūai sốt tốp tểng rit sang Yiang Sursĩ tể tốp I-sarel, alóí atởng Phi-lat neq: “Achuaih

chõih chĩc ‘án la Puo Cũai I-sarel.’ Pĩeiq lĩq achuaih chĩc ‘án chõng pai bũm án la puo cũai I-sarel.’ ”

²² Ma Phi-lat pai loah chõq alõih neq: “Cũq khoiq chĩc moâm chơ parnai nãi. Cũq tở ẽq atũc noâng.”

²³ Vót máh tahan téh Yê-su tâng aluang sangcáng, alõih ãt tampác án, cõp alõih tampẽq põn pún, manoaq muoi pún. Alõih ãt au tuar Yê-su hữ. Au nãi noau tan muoi sãiq sâng, tở bữn santih ntrũu tẽ põng toãq pũn.

²⁴ Ngkĩq tahan ki, manoaq atõng manoaq: “Hái chõih háq au tuar nãi. Hái séng anhũq au nãi. Aléq bữn la chơ.”

Ngkĩq cõt rapĩeiq parnai Yiang Sursĩ pai tẽ mbõq neq:

“Alõih tampẽq aroãiq cũq dõq tâc,
cõp séng anhũq tampác cũq.”✧

Ngkĩq máh tahan ki táq.

²⁵ Bữn cũai mansẽm tayũng cheq aluang sangcáng Yê-su. Cũai ki la mpiq Yê-su, avia Yê-su, Mari lacuoi Clô-ba, cõp Mari tẽ vil Mac-dala.

²⁶ Tũ Yê-su hữm mpiq án cõp cũq ca ratoi lĩq cõp án, õt tayũng cheq ki, chơ án pai chõq mpiq án neq: “Mpiq ơi! Nãi la con mới.”

²⁷ Moâm ki Yê-su atõng cũq neq: “Nãi la mpiq mới.”

Tũ ki, cũq dũng mpiq Yê-su chu õt pữ dõng cũq.

Yê-su Cuchĩt
(*Mathia 27:45-56; Mac 15:33-41; Luca 23:44-49*)

28 Vót ki Yê-su pai neq: “Cứq sâng ẽ khlac dõq.”

Án dáng khoiq môâm nheq máh ranáq noau chĩc atõng tẽ án tâng tâm saráq Yiang Sursĩ tẽ mbõq. Ngkíq yuaq án pai santoiq ki, yõn cõt rapĩeiq cõp tâm saráq ki.

29 Tâng ntõq ki bũn muoi lám khang blõng nhõq. Alói alõq muoi cõc aroaiq tâng blõng ki, chơ alói chõq tâng dũi, cõp avơi chu bõq Yê-su.

30 Môâm Yê-su yáp, chơ án pai neq: “Khoiq môâm chơ máh ranáq cứq!”

Vót ki Yê-su ngũq plõ asẽng, chơ án ta-õh rangũh.

31 Tangái ki tốp I-sarel thrũan dõq cha bũi tangái parnõ, la Tangái Rlu. Tốp I-sarel tở ẽq dõq cumuiq tâng aluang sangcáng tâng Tangái Rlu; khân alói táq ngkíq, ki tân. Ngkíq alói sẽq tẽ Phi-lat ón noau toân ayũng cũai noau téh yõn tacoaih, cõp ón alói asẽng cumuiq tẽ aluang sangcáng.

32 Ngkíq tahan toâq toân ayũng bar náq cũai noau téh parnõi cõp Yê-su yõn tacoaih.

33 Ma tữ tahan ki toâq pữ Yê-su, alói hũm Yê-su khoiq cuchĩt chơ. Ngkíq alói tở bũn toân ayũng án yõn tacoaih.

34 Ma bũn manoaq tahan ít coih choat aveh Yê-su. Chơ aham cõp dõq loõh tẽ môiq ki.

³⁵ Cúq khoiq hũm máh ranáq nâi. Lúq cúq toáp atõng loah tẽ ranáq nâi, cớp santoiq cúq pai la p̄ieiq lúq. Cúq dáng raloaih cúq pai lúq p̄ieiq, cớp cúq atõng ngkíq yõn anhia têq sa-âm.

³⁶ Nheq máh ranáq nâi toáq yõn cõt rap̄ieiq tâng tâm saráq Yiang Sursĩ tẽ mbốq, pai neq:
“Nghang án muoi ntreh la tở bữn tacoaih.”✧

³⁷ Cớp bữn ntốq canõh ẽn tâng tâm saráq Yiang Sursĩ pai neq:
“Alói tapoang nhêng chu án ca alói khoiq choat.”✧

Noau Túp Yê-su

(Mathia 27:57-61; Mac 15:42-47; Luca 23:50-56)

³⁸ Moâm ki Yô-sep tẽ vil Ari-mathê sêq tẽ Philat cumuiq Yê-su. Yô-sep la cūai puai Yê-su tê, ma án puai clõp, yuaq án ngcõh tốp I-sarel. Philat yõn án ỉt, chơ án pỡq ỉt cumuiq Yê-su.

³⁹ Bữn dếh Ni-cudem pỡq cớp Yô-sep. Ni-cudem la cūai ca pỡq sa-óh Yê-su muoi sadâu nhũang. Án dững cớng phuom carchóc tẽ bar thữ aluang. Dỡq phuom ki ntâng pái chít la pái ki-lô.

⁴⁰ Alói bar náq ỉt cumuiq Yê-su, chơ som toáq aroâiq. Alói chóc cớng phuom tâng aroâiq ki hỡ, puai rit tốp I-sarel dốq thữan nhũang dững túp cumuiq.

✧ **19:36** 19:36 Loõh Tẽ Ê-yip-tô 12:46; Ngh Proai 9:12; Ũat Khẽn 34:20 ✧ **19:37** 19:37 Sa-chari 12:10

⁴¹ Cheq ntóq noau cachit Yê-su bữn muoi nưong. Tâng nưong ki bữn muoi lám ping tamái noau táq đốq, ien ẽ túp cumuiq.

⁴² Yuaq tangái ki la tangái tốp I-sarel thữan cha bữi, cớq ping ki cheq ntóq noau cachit án, ngkíq alóí đứng túp Yê-su tâng ping ki.

20

Yê-su Tamoong Loah

(Mathia 28:1-8; Mac 16:1-8; Luca 24:1-12)

¹ Tangái muoi tâng tón ki noâng cláih lứq, paloông poang mbõiq rừm-rừm, Mari tẽ vil Mac-dala toâq pữ ping Yê-su. Án hữm ariang noau khoiq vih tamáu toâr tẽ ngoah ping.

² Ngkíq án lúh chu atõng Si-môn Phi-er cớq cứq. Mari atõng hếq neq: “Khoiq noau ít chơ Ncháu hái tẽ ping, cớq hếq tữ dáng pữ léq noau đốq án.”

³ Ngkíq Phi-er cớq cứq pữq chu ping ki.

⁴ Hếq lúh, ma cứq lúh carlíq Phi-er. Ngkíq cứq toâq nhữang pữ ping.

⁵ Cứq talẽn tâng ping, cớq cứq hữm ống aroâiq miat. Ma cứq tữ bữn mut tâng clống ping.

⁶ Tữ Si-môn Phi-er toâq, án mut toâp tâng clống ping. Án hữm ống aroâiq miat sâng.

⁷ Cớq án hữm aroâiq noau pul plữ Yê-su. Aroâiq nâi ariang noau tâp đốq, chơ achúh đốq miar tẽ aroâiq noau som.

⁸ Vót ki, cứq mut tê. Cứq hữm cớq cứq noap samoât lứq.

9 Bo ki hếq tở yũah dáng samoât tễ parnai Yiang Sursĩ atỡng tễ Yê-su cóq cuchĩt cốp yuor tamooong loah.

*Yê-su Ramóh Mari Tễ Vil Mac-dala
(Mathia 28:9-10; Mac 16:9-11)*

10 Vót ki hếq bar náq chu loah pở đồng.

11 Ma Mari noâng tayứng nhiam yáng tiah ping. Bo án nhiam, án talễn tâng ping.

12 Án hữm bar náq ranẻng Yiang Sursĩ tễ paloỏng sớp au cloc cốp tacu pở ntỏq noau đỏq cumuiq Yê-su tễ nhũang. Manoaq tacu coah plở, manoaq tacu coah ayửng.

13 Alỏi blớh Mari neq: “Avia ời! Ntrớu mới nhiam?”

Mari ta-ôi: “Khoiқ noau ít Ncháu cứq, cốp cứq tở dáng pở lếq noau đửng đỏq án.”

14 Moâm ki Mari luliaq cốp hữm Yê-su tayứng bân ki, ma án tở bữn saccoal Yê-su.

15 Yê-su pai chỏq án neq: “Avia ời! Ntrớu mới nhiam? Noau mới chuaq?”

Mari chanchỏm án la cũai sama nửng ki. Ngkíq án ta-ôi neq: “Achuaih ời! Khân achuaih đửng aloỏh án, sẻq achuaih atỡng yỏn cứq dáng pở lếq achuaih đỏq. Cứq pỏq ít án.”

16 Chơ Yê-su pai chỏq án: “Mari.”

Mari luliaq nhẻng sĩa chu Yê-su cốp pai neq: “Ra-buni ời!” (Santoiq ‘ra-buni’ parlong loah la ‘thâi’.)

17 Yê-su atỡng Mari neq: “Chỏi satoaq cứq, yuaq cứq tở yũah chỏn pở Mpoaq cứq. Ma sanua mới chu pở sẻm ai cứq, cốp atỡng alỏi neq: ‘Cứq

chõn põ Mpoaq cứq cóp Mpoaq anhia. Cứq chõn põ Yiang Sursĩ cứq cóp Yiang Sursĩ anhia.' ”

¹⁸ Mari tẽ vil Mac-dala chu põ tốp rien tẽ Yê-su. Án atõng alói neq: “Cứq khoiq hữm chơ Ncháu hái.”

Cóp án atõng alói máh santoiq Yê-su khoiq patâp án.

Yê-su Ramóh Tốp Rien Tẽ Án

(*Mathia 28:16-20; Mac 16:14-18; Luca 24:36-49*)

¹⁹ Tangái muoi tâng tõi ki, toâq tabũ, tốp rien tẽ Yê-su rôm muoi ntốq. Alói cloaih toong báng, yuaq alói ngcõh cũai I-sarel. Chơ Yê-su toâq tayúng mpúng dĩ alói. Án pai neq: “Anhia õt ien khẽ.”

²⁰ Moâm án pai ngkíq, Yê-su apáh yõn alói ki nhêng talang atĩ cóp aveh án. Tốp rien tẽ Yê-su sâng õn lứq, yuaq alói bữn hữm loah Ncháu alói.

²¹ Yê-su atõng alói sĩa neq: “Anhia õt ien khẽ. Mpoaq cứq khoiq ớn cứq pỡq; machóng ki tê cứq ớn anhia pỡq.”

²² Moâm Yê-su pai ngkíq, án cahõ tâng alói cóp pai neq: “Anhia roap ít Raviei Yiang Sursĩ.

²³ Khân anhia táh lôih noau, lôih ki lứq pút. Cóp khân anhia tỡ bữn táh lôih noau, lôih ki tỡ bữn pút.”

Yê-su Ramóh Thô-mat

²⁴ Thô-mat, noau đõq án la Di-dim hỡ, án la tẽ tốp muoi chít la bar náq tê, ma án tỡ bữn õt cóp tốp ki tâng tangái Yê-su toâq trỗ nhũang.

25 Từ alóí atōng Thô-mat alóí khoiq hữm Ncháu alóí, ki Thô-mat tở bữn noap parnai alóí. Án pai neq: “Khân cứq tở bữn hữm rapit đéng tâng talang atĩ án, cớp khân cứq tở bữn satoaq ndểm atĩ cứq tâng rapit ki, cớp khân cứq tở bữn satoaq atĩ cứq tâng aveh án, cứq lứq tở bữn noap.”

26 Vót tacual tangái ển tốp rien tể Yê-su ốt tâng đống ki sĩa. Trỗ nâi bữn đéh Thô-mat ốt cớp alóí. Alóí cloaih loah ngoah toong sĩa. Ma Yê-su toâp sĩa tayưng mpúng dĩ alóí. Yê-su pai neq: “Anhia ốt ien khể.”

27 Moâm ki Yê-su pai chóc Thô-mat neq: “Nâi la talang atĩ cứq. Mới aloõh ndểm atĩ mới pupor tâng talang atĩ cứq. Cớp mới aloõh atĩ mới pupor tâng aveh cứq. Mới chỗi coang ngian noâng. Ma cóq mới sa-âm!”

28 Thô-mat ta-õi toâp: “Ncháu cứq, cớp Yiang Sursĩ cứq!”

29 Yê-su pai loah chóc Thô-mat neq: “Yuaq mới bữn hữm cứq, ngkíq mới sa-âm. Ma bốn lứq alóí ca sa-âm cứq, ma tở nai hữm cứq.”

30 Yê-su táq sa-ữi ranáq salễh canõh ển yáng moat tốp puai án, ma cứq tở bữn chĩc nheq tâng tâm saráq nâi.

31 Ma máh ốc khoiq chĩc tâng saráq nâi, la đợc yõn anhia ca noap Yê-su la Crít, Con Yiang Sursĩ. Khân anhia sa-âm ngkíq, anhia lứq bữn tamoon mantái nhơ ramứh án.

21

Yê-su Chuai Cũai Chuaq Sĩaq

¹ Vót tể ki Yê-su toâq pở tốp rien tể án muoi trỗ ẽn pở tor clóng Tubê-riat.* Ranáq nâi la neq:

² Alói ca ốt parnơi ntốq ki la Si-môn Phi-er, Thô-mat (noau đởq Di-dim hỡ), Na-thanial tể vil Cana cruang Cali-lê, hếq bar náq con samiang Sê-badê, cớp bar náq canõh tốp rien tể Yê-su.

³ Si-môn Phi-er pai neq: “Cứq pởq yoang alieiq chuaq sĩaq.”

Chơ máh cũi pai neq: “Hếq pởq tê cớp mới.”

Ngkíq nheq tữh hếq chõn tâng tuoc. Ma nheq muoi sadâu ki hếq tở va bữn muoi lám sĩaq.

⁴ Poang tarựp mbỡiq rừm-rừm Yê-su ốt cheq tor đởq ki, ma hếq tở bữn dáng pai Yê-su.

⁵ Yê-su sabau hếq neq: “Câi ỡi! Anhia bữn sĩaq tở?”

Hếq ta-õi: “Tở va loâng!”

⁶ Yê-su pai ẽn: “Anhia yoang alieiq coah atoam ẽn, chơ anhia bữn sĩaq.”

Tữ hếq táq ngkíq, alieiq hếq chuat sĩaq sa-ũi lứq. Hếq tở rơi âc alieiq achõn tâng tuoc nõng.

⁷ Chơ, cứq atõng Phi-er neq: “Án la Ncháu hái!”

Toâq Si-môn Phi-er sâng cứq pai: “Án la Ncháu hái,” ngkíq Phi-er sớp toâp au, yuaq tể nhũang án khoiq tũot đởq chơ. Moâm ki án pởng tâng đởq.

⁸ Hếq puai ntun án na tuoc. Cớp hếq ti alieiq khoiq poân moang sĩaq. Hếq ốt tở bữn yõng tể tor, sám bar culám coat sâng.†

* **21:1** 21:1 Đởq clóng nâi noau đởq la clóng Cali-lê hỡ. † **21:8** 21:8 Tở la sám takêh chít mẽt.

⁹ Tữ hếq toâq pỡ tor, hếq hữm ùih rahững; bữn sĩaq cớp bẻng tâng tapéh.

¹⁰ Yê-su ón hếq neq: “Anhia dững pỡ nâi sĩaq mbõiq chuat.”

¹¹ Chơ Si-môn Phi-er pỡq ti toâp alieiq chu tor. Alieiq ki khoiq poân moang sĩaq; bữn muoi culám sỡng chít la pái lám sĩaq toâr, ma alieiq tỡ bữn prúh.

¹² Yê-su atỡng hếq neq: “Anhia toâq cha voai.”

Tỡ bữn aléq tẻ tộp rien tẻ án khón blớh án: “Thâi la noau?”

Nheq tữh hếq khoiq dáng chơ án la Ncháu hếq.

¹³ Ngkíq Yê-su pỡq ít bẻng; chơ án avoi yỗn hếq cha. Cớp án avoi sĩaq hỡ.

¹⁴ Pái trở tâng nâi chơ Yê-su ramóh tộp rien tẻ án vớt tangái án yuor tamoong loah.

Yê-su Táq Ntỡng Cớp Phi-er

¹⁵ Moâm cha, Yê-su blớh Si-môn Phi-er neq: “Si-môn, con Yô-na, ơi! Mới ayooq cứq hỡn dheq tẻ óc canốh tỡ?”

Phi-er ta-ỡi neq: “Ớq. Ncháu dáng chơ cứq ayooq Ncháu.”

Chơ Yê-su atỡng án neq: “Cóq mới siem cũu con khong cứq nớ.”

¹⁶ Muoi trở ẻn Yê-su blớh Phi-er neq: “Si-môn, con Yô-na, ơi! Lứq mới ayooq cứq tỡ?”

Phi-er ta-ỡi sĩa: “Ớq. Ncháu dáng chơ cứq ayooq Ncháu.”

Chơ Yê-su atỡng án sĩa: “Cóq mới rabán charán cũu cứq nớ.”

17 Muoi trở ễn Yê-su blóh sĩa Phi-er neq: “Si-môn, con Yô-na, ời! Lứq samoât mới ayooq cứq tở?”

Ngkíq Phi-er sâng ngua, yuaq Yê-su ốt blóh níc án khoiq pái trở chơ neq: “Lứq samoât mới ayooq cứq tở?”

Chơ Phi-er ta-õi sĩa: “Ncháu ời! Ncháu dáng dũ ramúh chơ. Ncháu dáng cứq ayooq Ncháu.”

Chơ Yê-su atỡng án sĩa: “Cóg mới siem charán cữu cứq nơ.

18 Cứq atỡng mới samoât lứq, bo mới noâng póng, têq mới ỉt rangúh mới bữm. Mới yoc ẽ pởq chu léq, mới pởq. Ma nỡ-ra toâq mới thâu, mới lứq ayoang atĩ mới, cốp cũai canõh chốq ngkĩng mới. Chơ alói dững mới chu ntốq mới tở ẽq pởq.”

19 Yê-su pai ngkíq, án atỡng na ntróu Phi-er cuchĩt. Nỡ-ra máh cũai hữm Phi-er lứq cuchĩt ngkíq, chơ alói khễn Yiang Sursĩ. Moâm ki Yê-su ón Phi-er neq: “Cóg mới puai cứq!”

20 Phi-er luliaq chu clĩ. Án hữm cứq ca ratoi lứq cốp Yê-su ốt ngki tê. Cứq la án ca ốt tĩng Yê-su bo hếq chi-cha dõĩ pêl tabữ ki. Cứq toâp khoiq blóh Yê-su noau ẽ chếq án.

21 Tữ Phi-er hữm cứq, án blóh Yê-su neq: “Ncháu ời! Án nâi cuchĩt na ntróu?”

22 Yê-su ta-õi Phi-er neq: “Khân cứq yoc án tamoong toau cứq toâq loah pở nâi, bữn mới tutuaiq táq ntróu? Ma mới, cóq mới puai cứq.”

23 Moâm Yê-su pai ngkíq, parnai ki trởh la-ữt la-ữi pở cũai ca sa-âm Yê-su. Ngkíq alói

chanchóm pai cúq tở bữn cuchĩt noâng. Ma Yê-su tở bữn pai cúq tở bữn cuchĩt. Yê-su pai neq: “Khân cúq yoc án tamoong toau cúq toâq loah pở nâi, bữn mới tutuaiq táq ntrầu?”

²⁴ Cutĩ cúq toâp la cũai tể tốp rien tể Yê-su ca atõng máh ramứh nâi, cóp cúq khoiq chĩc máh ramứh nâi tê. Têq anhia noap ỉt, yuaq nheq parnai nâi la lứq pĩeiq.

²⁵ Noâng bữn sa-ữi ranáq ễn Yê-su khoiq táq. Cúq chanchóm, khân noau yoc ể chĩc nheq dũ ramứh ki, nheq tửh cốc cutểq nâi tở bữn dũ ntốq ể dỏq noâng máh tâm saráq ki.

**Parnai Yiang Sursĩ - Kinh Thánh tiếng Bru
Bru, Eastern: Parnai Yiang Sursĩ - Kinh Thánh tiếng
Bru Bible**

copyright © 2015 Wycliffe Bible Translators, Inc.

Language: Eastern Bru

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 26 Jul 2024 from source files
dated 29 Jan 2022

2f74bcbe-d4f1-5386-8c30-29d0147bb706